

ԼՈՒՄԱՅ

ԴՐԱԿԱՆ ՀԱՆԴԻՍԻ

1899 թ.

Ա. ԴՐՔԻ

ՅԱԽԵԼՈՒԱԾ

ՄՕՐԷԻ ԻՇԽԱՆ

ՊԱՏՄԱԿԱՆ ՎԷՊ

Թարգ. վահան Ծ. Վ. Բաառաւնեան

(Սկզբը՝ 1—110 երես տպուած է «Լուսնայ»-ի 1898 թ.
Ա. և Բ. գրքերում):

LIBRARY

UNIVERSITY OF CHICAGO

1881

1881

1881

UNIVERSITY OF CHICAGO

1881

UNIVERSITY OF CHICAGO

(OFFICE, 1-110 Fifth Avenue, New York City, 1881)

By the University of Chicago

— Նայեցէ՛ք ձեր չորս կողմը, շարունակեց Խամարէթը, — մեր արգաւանդ հովիտները անապատ են դարձել և ոչինչ չեն բուսցնում բացի փշից և տատասկից. նոցա ոտնակոխ են անում մեր մեծամիտ բռնակալների ձիերը: Հռչակաւոր բաղաքները — աւերակների կոյտեր են, և գայլերը ու աղուէսները շինել են նոցա մէջ իւրեանց նորջերմ. իսկ մենք, արհամարհուած սարուկներ, վայրենի դրութեան հասցրած, առանց կտոր հացի մեր զաւակները կերակրելու համար, առանց շորի մերկութիւնը ծածկելու համար, մենք՝ որ ծաղր և ծանակ ենք դարձած, բոլոր մարդկութեան անհամարհանքով աղուեսադրոշմած, մենք թագնւում ենք բարանձաւներում, ուր վայելելու ենք գոնէ գազանների անգատութիւնը, — կամ, որ աւելի վատն է, ձկուելով ասպետների սրի և նիզակի տակ, ըլլում ենք իբրև նախիր, և թափառում մեր կորուսած փառքի աւերակների մէջ: Ո՛հ, միթէ հին Յուդաստանի այս գեղեցիկ մայրողները այլ եւս ընդունակ չեն թւում՝ ձեզ լինել գերեզման իւր զաւակների համար, որք գերադասում են դիւցազնաբար մեռնել նորա համալի, քան թէ վկայ լինել նոցա նախատինքին:

— Այո՛, գոչեց Խամարէթը, երբ շղթաները կաշկանդում էին մեր ձեռքերը, նոքա անշարժ էին. երբ մեր բանտապետները հսկում էին մեր ամէն մէկ շարժումների վերայ և գանակոծում էին մեզ ամենափոքր ընդդիմադրութեան փորձի համար, երբ մեր մերձաւորները դարձնում էին մեզանից իւրեանց երեսը, որ չթափեն անօգուտ արտասուքներ մեր թշուառ դրութեան պատճառով, այն ժամանակ մենք, ի հարկէ, ընկղմուած էինք յուսահատական անգործունէութեան մէջ, այն ժամանակ կեանքը պաշտողները խոնարհեցրին իւրեանց վզերը թի տակ. իսկ նոքա, որոնք չէին կարող կրել կեանքի բեռը և շղթաների ծանրութիւնը, դարձրին իւրեանց վերայ իւրեանց սուրը, անկար լինելով թըշնամիների դէմ: Բայց այժմ, երբ մեր հարստահարիչները անհաշտ են և հակառակ միմեանց, և իւրեանց կեանքների պատճառով կհեռացնեն մեզանից իւրեանց ուշադրութիւնը, երբ մենք կարող ենք ղինաւորուել առանց կասկած յարուցանելու և առանց վախենալու, որ կիմանան մեր խորհուրդները, երբ հզօր դաշնակիցդ, որ դեռ եւս յոյս և հաւատ

ունի մեր բախտի աստղի մասին, մեկնում է մեզ իւր ձեռքը, եթէ մենք այժմ էլ կփախցնենք ձեռքից այսպիսի բարեյաջող դէպքը, եթէ չենք լսի Աստուծոյ ձայնին, որ կոչում է մեզ դէպի կեանք և ազատութիւն, մենք կլինինք անարժան այդ երկու ամենաբարձր բարիքներին, և մեր յանցանքը կը կոչուի ոչ թէ իբրեւ նախատելի երկչոտութիւն, այլ աւելի վատ, աւելի սարսափելի անուանով. նա կկոչուի — դաւաճանութիւն հայրենիքին:

Խամարէթը էլի երկար խօսում էր միւսնոյն ոգեւորութեամբ, միեւնոյն ազգասիրական բորբոքով. իւր ճառերով նա վստահութեան ոգի ներշնչեց ամենաթուլասիրտների մէջ և յաղթեց ամեն տեսակ տաքակուսանքներին: Ամենքին ոգեւորւմ էր մանաւանդ Ելլադայի իշխանի խոստացած օգնութիւնը:

Խամարէթից յետոյ սկսեց խօսել Պետրալիֆասը, որ մինչեւ այդ ժամանակ լսում էր և նայում էր լուռ:

— Ելլադայի իշխանը մեկնում է բարեկամութեան ձեռքը իւր հայրենակիցներին, որք կարօտ են նորա օգնութեան: Եւ որչափ և մեծ լինէր ձեռնարկութիւնը, որպիսի դժուարութիւնների հետ կապուած լինէր դա, նա յետ չի կանգնի գործից, եթէ հաւատացած լինի, որ կգանէ զինակիցներ: Եղբարք, մի՛ վշտանաք իմ վերայ, եթէ ասեմ, որ նայելով ձեր հայեացքներին, ձեր խօսքերին, ես տեսնում եմ, որ իմ շուրջս հաւաքուել են հերոսներ: Բայց եթէ միայն դուք էք պատրաստ մտնել այդ վտանգաւոր պատերազմի մէջ, ձեր պատրաստականութիւնը կլինէր, ի հարկէ, դիւցազնական, սակայն նորա հետեւները կլինէր, հաւատացէք իմ փորձառութեան, մի՛հ, — փառաւոր, բայց անօգուտ: Ելլադայի իշխանը պարտաւոր է պահպանել ոչ միայն իւր կեանքը, այլ և իւր հպատակների բարօրութիւնը: Ատանգի ենթարկել այդ բոլորը — պարտազանցութիւն կլինէր նորա կողմից: Հարկաւոր է, որ նա յուսար յաջողութեան որեւիցէ հնարաւորութեան վերայ. հարկաւոր է, որ նա հաւատացած լինէր թէ՛ գնում է պաշտպանել ոչ թէ մի փոքրածիւ խումբ հերոսների, որք նուիրել են իրանց կեանքը մահուն, Դորոնք կամենում են նահատակ լինել հայրենիքի համար, — այլ ամ-

բողջ ազգին, որ ցանկանում է ազատութիւն և յոյս ունի յաղթութեան:

— Փա՛ռք Հօր, գոչեց Վուստարոսը, — եթէ դուք տեսնում էք այստեղ քառասուն մարդ, ասացէք Ելլադայի իշխանին, որ տեսել էք քառասուն քաղաք: Ես նուիրում եմ մեր գործին ոչ թէ միայն իմ սուրը, այլ և Վուստարոսի անունը: Լսելով անունս — փառք Հօր, լսելով այս անունը, կշարժուի Պորտիայի ամբողջ հովիտը:

Վուստարոսից յետոյ խօսեցին ուրիշները, Արկադիա, Մեսսինիա, Լակոնիա, և այլն քաղաքների կողմից, որոց վերայ նոցանից ամեն մէկը ունէր որեւիցէ ազդեցութիւն: Վրձռեցին տալ Պետրալիֆասին ապստամբողների անուանական ցուցակը բացատրութիւններով թէ՛ ո՞րը որքան ոյժ է խոստացել պատրաստի ունենալ, իսկ նա կյանձնի Ելլադայի իշխանին:

— Ես ժամանակ կունենամ կատարել ձեր այդ յանձնարարութիւնը, ասաց Պետրալիֆասը, որովհետեւ ձեռնարկութիւնը չէ կարելի սկսել մինչեւ որ չգայ Շամպլիտը և չտեսնենք երկու հակառակորդի փոխադարձ յարաբերութիւնները և նոցա առաջին գործողութիւնները:

— Բայց, պատասխանեց Վուստարոսը, մենք պէտք է տեղեկութիւն ստանանք իւր ժամանակին: Մեզ հարկաւոր է խօսել միասին և պայմանաւորուիլ առաջ քան թէ կրկսենք գործը: Ո՛ւր և ի՞նչպէս կարող ենք ժողովուրդ:

— Այստեղ, պատասխանեց Խամարէթը, — Գալլի քարանձաւի մէջ: Երբ Օլէն սարի գլխին վերստին կբոցավառուին խարոյկները երեք գիշեր շարունակ, — այդ կլինի նշան, որ մենք պէտք է գնանք Գալլի քարանձաւը և սկսենք գործը:

— Լա՛ւ, գոչեց բոլոր ժողովը:

— Ո՛հ, իմ հաւատարիմ սուր, դու դարձեալ դուրս կգաս պատեանից, գոչեց մէկը:

— Փա՛ռք Հօր, ասաց Վուստարոսը:

Ապստամբողները ելան տեղից և ամեն մէկը առնելով ձեռքին վառուած խարոյկից մի մի խանձող, դուրս գնացին քարանձաւից: Միասին անցան գետակի միւս ափը ու ցրուեցան լեռնային զանազան ճանապարհներով: Նոցա վառուող խանձողները հեռուից նմանում էին շարժուն աստղերին:

Պետրալիֆասը և Խամարէթը վերադարձան գնացած ճանապարհով. գտան իւրեանց ծառային այնտեղ, որտեղ թողել էին, և հասնելով մինչև Անդրապիգի եկեղեցին իջան ձիերից: Յետոյ ոտքով գնացին Պետրալիֆասի տունը, և ծերունին յուշիկ առանց աղմուկի մտաւ իւր բնակարանը զեռ արևը ծագելուց առաջ:

14.

ԽԱՐԷՈՒԹԻՒՆ ԵՒ ԴԱՒԱՃԱՆՈՒԹԻՒՆ:

Եթէ Վենետիկ Առիծը և Կորֆուի նաւը փախչում էին Ռօքերտից, այդ չէ ստիպում մեզ ամենևին նոյնպէս թողնել, մոռանալ նորան:

Այդ կրկնակի ձախորդութիւնից յետոյ Ռօքերտի բարկութիւնը այն պատճառով այնպէս սաստիկ էր, որ նա չէր իմանում թէ ո՞ւմ վերայ թափէր այն: Դոժը ամենաջերմ համակրութեամբ տուեց նաւապետին ամենաձեռնտու պատուէրներ Ռօքերտի համար. միթէ Դոժը մեղաւոր էր, որ նաւապետը հիւանդացաւ: Իսկ նորա օգնականը նոյնպէս չէր կարող չկատարել իւր մեծաւորի հրահանգները—չէ որ նորան ուրիշ հրահանգ չէր տուած: Կորֆուի փոխարքան, իւր կողմից, նմանապէս շատ հիւրասէր էր և պատրաստ աւմեն կերպ օգնել Ռօքերտին.—նա մինչև անգամ նաւ ուղարկեց փախած Առիծին հասնելու համար: Փոխարքան ինչո՞վ էր մեղաւոր, որ Ռօքերտը վարձել էր միւսնոյն նաւը և առաջուց չէր զգուշացրել նորան:

Ռօքերտի յուսահատութիւնը ամենից առաջ արտայայտուեցաւ աղաղակներով և նշովքներով: Բայց երբ նա տեսաւ, որ այդ բոլոր գոռում-գոչումները չեն տալի նաւեր և ամենևին չեն մօտեցնում նորան Պելոպոնէսին, նա ընկաւ այնպիսի թուլութեան մէջ, որ այդ ժամանակ կարող էր դուրս գնալ Կորֆուից մի ամբողջ նաւատորմի և նա չէ՞ն իմքնայ այդ:

Նոնի բնաւորութիւնը աւելի համբերող էր: Չէ կարելի, ի հարկէ, ասել, որ այդ բոլոր ձախորդութիւնները

չվշտացնէին նորան. նա գուցէ աւելի հոգեմաշ էր լինում քան թէ Ռոբէրը: Բայց Նոննի գլխաւոր հոգան էր՝ հասնել նպատակին, և որպիսի կրքերը և վրդովէին նորան՝ նա աչք չէր հեռացնում իւր նպատակից:

Այսպէս, մինչդեռ ասպետը պառկած էր անկողնի վերայ, հառաչանքներ արձակելով, Նոննը վազվզում էր ծովեզերքի մօտ, նայում էր նաւահանգստին, աչքով չափում էր ամենահեռաւոր հորիզոնը, գննում էր նաւակների լաստերի ամրութիւնը: Բայց չկար և ոչ մի նաւակ կամ լաստ, որ կարողանար տեղաւորել իւր մէջ իշխանի ուղեկիցներից գոնէ կէսը:

Օրերն անցնում էին արագութեամբ և ոչ Ռոբէրի յուսահատ խոնարհութիւնը ճակատագրին, ոչ Նոննի եռանդուն գործունէութիւնը, ամենափոքր փոփոխութիւն անգամ չգործեցին մեր ուղեկիցների դրութեան մէջ: Նոցա համար չկար ոչ մի նաւ, Երրորդ օրը երեկոյեան ձանձրացած Նոննը նոյնպէս բնկաւ իւր իշխանաւորի մահճակալի մօտ. նորան էլ պատեց վճատութիւն և յուսահատութիւն: Մի ամբողջ ժամ Նոննը մենշմունքներով էր պատասխանում խեղճ ասպետի հառաչանքներին. յետոյ յանկարծ վեր թռաւ նա:

— 2է՞ որ պէտք է վերջապէս վախճան գնել այս բոլորին, ասաց նա. — ձերդ բարձրութիւն, մեզ անհրաժեշտ հարկաւոր է գնալ:

— Անհրաժեշտ հարկաւոր է գնա՞լ, ասում ես դու, գոչեց Ռոբէրը: Դէ, ուրեմն գնանք: Երդուում եմ Ա. Դիոնէսիսով, իմ սիրելի Նոնն, որ դու բոլորովին խելացնորուել ես, խեղճ: Ասա՛ ի՞նչպէս գնանք:

— Ի՞նչպէս գնանք: Նստենք ձկնորսների նաւակներից մէկի մէջ և թիափարենք մինչև հանդեպի ափը, իսկ յետոյ ափը բերելով կհասնենք Պելրպոնէսին ինչպէս միայն հնարք կլինի, այնուամենայնիւ աւելի շուտ, քան թէ այստեղ նըստած՝ աստղերը համարելով և փոխարքայի անպիտան գինին խմելով:

— Բայց քանի՞ մարդ կարող է տեղաւորուիլ բո՛ ձրկանորսական նաւակի մէջ, իմ սիրելիս:

— Ձերդ բարձրութեան համար տեղ կլինի յամենայն

դէպս և այդ ամենագլխաւորն է. իսկ յետոյ... գուցէ տեղ
կգտնուի և ինձ համար:

— Հապա միւսնե՞րը:

— Նոքա կսպասեն, մինչև որ նոցա դէպք կպատահի
գնալու: Ի հարկէ, շատ լաւ կլինէր, որ ձերդ բարձրութիւնը
մտնէր Պելոպոնէս բոլոր դրանիկներովդ, զօրութեան և փառքի
բոլոր փայլմունքով, բայց շատ վատ կլինի եթէ ոչ դուք և
ոչ նոքա չէք հասնի Մօրէ: Ուրեմն, թող ձեր բարձրութիւնը
մտնէ իւր երկիրը միայնակ, իսկ ձեր դրանիկները յետոյ:
Ես առաջարկում եմ ձեզ այս միջին ելքը:

— Եւ ես ընդունում եմ քո առաջարկութիւնը, ասաց
Ռօբէրը. — վաղը առաւօտ նստենք ձկնորսական նաւակի մէջ
և գնանք:

Միւս օրը արշալոյսը բացուելուն պէս, Ռօբէրը և
Նօնը միասին գնացին նաւահանգիստը. բայց նաւակներից
աւելի մեծը հրաժարուեցաւ տանել նոցա, ասելով թէ ար-
դէն վարձուած է ընջակացներ (ձուկ) որսալու:

Ի զուր մեր ճանապարհորդները առաջարկում էին կրկ-
նապատիկ, եռապատիկ, տասնապատիկ վարձ, նաւակի տէրը
շատ հաւատարիմ էր իւր խօսքին և յամառութեամբ պա-
տասխանում էր թէ՛ մի անգամ ուրիշին վարձու տալով
իւր նաւակը, նա չի համաձայնի յետ կանգնել իւր խօսքից
մինչև անգամ աշխարհիս բոլոր գանձի համար:

Այդպիսի հաւատարմութիւնը այնքան ազնիւ էր և նա-
ւատիրոջ հաստատակամութիւնը այնքան անշարժ, որ ճա-
նապարհորդները թողին նորան և մօտեցան ուրիշ նաւակի:

Նոցա անբախտութիւնից և այդ նաւը արդէն վարձուած
էր և տէրը յայտնեց, որ չէ կարող հեռանալ Գօրֆուից
եթէ առաջարկէին նորան մինչև անգամ աշխարհիս բոլոր
ոսկին:

Երրորդ նաւը երբեք չէր հեռանում ափից կէս մղո-
նից աւելի և տէրը ամենեւին չհամաձայնուեցաւ թողնել նո-
րան աւելի հեռու:

Չորրորդը յայտնեց, որ առագաստներ չունի և չկայ
հնարք գտնել նոցա:

Դիմեցին մի առ մի բոլոր նաւակներին, բայց որը թիեր
չունէր և չէր կարելի գտնել ամբողջ կղզում, որը

չէր կարող ճանապարհորդել ուրիշ պատճառներով: Այնպէս որ Ռորէրը և Նոնը չգտան ոչ մի նաւակ, որ կարողանային վարձել:

Այս վերջին և արդէն... բոլորովին անսպասելի ձախորդութիւնը լցրեց մեր ճանապարհորդների յուսահատութեան չափը: Նոբա կարող էին միանգամայն խելագարուիլ, եթէ փոխարքան չաշխատէ՝ մխիթարել նոցա ամեն միջոցներով—սիրալիր և անկեղծ խօսքերով, լաւ գինիով և անընդհատ խնջոյքներով:

Նոյն իսկ այդ վերջին յուսահատութեան օրը փոխարքան այցելեց իշխանին և գտաւ նորան լաց լինելիս, Նոնը ժայթքում էր ամենակատաղի նզովքներ: Փոխարքան յորդորեց նոցա չվշտանալ, ասում էր թէ՝ նաւերը Դալմացիայի կողմերից կվերագառնան Մարտի սկզբում, կամ ամենաուշը վերջում, և հաւատացնում էր թէ՝ հրամայել է կղզու ամենաբարձր տեղերից դիտել և յայտնել նորան, եթէ միայն հեռուից կտեսնեն որ և իցէ նաւ:

Այնու ամենայնիւ, միւս օրը մեր բարեկամները դարձեալ գնացին նաւակների մօտ, բայց դարձեալ առանց օգտի: Այդ ժամանակ ափին մօտեցաւ առաջին նաւակի տէրը: Նոնը դարձեալ սկսեց գրաւել նորան նորոգելով և հետզհետէ մեծացնելով իւր առաջարկութիւնները: Բայց այդ մարդու հաւատարմութիւնը ադամանդի կարծրութիւն ունէր—ոսկին ոչինչ ազդեցութիւն չունէր նորա վերայ: Հաստատութեամբ դիմանալով օտարականների գայթակղեցուցիչ առաջարկութիւններին, ձկնորսը կապեց իւր նաւակը, հանեց նորանից ուրկանը, դրեց ուսի վերայ և գնաց քաղաք: Ձկնորսների թաղի ծուռումուռ փողոցներով անցնելով՝ փոխանակ իւր խրճիթը գնալու, մեր ձկնորսը դիմեց դէպի քաղաքի մեծամեծ փողոցները և գնաց փոխարքայի պալատը: Այնտեղ նա յայտնեց թէ կամենում է տեսնել փոխարքային:

—Ձերդ գերազանցութիւն, ասաց ձկնորսը փոխարքային, նաւ կայ: Այն կողմից, ուր ես այսօր ձուկ էի որսում, տեսայ մի նաւ, որ գալիս էր Ատտարօի կողմից, և եկել եմ յայտնել այդ ձեզ ըստ ձեր հրամանին:

—Նաւ, ասաց փոխարքան. ի՞նչ մեծութեան, Համալիտը իւր բոլոր ուղեկիցներով կտեղաւորուին նորա մէջ:

— Այժմ նա երևում է միայն ուրուրի (Թռչուն) չափով, նա դեռ ևս հեռու է շատ հեռու, պատասխանեց ձըկնորսը։ Միայն, Թո՛ղ պատժէ ինձ սուրբ Սպիրիդոնը, եթէ դա ծերունի Բարընը չէ Ցարից։ Ես նորան ճանաչեցի գնացքով, իսկ նա կարող է տեղաւորել իւր մէջ Շամպլիտի ուղեկիցներից երեք անգամ աւելի շատ մարդիկ։

— Բայց, ի՞նչ ես կարծում, շուտով կհասնի այստեղ։

— Այդ միայն քամին գիտէ։ Եթէ յաջողակ քամի կլինի, և սուրբ Սպիրիդոնը կօգնէ, նաւը խարխալ կձըգէ նաւահանգստի մէջ այսօր գուցէ մինչև արևի մայր մըտնելը։ Իսկ եթէ քամին կլինի այնպէս, ինչպէս այժմ, նաւը կհասնի մօտ կէս գիշերին։ Բայց նա մենակ չէ. այնտեղ հեռու, ծովածոցի մէջ ես տեսայ էլի երկու սպիտակ կէտ, և երդւում եմ սուրբ Սպիրիդոնով, նորքանոյնպէս երկու նաւ են։

— Ո՛հ, ո՛հ, գոչեց փոխարքան, — բանը ծանրանում է, գի՛տես Ստերօ պապի։ Աղօթիր Աստուծուն և տար Շամպլիտին Մօրէ։ Կարո՞ղ ես։

— Հը՛մ. ՚ի հարկէ։ Երդւում եմ սուրբ Սպիրիդոնով, Թո՛ղ նա ողորմած լինի ինձ. եթէ ձերդ գերազանցութիւնը ինձ չարգելէիք տանել նոցա երեք օր առաջ, ես այժմ կէս ճանապարհը անցած կլինէի։

— Դէ՛, այժմ, Ստերօ պապի, ես քեզ չեմ արգելում. ի հարկէ դու կտանես միայն Շամպլիտին, և էլի մէկին կամ երկուսին նորա ուղեկիցներից, բայց առանց ձիերի և զինուորների։

— Թո՛ղ պահէ ինձ սուրբ Սպիրիդոնը։ Ընդունե՛մ ձիերը նաւակի մէջ, խեղդուելու ցանկութիւն ունիմ, ինչ է։

— Դէ՛, արա՛ ինչպէս գիտես, և ճանապարհ ընկիր այսօր երեկոյեան։ Լսիր...

Փոխարքան մի քանի խօսք ասաց ծերունու ականջին։

Հինգ ըոպէից յետոյ ձկնորսը արդէն Ռօբէրի մօտն էր։ Նօնը իսկոյն ճանաչեց նորան։ Նորա սիրտը զարկեց ուսրախ նախազգացմունքից։

— Ի՞նչ է, ծերունի, ասաց Նօնը, դու դեռ ևս չե՞ս կամենում ստանալ հարիւր հատ վննետեփան ոսկի։ Բայց եթէ նոքա դառնան հարիւր յիսո՞ւն։ Ա՛խ... երևի դուր շատ հարուստ էք այստեղ Կօրֆուում։

— Երգւում եմ սուրբ Սպիրիդոնով, որ ես աղքատ մարդ եմ, և 150 ոսկին մեզ համար գիւտ է: Բայց...

— Ա՛խ, դու դարձեալ քո ձկներով, գոչեց Ռօբէրը, ուսերը բարձրացնելով: — Արդեօք իսկապէս ի՞նչ արժեն քո ընչպէհացները (ձուկ): Հարիւրութսո՞ւն ոսկի, ա՛ռ, ես բեղ տալիս եմ:

Ձկնորսը վրդովմունքով նայեց սենեակի չորս կողմը:

— Արդեօք ոչ որ չի՞ լսի մեզ այստեղ, հարցրեց նա:

— Ոչ որ: Ի՞նչ ես վախենում, ասա՛. ի՞նչ ես կամենում:

— Հրաժարուի՛ր բախտաւորութիւնից, երբ նա ինքը զօրով կապում է գլխիդ... Երգւում եմ սուրբ Սպիրիդոնով, մեծ է գայթակղութիւնը... Է՛հ, ինչ դառնայ դառնայ, ես համաձայնում եմ տանել ձեզ Փօրէ:

— Համաձայն ես, գոչեցին միաձայն Ռօբէրը և Նօնը, և քիչ էր մնում ընկնէին Ստերօ պապի գիրկը:

— Ի սէր Աստուծոյ, այդպէս բարձր մի՛ աղաղակէք, թէ չէ գուցէ փոխարքան կիմանայ և ես երբէք էլ չեմ տեսնի նորին պայծառափայլութեան երեսը:

— Ի՛նչպէս փոխարքան, ասաց Նօնը... բայց ինչո՞ւ ես թագցնում այդ բանը փոխարքայից:

— Եթէ դուք չէք կամենում, որ վաղը ինձ կախ տան իմ նաւակի կայմից, աղաչում եմ ձեզ սուրբ Սպիրիդոնի անունով, մի՛ մատնէք ինձ: Ես մինչև այժմ հրաժարւում էի տանել ձեզ իմ նաւով, և միւս բոլոր նաւատէրերն էլ հրաժարւում էին նոյնպէս, այն պաաճառով, որ մենք ամենքս ստացանք դորա մասին ամենախիստ հրաման փոխարքայից:

— Փոխարքայից, ասաց Ռօբէրը: Բայց ինչո՞ւ արգելել էր ձեզ փոխարքան տանել ինձ:

— Մենք ի՞նչ գիտենք: Նա հրամայել էր յայտնել մեզ ամենքիս, որ եթէ մեզանից մէկը, թէկուզ տալին Փօրէի բոլոր հարստութիւնը, կհամաձայնուի տանել իւր նաւով ձերդ բարձրութիւնը, նա կպատժուի խիստ կերպով: Ի հարկէ, մենք ամենքս սաստիկ վախեցանք. մեզ լաւ յայտնի է, որ երբ նորին գերազանցութիւնը սպառնում է, ի զուր չէ անցնում այդ: Իսկ եթէ դուք ինձ կխոստանաք գաղտնիք պահել գործը, երգւում եմ սուրբ Սպիրիդոնով, ես ճանա-

պարհ ընկնեմ հէնց որ կմթնի, իսկ յետոյ թող լինի ինչ որ կլինի:

— Դուք ի՞նչպէս էք մտածում այս բանի մասին, ձերդ բարձրութիւն, հարցրեց Նօննը:

— Ինչպէս եմ մտածո՞ւմ: Եւ դու դեռ ևս հա՞րցնում ես: Հէնց որ կմթնի: Որոշուած է, պատասխանեց Ռօբերը:

— Եւ ափիցը հեռանալուն պէս, շարունակեց Նօննը, ես բեզ կվճարեմ 180 ոսկին:

— Իսկ ես, ոտքս Բօրէի հողի վերայ դնելուն պէս, աւելացրեց Ռօբերը, կպարգեւեմ բեզ էլի 50 ոսկի:

— Թող պահպանէ ձեզ սուրբ Սպիրիդոնը, ասաց ձըկնորսը: Դէ, ուրեմն մինչև գիշերս: Եկէք դուք երկուսդ, և էլի, եթէ ուզում էք, մի ծառայ վերցրէք: Նաւակիս մէջ աւելի ոչ որ չէ կարող տեղաւորուիլ:

Ձկնորսը գնաց:

Մի րոպէ անգամ չկորցնելով, ճանապարհորդները ըսկսեցին տեսնել գնալու պատրաստութիւնները: Մի հաւատարիմ ծառայ, որին նոքա կամենում էին տանել իւրեանց հետ, հրաման ստացաւ ժողովել շուտով հարկաւոր բաները բայց ամենածածուկ զգուշութեամբ, և տանել նաւակը մթնելուն պէս:

Այդ միջոցին եկան յայտնելու փոխարքայի գալուստը:

— Ա՛խ, այդ շատ յարմար պատահեցաւ, ասաց Ռօբերը, ես երեսին կզարնեմ նորան, որ նա անպիտան է, դաւաճան, արժանի ամեն արհամարհանքի: Գոնէ բաւականութիւն կունենամ թափել նորա վերայ այն բոլոր զայրոյթը, որ հաւաքուել է սրտիս մէջ:

— Երևի թէ ձերդ բարձրութիւնը ցանկանում է մնալ Կօրֆուում էլի մէկ կամ երկու ամիս: Փոխարքան անշուշտ դաւաճանում է մեզ և խմացնում է անպիտան գինին ոչ իւր սեփական ցանկութեամբ: Այդտեղ կան որպիսի ևիցէ գաղտնի նպատակներ, որպիսի և իցէ դժոխային դաւադրութիւն: Աւելի շատ խոհեմութիւն կլինի խոյս տալ մեզ մեր դէմ լարած թակարդից, այնպէս որ նա չկարծէր անգամ այդ բանը: Աղաչում եմ, ձերդ բարձրութիւն, զսպեցէք ձեր բարկութիւնը:

Փոխարքան մտաւ ներս: Իմացուեցաւ, որ նա եկել էր

պաշտօնական հրահերթի կանչել իշխանին իւր մօտ գիշերը ընթերցելու, ուր մտադիր էր ներկայացնել նորան ամբողջ հանգի նշանաւոր անձինքները:

Ռօբէրը նմանում էր կատաղի կատուի, որ պատրաստ է կոխել իւր ճանկերը թշնամու աչքին: Բայց նօննը շտապեց պատասխանել և ամենաբաղադարի կերպով շնորհակալութիւն յայտնել, աւելացնելով թէ՛ նոքա երկուսն էլ ներկայ կլինեն ընթրիքին: Ռօբէրը, զգալով, որ իւր լուծութիւնը կարող է ծուռ մեկնութեան ենթարկուիլ, ասաց թէ ամենամեծ ուրախութեամբ կ'մասնակցի խնջոյքին: Եւ յանկարծ, կարծես թէ նորա մտքերը պատող ամպերը ցրուեցան, նա մօտեցաւ փոխարքային և ասաց.

— Դուք այնքան հիւրասիրութիւն ցուցիք մեզ: Բայց ես պէտք է խոստովանուիմ, որ կայ մի ուրախութիւն, որը իս գերադաս եմ համարում բոլոր միւսներէից, և աղաչում եմ ձեզ տալ ինձ այդ ուրախութիւնը քանի որ ես ստիպուած եմ դեռ ևս մնալ այս քաղաքում:

— Ո՞րն է, հարցրեց փոխարքան զարմացմամբ:

— Ուսորդութիւն, պատասխանեց Ռօբէրը: Ես հաւատացած եմ, որ ձեր սարերում կան անթիւ նապաստակներ, գուցէ և այծեամներ կամ եղջերուներ:

— Ի հարկէ, ասաց փոխարքան, և ես բոլորովին պատրաստ եմ կատարել ձերդ բարձրութեան այդ ցանկութիւնը: Մեր սարերում կան շատ եղջերուներ մեծութեամբ... ինչպէս գովէ:

— Ուրեմն, դուք կարծում էք, որ մենք վաղը կկարողանանք գնալ որսի: Դուք այնքան բարի կլինիք, որ մեզ կտա՞ք առաջնորդողներ:

— Վա՞ղը, ասաց փոխարքան տարօրինակ ժպիտով: Ո՛հ, ամենայն ուրախութեամբ: Երբ միայն և ցանկալի կլինի ձերդ բարձրութեան: Ես ինքս ուրախութիւն և պարտաւորութիւն կհամարեմ ուղեկցել ձեզ: Բայց մենք դուրա մասին կխօսենք ընթրիքի ժամանակ:

— Ուրեմն ցտեսութիւն մինչեւ երեկոյ, ասաց Ռօբէրը, և գնաց փոխարքան:

Երեկոյեան, այն իսկ ժամանակին, որ նշանակուած էր չքեղ ընթրիքի համար, ուր պիտի ներկայանային Ռօբէրին

կղզու նշանաւոր անձինք, Պելոպոնէսի ապագայ իշխանի ծառան մտաւ պալատը և պատուիրեց յայտնել փոխարքային որ գործ ունի: Մտնելով փոխարքայի սենեակը, նա մնաց արձան կտրած զարմանքից: Փոխանակ նստած լինելու փառաւոր ընթրիքին, շրջապատած Կորֆուի պատուաւոր բնակիչներով, սպասելով Ֆրանսիական իշխանին, ծառան տեսաւ փոխարքային նստած մենակ, գիշերօգայ շորով, փոքրիկ բոլորակ սեղանի առաջ, լուսաւորուած մարող լապտերի աղօտ լուսով, ուտելով համեստ ճաշի մնացորդները:

Վերջապէս ծառան ասաց.

— Իմ տէրը խնդրում է ձերդ գերազանցութիւնից չսպասել նորան ընթրիքին. նա յանկարծ զգաց սաստիկ գլխացաւ և ստիպուած է հանգստանալ այս գիշեր որ պատրաստ լինի վաղուան որսորդութեան համար:

— Եւ շատ լաւ է անում, որ հանգստանում է, ասաց փոխարքան: Ասա՛, որ ես ցանկանում եմ նորան բարի գիշեր: Իմ գլուխս էլ նոյնպէս պատիկ ցաւում է, և ես այս րոպէիս կամենում էի մարդ ուղարկել իշխանին ներողութիւն խնդրելու, որ չեմ կարող այսօր ընդունել նորան:

Ծառան, աչքերը ապշած, բերանը թաց, դուրս գնաց, չասելով ոչ մի խօսք:

Մի քանի րոպէից յետոյ Ռօբերը, Նոննը և ծառան, ծերունի Ստերօի առաջնորդութեամբ, նաւաստիների շորերով փոխակերպուած, ծրարները ձեռքին, գնում էին մուկ և դատարկ փողոցներով դէպի նաւահանգիստը: Բայց երբեք կայեցէք մեր ճանապարհորդների սաքսափը, երբ նորա տեսան նաւահանգստի մօտ փոխարքային, որ մօտեցաւ ձկնորսին:

— Ստերօ պապի, այդ դո՞ւ ես:

— Ես եմ, ձերդ գերազանցութիւն, ձեր ծառան: ?

— Ունի՞ս լաւ, թարմ ընջակացներ (ձուկ):

— Թարմը այժմ չկայ, ձերդ գերազանցութիւն, բայց երդում եմ սուրբ Սպիրիդոնով, վաղը կունենամ շատ լաւերը:

— Ա՛յ ինչ է, ծերունի, ասաց փոխարքան, վաղը ես պատիւ կունենամ ուղեկցել նորին բարձրութեան, Պելոպոնէսի իշխանին, որսորդութեան: Բեր ինձ ամենալաւ ընջակացներ, որպիսի միայն կան ծովում. նորա ինձ հարկաւոր

են մինչև առաւօտեան արշալոյսը: Դէ՛ չի՛ւտ, ան թիրեղ:
— Իսկոյն, ձերդ գերազանցութիւն. է՛յ, դուք, շուտ
արէք, մտէ՛ք նաւակը, ես գնում եմ:

Ասածը և կատարածը մէկ էր. ծերունին թռաւ նա-
ւակի մէջ երեք ձածապարհորդներից յետոյ և հանեց խա-
րխիսը:

— Մաղթում եմ լա՛ւ որս, ծերունի, գոչեց փոխարէ
քան: Վաղը սպասում եմ ընջակացներին:

— Սուրբ Սպիրիդոնը ողորմած է, պատասխանեց ձրի-
նորսը վարելով թին և հեռանալով ափից:

Այսպէս ահա նաւակը մտնում էր ծովը տանելով Ռօ-
բէրին և Նօնին. որոնք շփում էին ձեռքերը ծիծաղելով:
Փոխարքան նոյնպէս հեռանում էր ծիծաղելով և ձեռքերը
շփելով:

Այդ եղաւ փետրուարի 26-ին:

Միւս օրը, առաւօտեան, փոխարքային նամակ մատուցին
Ռօբէրից: Ասպետը ներողութիւն էր խնդրում, որ չէր կա-
րող մասնակցել որսորդութեան, որովհետեւ մի բողոքողին ա-
նակնկալ դէպք ներկայացաւ Պելոպոնէս գնալու համար:
Բացի սորանից՝ Ռօբէրը խնդրում էր փոխարքայից ճանա-
պարհ դնել նորա ձիերն և դրանիկներին երբ միայն հնա-
րաւոր կլինէր:

15.

Գ Ա Լ Ք Ի Ի Ս Տ:

Ճանապարհորդները Վօրֆուից վեցօրեայ յաջողակ ճա-
նապարհից յետոյ մօտեցան Սան Չաքարիայի ափին մօրափ
4-ին: Ռօբէրը առաջինը դուքն թռաւ նաւակից և ոտը
կոխելով անմարդաբնակ ափի վերայ՝ մէկ ձեռքով կռթնե-
ցաւ դերասանական ձևով ժայռերի վերայ, իսկ միւսը մեկ-
նեց օդի մէջ, իբր թէ մուտք էր գործում իւր կալուած-
ների տիրապետութեան մէջ:

Նօնը դուրս եկաւ ափը Ռօբէրից յետոյ: Նա մեկնեց
Շամպլիտին աջ ձեռքը և հանգիսաւոր կերպով ասաց.

— Ողջունում եմ Մօրէի իշխանին:

Ծերունի Սպիրօն նոյնպէս մեկնեց ձեռքը և ստանալով խոստացած 50 ոսկի պարգևը իսկոյն փոխեց առագաստները և դարձրեց ղեկը դէպի Կօրֆու:

Բայց թէ Ռօսէրը ինքն իրան ճանաչեց իշխան և տէր Պելլուպոնէսի—այդ դեռ բաւական չէր. պէտք էր, որ նորան ընդունէին և հպատակները, իսկ Սան Չաքարիայի ամայի ափի վերայ չկային հպատակներ: Ուստի հարկաւոր էր գնալ երկրի մարդարնակ տեղերը:

— Դէ, այժմ ի՞նչ պէտք է անել, հարցրեց Ռօսէրը, երբ երևակայական հզօրութեան առաջին ոգևորութիւնը անցաւ:

— Այժմ, պատասխանեց Նօննը, այստեղից մինչև Անդրավիդ քաղաքը երեք ժամու ճանապարհ է ոտքով. դա մի զբօսանք կլինի ձերդ բարձրութեան համար:

— Ի՞նչպէս: Դու կամենում եո, որ ես, ինչպէս միադրատ, ոտով մտնեմ Անդրավիդ, որ իմ կալուածների գլխաւոր քաղաքներից մէկն է: Միայն այդ է պակաս, որ մենք ճանապարհին հանդիպենք և Աննային: Ո՛չ: Գնանք Սան-Չաքարիա, որովհետև այստեղից շատ մօտիկ պէտք է լինի. իսկ այնտեղ կհրամայեմ քաղաքապետին ձիեր և ուղեկիցներ տալ մեզ Անդրավիդ տանելու համար:

— Սան-Չաքարիա գնալ, պատասխանեց Նօննը, մօտենալով Ռօսէրի հետ միասին ծղօտով ծածկած երկու խրճութին և եկեղեցուն, որ քանդուում էր հնութիւնից,— դժուար չէ, որովհետև մենք արդէն հէնց այժմ էլ այնտեղ ենք: Բայց ո՞ր է Սան-Չաքարիան:

— Ահա՛ այս իսկ եկեղեցին է. իսկ այդ խրճիթները— պետական շինութիւններն են, գրասենեակ մաքսապետի և բնակարան նաւահանգստի վերակացուի: Իսկ այն անշնորհքը, որ պռոկած է արևի առաջ և խռմբում է— նա և՛ ժողովուրդ է, և՛ քաղաքապետ:

Այդ առաջին քայլը նոր կալուածքներում շատ փառաւոր չթուեցաւ Ռօսէրին: Բայց պէտք էր խոնարհուիլ հանգամանքների առջև և քաղել նոցանից հնարաւոր օգուտը: Ռօսէրը մօտեցաւ բնածին:

— Լսիր, սիրելիս, ասաց նա, հրելով նորան ոտով,—

կարող ես դու երեք ձի գտնել մեզ համար մինչև Անդրափիզ։
— Հը՞. ի՞նչ է, ի՞նչ էք ուզում, կոպիտ ձայնով հար-
ցրեց գիւղացին, վեր թռչելով և աչքերը շփելով։

— Մեզ հարկաւոր է երեք ձի Անդրափիզ գնալու համար։

— Դուք ո՞վ էք, ի՞նչպէս եկաք դուք այստեղ, բարկու-
թեամբ հարցրեց մաքսատան կոպիտ վերահացուն։

— Մենք օտարական ենք, պատասխանեց Ռօբէրը. ե-
կել ենք Կօրֆուից, ահա՛ այն նաւակով, որ գնում է, տես-
նում ես։

— Ի՞նչպէս համարձակուել են հանել ձեզ այստեղ
ափը առանց իմ հրամանի։ Ո՛ւր են ձեր անցաթղթերը. ո՛ւր
է նաւապետի վկայականը, գոռում էր մաքսատան պահա-
պանը, ձեռքերը թափ տալով։

— Թող մեզ հանդիստ քո թղթերով, ապա թէ ոչ կա-
րող ես յետոյ զղջալ։ Լաւ է ասա՛, կարող ես գտնել մեզ
համար երեք ձի մինչև Անդրափիզ, ասաց Ռօբէրը, արդէն
զայրացած մաքսաւորի յանդգնութեամբ։

— Ա՛, ձեզ հանել են ափը առանց իմ հրամանի, շա-
րունակում էր պահապանը անպատուած պաշտօնեայի ձայ-
նով։ Դուք գող էք։ Դուք չունիք թուղթ։ Դուք մաքսանենգ էք։

— Անմիտ։ Գիտե՞ս դու թէ ո՞վ եմ ես։ Ես Ռօբէր դը-
Շամպլիտն եմ, իշխան Պելուպոնէսի։ Հրամայում եմ բեղ իս-
կոյն ձիեր բերել մեզ։

— Դուք ամենքդ բանտ կերթաք. այնտեղ կպարզուի թէ
ովքեր էք դուք — խելագարներ թէ խաբէբաներ։

Նոյնը բռնեց Ռօբէրի ձեռքը, որ բարձրացրեց յան-
դուգնին պատժելու համար։

— Չերդ բարձրութիւն, ասաց նա, ներեցէք այդ յիմա-
րին. դորան նստեցրել են այստեղ սոյն անապատ ափին պա-
հապան. աշխարհի անցքերից դա տեղեկութիւն չունի, չէ
հասկանում թէ՛ ի՞նչ ենք պահանջում դորանից։

Յետոյ դառնալով դէպի պահապանը, նոյնը շարու-
նակեց։

— Լսիր սիրելիս. մենք գող չենք և ոչ մաքսանենգ։
Ես շատ լաւ տեսնում եմ, որ դու ձի չունիս մեզ համար.
բայց ահա այնտեղ, ճահիճների մէջ, ես տեսնում եմ, մի
ջորի է թափառում։ Տի՛ւր ջորիդ մեր ծառային, նա կեր-

Թայ նորանով Անդրավիդ և կրերի ձիեր. իսկ մենք մինչև նորա վերադարձը կմնանք այստեղ: Ջորիդ տալու համար առ այս բեզո—եւ Նունը մեկնեց նորան մի ոսկի:

—Իսկ եթէ դու չես կամենայ կատարել մեր խօսքը, աւելացրեց Նունը, ես ունիմ ուրիշ միջոցներ բեզ խրատելու.—և նա ցոյց տուեց իւր հաստ փայտը:

Մաքնատան պահպանը ոչինչ չկարողացաւ ասել ընդդէմ այդպիսի համոզեցուցիչ փաստերի. նա վերցրեց ոսկին և յանձնեց իւր ջորին:

Ամբողջ չորս ժամ Ռօբէրը, նստած իւր կալուածների ափի մօտ, սպասում էր ծառայի դարձին: Երբեմն երբեմն նա ոտով շօշափում էր գետինը, կարծես կամենում էր համոզուիլ թէ՛ արդեօք յիրա՞ւի գտնուում էր վերջապէս ցանկալի երկրում, որ այնպէս երկար ժամանակ չէր ընկնում նորա ձեռքը և ուր պէտք է ձգէր նա իւր հօգորութեան և փառքի արմատները: Մինչդեռ Մօրէի իշխանը զբաղուած էր այդպիսի մտքերով, նա տեսաւ վերջապէս հեռուից մի ամբողջ փոշեղէն ամպ. որ մօտենում էր ինչպէս հողմից մղուած: Երբ այդ ամպը հասաւ իշխանի կանգնած տեղին, նորանից անջատուեցաւ մի ձիաւոր, որ վազում էր սաստիկ: Ռօբէրը ճանաչեց նորան—նա Մատիօ Դը-Մօնսն էր:

Մատիօն արագութեամբ իջաւ ձիուց և ընկաւ Ռօբէրի գիրկը:

Ռօբէրը ընդունեց Դը-Մօնսին փոքր ինչ պաղ քաղաքավարութեամբ: Բայց նա, միջոց չտալով իւր իշխանին խօսքերով յայտնել դժգոհութիւնը, սկսեց պատմել նորան թէ՛ ինչպէս Կօրֆուի նղոված նաւապետը, հրաման ստանալով փոխարքայից հետապնդել Առիւծի քամակից, չկամեցաւ լսել նորա աղերսանքներին և չհամաձայնուեցաւ ափը հանել նորան:

—Բոլոր ժամանակ աւելացրեց Դը-Մօնսը, տեսնում էինք Առիւծին միայն տասը մղոն հեռաւորութեամբ, բայց չկարողացանք հասնել: Այսպիսով մենք մօտեցանք Պելուպոնէսին: Եւ երբ տեսայ, որ հարկաւոր էր հետապնդել նաւի յետևից մինչև Կրէտէ, ես օգուտ քաղեցի յաջողակ ընդդէմ, երբ նաւը անցնում էր ոչ հեռու ծանծաղուտից և

կամեցայ լողալով անցնել: Միայն այդ տեղ նաւապետը համաձայնութեցաւ ամբ հանեալ ինձ:

Այս պարզ բացատրութիւնը ցրուեց վերջին ամպը Ռօբէրի ճակատից և հին բարեկամի հետ տեսակցութիւնը ստացաւ շատ ակորժելի կերպարանք:

Մի բանի ընկալից յետոյ մի նոր փոշեխառն ամպ երևեցաւ դարձեալ հորիզոնի վերայ. բայց այդ ամպի ընթացքը աւելի ծանր էր և հանդիսաւոր: Այնու ամենայնիւ նա մօտեցաւ, և նորա միջից երևեցաւ Անդրավիդի քաղաքապետը, որին ուղեկցում էին քաղաքային վարչութեան անդամները և քաղաքի պատուաւոր բնակիչները: Նոքա ամենքը եկել էին հանդիսաւոր կերպով դիմաւորելու և ընդունելու իւրեանց նոր իշխանաւորին:

Իւր հպատակներին հէնց առաջին անգամ ընդունելու ժամանակ Ռօբէրը վարում էր վեհութեամբ և բաղջրութեամբ: Քաղցր էր տեսնել թէ որպիսի քաղաքավարութեամբ նա վեր բաշեց մատների ծայրերով իւր ոտների առջև գետին խոնարհուած քաղաքապետին, որպիսի մտերմութեամբ ողջունում էր միւսներին, պատասխանելով նոցա ողջոյններին:

Ճանապարհ ընկնելով՝ Շամպլիտը գնում էր ամենից առաջ իբրև հանդիսագլուխ, որպէս իսկ վայել էր նորա բարձր ցուցանանք: Ամեն մի բառորդ ժամից յետոյ Ռօբէրը դառնում էր դէպի հետևող քաղաքապետը զանազան հարցմունքներով, որ ամենևին չէին վերաբերում նորա ապագայ իշխանութեան մեծ հարցերին:

Հասնելով Անդրավիդ՝ Ռօբէրին տարան տեղաւորեցին քաղաքի ամենափառաւոր տան մէջ, այն իսկ տան մէջ, ուր նստում էր Վիլլարդուինը: Բայց Ռօբէրը մնաց զարմացած, փոխանակ կուսակալի, հանդիպելով Պետրալիֆասին, որ ընդ առաջ ելաւ նանդուխք՝ իշխանին ընդունելու համար: Այնուամենայնիւ Ռօբէրը մեծ ներողամտութեամբ լսեց կուսակալի բացակայութեան պատճառը, որով Վիլլարդուինը գնացել էր Բլիզիի սպասելու և այնտեղ ընդունելու նոր իշխանին, եթէ նա ցամաքը դուրս կգար Պոնտիկոյում:

Վիլլարդուինի բացակայութեան այդ բոլոր պատճառները աւելի զօրութիւն ստացան Ռօբէրի աչքին, երբ բարձ-

րապատիւ ծերունու մօտ նա տեսաւ Աննային, որի մի ժպիտը աւելի ճարտարքան երևեցաւ նորան, քան թէ Անդրավիդի պաշտօնեաների բոլոր ճառերը, որ պատրաստել էին նորա ընդունելութեան համար:

Պաշտօնական ընդունելութիւնից յետոյ, ուր Պետրաւիֆասը ներկայացրեց երիտասարդ իշխանին իւր դրանիկներից աւելի նշանաւոր անձինքը, և ուր Ռօբէրը իւր կողմից նոյնպէս ներկայացրեց նոնքը Պետրաւիֆասին, ծերունի պալատականը առաջարկեց մարդ ուղարկել Վիլլարդուինին:

— Ախ, ոչ, աղաչում եմ ձեզ, մի ուղարկէք, ասաց Ռօբէրը, թոյլ տուէք հանգստանալ գոնէ մի օր: Այնպիսի ծանր, անտանելի ճանապարհից յետոյ, ինձ հարկաւոր է մի քանի ժամ անցկացնել բարեկամներիս հետ, հեռու ամեն գործերից: Բացի սորանից՝ քաղաքավարութեան պարտք եմ համարում ինձ և հոգով ցանկանում եմ անձամբ գնալ ծերունի Վիլլարդուինի մօտ, և ոչ թէ պահանջել նորան այստեղ: Թոյլ տուէք, որ ես ինքս անձամբ յայտնեմ նորան իմ գալուստը:

Այդպիսի ցանկութեան դէմ Պետրաւիֆասը ոչինչ չկարողացաւ ասել. մանաւանդ, որ ծերունին կամենում էր մնալ մի առ ժամանակ երիտասարդ իշխանի հետ առանձին, նախ քան իսկ ամենէն պետական գործերի մէջ:

Անդրավիդի ընակիչներից ոմանք՝ կարող էին կարծել թէ արդէն մարդ էր ուղարկուած Վիլլարդուինի մօտ, որով հետեւ երեկոյեան ուշ նոքա տեսան ինչպէս Դը Մօնսը քաղաքի ծայրում կամացուկ խօսում էր մի ձիաւորի հետ, որ իսկույն կայծակի արագութեամբ սլացաւ դէպի հարաւ: Բայց այդ մարդիկը չլսեցին իշխանի խօսքերը, իսկ որք լսել էին, նոքա կարծում էին թէ՛ այդ ձիաւորի ուղարկելը կապ ուներ երեկոյեան պատրաստուելիք հանգիսի հետ:

Եւ յիշաւ՝ երեկոյեան բոլոր պաշտօնական և հասարակական տները լուսաւորուած էին, փողօցներում փռուում էին ճրագները, որոնց վերայ տղաները թռչկոտում էին զուարճալի աղաղակներով: Իսկ Պետրաւիֆասի տան մէջ Ռօբէրը վայելում էր փառաւոր ընթրիք. նորա աջ կողմը նստած էր Ելլարդայի իշխանի աները, իսկ ձախ կողմը հրաշագեղ աղջիկը:

Ամբողջ գիշերը թմբուկների և փողերի ձայները հըն-
չում էին իշխանի բնակարանի պատուհանների մօտ, խրաց-
նում էին Շամպլիտին և երբեմն երբեմն արթնացնում էին
թմբուկիւնից, որ գործել էր ոչ թէ Անդրավիդի թանձր
և պատուական գինին, այլ գեղեցիկ Աննայի հրաշալի աչ-
քերը:

Միւս օրը խօսք անգամ ջէր լսում գնալու մասին:
Ռօբերը, նախընթաց երեկոյին լսելով Աննայից, որ նա շատ
սիրում է զբօսնել ձիով, հրամայեց պատրաստել ամեն բան
այդպիսի զբօսանքի համար ճաշից առաջ: Շրջեցին ամբողջ
քաղաքը և նորա շրջականները, և բոլոր զբօսանքի ժամա-
նակ իշխանը գնում էր Աննայի հետ միասին և էր նորա
հաւատարիմ ուղեկից: Երեկոյեան նա իր բնակարանի մէջ
պատրաստեց ընթրիք իւր երեկեան ասպնջականների համար:

Ընթրիքի ժամանակ՝ Ռօբերը մի քանի խօսք ասաց իւր
վաղորդեան: գնալու մասին. բայց նա խօսում էր շատ ան-
վճռական կերպով և պարզ երևում էր, որ նա ցանկանում
էր հանդիպել որևիցէ արգելքին: Իսկական, թէև ոչ խոս-
տովանած, արգելքը էր Աննայի աչքերը. բայց նորա բե-
րանը փակ էր: Իսկ ինչ վերաբերում է Պետրալիֆասին՝
նա չէր շտապեցնում իշխանի գնալը, բայց և չէր վստահա-
նում յորդորել նորան չգնալ, այնպէս որ՝ դրական կեր-
պով որոշուեցաւ գնալ միւս օրը: Վերջապէս ընթրիքից յե-
տոյ ներկայացաւ քաղաքապետը և յայտնեց թէ՛ շըր-
ջակայ գիւղերի բնակիչները հրաման են խնդրում գալ միւս
օրը իւր նոր իշխանին ողջունելու համար:

Այդ հանգամանքը վճռեց հարցը. որոշեցին լմաւ
դարձեալ մէկ օր:

Միւս առաւօտ, արեւը ծագելուց մէկ երկու ժամ յե-
տոյ, սկսեցին խումբ խումբ քաղաք մտնել շրջակաների բնա-
կիւնները, ծաղկներով զարդարած, ծաղկափունջերը ձեռքին
բռնած, թմբուկներ զարկելով, սրինգների և քնարների վե-
րայ նուագելով: Հուտով Ռօբերի բնակած տան բակը լցուե-
ցաւ ժողովրդով: Մօրէի իշխանը գնաց նստեցաւ պատշգամ-
բի վերայ. նորա աջ ու ձախ կողմում նստեցան Պետրալի-
ֆասը, Աննան և քաղաքի պատուաւոր պաշտօնեաները: Գոյն-
գգոյն գեղեցիկ շորերը, որ ներդաշնակութիւն ունէին Յու-

նաստանի երկրի մնաւորութեան հետ, հարաւային ազդու դեմքերը, պարը — մերթ պարփակած, մերթ հին պիրէական կենտապար, — այս բոլորը զմայլեցնում էր ապշած իշխանին: Իսկ քաղցրահուն լեզուի ձայները, երգի մեղմ ներդաշնակութիւնը, և մանաւանդ անդադար կրկնած կեցցէները փաղաքշում էին նոր իշխանի լսողութեան:

Ռօբէրը հրամայեց բաժանել ամենքին առատութեամբ գինի և քաղցրեղէններ, և տօնը շարունակւում էր մինչև գիշերը:

Նոյն իսկ ժամանակ, երբ գիւղացիքը դատարկում էին գինու վերջին տակաւը և պարում էին հրաժարական պարը, իսկ Ռօբէրը քնքշութեամբ խօսում էր Աննայի հետ, — վազելով ներս մտաւ պատշգամբը վախեցած Նօննը: Նա մօտեցաւ Պետրալիֆասին և երկար խօսում էր նորա հետ ոգևորուած: Թւում էր թէ նորա շփոթութիւնը շուտով անցաւ և ծերունուն, որովհետև նա էլ սկսեց սաստիկ շարժել ձեռքերը. յետոյ վերկացաւ, մօտեցաւ Ռօբէրին և մեկուսացրեց նորան:

— Յայտնի՞ է արդեօք ձերդ բարձրութեան Վիլլարդուինի և կոմս Շամպլիտի մէջ եղած պայմանը կոմսի բազակայութեան ժամանակի մասին Պելրպոնէսից:

— Ի՞նչ պայման, պատասխանեց Ռօբէրը, գեղնելով: Ես ինչ որ մի բան լսել եմ դուրս մասին, բայց առակ էի համարում այդ լուրը: Միթէ այդ ուղի՞ղ է:

— Ահա՛, թո՛ղ Նօննը պատմէ ձեզ:

— Այո՛, շտապով պատասխանեց Նօննը. ինձ այս րոպէիս հաստատեցին այդ լուրը: Կոմսի և Վիլլարդուինի մէջ կայ յիրաւի մի պայման — Վիլլարդուինը պէտք է մնայ լիակատար տէր և իշխան Պելրպոնէսի, եթէ կոմսը իւր այստեղից գնալուց յետոյ մի տարի և մի օր անցուցած չի վերագառնայ ինքը կամ չի ուղարկի իւր տեղը մէկ ուրիշին:

— Բայց, չէ՞ որ կոմսը ինձ ուղարկել է իւր ժամանակին. յոյս ունիմ որ՝ եկել եմ դեռ տարին չլրացած:

— Սակայն բաւական է արդեօք միայն ձեր գալուստը. Վիլլարդուինի իշխանութիւնը կդադարի անշուշտ միայն այն րոպէից, երբ դուք կհաղորդէք նորան ձեր գալու պատճառը: Եւ ահա՛ այդ իսկ հաղորդութիւնը պէտք է կատա-

րուած լինի մի տարին և մի օրը լրանալուց պուշ:

— Բայց ուղի՞ղ է արդեօք, որ կայ այդպիսի պայման, հարցրեց Ռօբէրը շփոթուած:

— Կա՞նք այո, ուղիղ է, պատասխանեց Նօնը:

— Մինչև անգամ եթէ պայմանը երկբայելի էլ լինէր, աւելի լաւ կլինի եթէ ձերդ բարձրութիւնը համարէ նորան իբրև եղած:

— Իսկ հօրեղբայրս ե՞րբ գնաց, հարցրեց Ռօբէրը:

— Այն մարդը, որ ինձ պատմեց պայմանի մասին, ճիշտ չէր իմանում ամսաթիւը, պատասխանեց Նօնը: Բայց նա պնդում էր թէ մարտ ամիսն էր:

— Ուղիղ է, հօրեղբայրս պէտք է գնացած լինէր մօտաւորապէս մարտին, ասաց Ռօբէրը: Բայց այժմ մեզ հարկաւոր է իմանալ թէ՛ յատկապէս ո՞ր ամսաթուին. գուցէ բաղաբապետը կարող է մեզ այդ բանը:

Այդ միջոցին ժողովուրդը սկսեց ցրուիլ իւրեանց տըները, շարունակելով կեցցէները և զարկելով թմբուկները:

Ռօբէրը մօտեցաւ պատշգամբի օփին վեհութեամբ գլուխ տուեց ժողովրդին և յետոյ մտաւ սենեակը Պետրալիֆօսի, Նօնի, Դը-Մօնսի, բաղաբապետի և այլ պատուաւոր հիւրերի հետ: Սենեակում նա հարցրեց թէ՛ ե՞րբ և ո՞ր օրը գնաց կոմս Դը Շամպլիտը Պելուպոնէսից:

Ամենքը միաբերան վկայում էին թէ նա գնաց մարտին, բայց ամսաթուի մասին ամեն մէկը ասում էր միտաբեր բան: Ներկայ եղողներից մէկը մտաբերեց, որ այդ պատահեցաւ Քառասուն մանկանց տօնից յետոյ շուտով: Այդ տեղեկութիւնը կարծես թէ պաղ ջուր լցրեց հարցով հետաքրքրուածների գլխին, որովհետև այդ տօնը եղել էր մարտի 9-ին, իսկ այժմ 7 էր:

Քաղաքապետը ենթադրում էր, որ կոմսը գնաց 20-ին կամ 21-ին, և նա հաւատացած էր, որ կոմսի գնալուց յետոյ շուտով եղաւ Աւետման տօնը ¹⁾: Մի խօսքով՝ բոլոր ասածներից այնուամենայնիւ ճիշտ չիմացուեցաւ Շամպ-

¹⁾ Մեր տօնացուցով 40 մանկանց տօնը լինում է միշտ մեծ պատի 27-րդ օրը, այսինքն՝ 4-րդ շաբաթ օրը, իսկ Աւետման տօնը ապրիլի 7-ին:

լիտի գնալու օրը, և ամենքը, որոնք իմանում էին գաղտնի պայմանի գոյութիւնը համոզուեցան, որ հարկաւոր էր շուտով գնալ կուսակալի տեսութեան:

Իշխանը խնդրեց քաղաքապետից ձիեր պատրաստել նորահամար միւս օրը դեռ արշալոյսը չբացուած, և հեւրերը ցրուեցան: Երիտասարդ իշխանը ճանապարհ ձգեց Աննային մինչև սանդուղքի վերջը, համբուրեց նորահմուտը և խոստացաւ չգնալ առանց մնաս բարեւ ասելու նորան, յարակցելով թէ՛ աշխարհքի բոլոր թագաւորութիւնները չեն կարող ստիպել նորան բացակայ լինել երկար ժամանակ:

Վերադառնալով տուն՝ Պետրալիֆասը քնաց ուղղակի իւր թոռնուհու սենեակը:

— Զաւակս, ասաց նա, ես կարծում եմ, որ մեզ կը վայելէր վաղը ուղեկցել իշխանին:

Այդ խօսքերից Աննայի երեսի վերայ ուրախութիւն փայլեցաւ:

— Մանաւանդ որ, շարունակեց ծերունին, քեզ պէտք է յայտնի լինի մեր պոստել, Պելոպոնէսում գալու նպատակը. դու պէտք է օգնես ինձ այդ նպատակին հասնելու համար: Իմ պոստելի կալուածները և քո զուարճութիւնը — միայն առիթ են մեր գալու համար. իսկ իսկական պատճառը — բոհոր դիտաւորութիւններն են. թագաւորները, զաւակս, գործիք են բարձր Աստուածային տնօրէնութիւններին երկրիս վերայ: Թագաւորները ապրում են ուրիշների համար, և ոչ թէ իւրեանց համար. նոքա պէտք է կատարեն իւրեանց վերայ ի վերուստ դրած պարտաւորութիւնները: Բոհոր ցանկութիւնները, քաղաքական խորհրդածութիւնները, ստիպում են նորան միանալ այն իշխանական տոհմի հետ, որը տիրապետում է Պելոպոնէսին: Գօգֆրիդ Դը Վիլլարդուէնը քրիստոնէութեան ասպետների մէջ կատարելագոյններից մէկն է. նա բաշ է, ազնիւ, գեղեցիկ, հարուստ: Դու նորան տեսել ես, խօսել ես նորահետ, ինչպէս էլ ես:

Այդ գովասանքներից ամեն մէկից յետոյ ամպ ամպի ետեւից դիզւում էին չքնաղ օրիորդի ճակատի վերայ:

— Միւս կողմից, շարունակեց Պետրալիֆասը, Գիւլի Դը Լա Ուշը դեսպան է ուղարկել և պնդելով խնդրում է քո ձեռքը: Երիտասարդ Գիւլին փառաւոր Օտօնի ժառանգն է:

և նորան սպասում է Աթէնքի իշխանութիւնը: Եթէ դու լինէիր հասարակ մահկանացու աղջիկ, ես քեզ կասէի — ընտրիր: Բայց այժմ ասում եմ — Մօրէն գերակշռում է Աթէնքի քաղաքական կշեռքի վերայ: Ես հաւատացած եմ, որ Աիլլարդուինը սպասում է քեզանից իւր վիճակի վճիռը: Բայց մենք էլ մեր կողմից նոյնպէս պէտք է սպասենք հանգամանքների վճռին, իսկ հանգամանքները Աիլլարդուինին ընդգէմ են. նորա հայրը այժմ չէ այլ ևս Մօրէի կուսակալ — նա ոչինչ է: Իսկ որպիսի և լինին երիտասարդ Գօդֆրիդի անձնական արժանաւորութիւնները, նորա դրութեան այդպիսի փոփոխութիւնը ստիպում է մեզ հեռացնել նորանից մեր աչքը: Քո ձեռքը չէ կարող պատկանել Աիլլարդուինին:

Աննայի երեսը դարձեալ պայծառացաւ:

— Բայց, շարունակեց հեռատես ծերունին, մինչդեռ մայր է մտնում մէկ արեգակը, Պելոպոնէսի հորիզոնի վերայ բարձրանում է միւսը, աւելի պայծառ և փայլունը: Երիտասարդ Շամպլիտը ծագում է երևելի տոհմից և իշխան է դառնում այնպիսի հասակում, երբ ուրիշները դեռ նոր են ձի նստում. նա նոյնպէս շրջապատած է երիտասարդութեան, բախտի և փառքի փայլմունքով: Ահա՛ ան մարդը, որը ես ընտրում եմ քեզ համար, զաւակս, յանուն քո հօրից ինձ տուած իրաւունքներին և յանուն այդ իրաւունքներով ինձ վերայ դրած պարտաւորութեանց: Վասն որոյ ճանապարհորդութեան ժամանակ, վարուիւր նորա հետ ինչպէս որ պահանջում են հանգամանքները, և մինչդեռ ես կխճճեմ նորան քաղաքական թելերով, դու խճճիր նորան քո ուկի ուրկանով:

— Հայրիկ, ասաց Աննան, կարմրած և աչքերը խոնարհած, — դուք յատկացնում էք ինձ աւելի շատ կարողութիւն քան թէ ես ունիմ: Ի՞նչպէս կարող եմ իմ անհմուտ ձեռքովս լինել ձեր մեծ նախապատրաստութիւնների գործուածքը. ես միայն կխճճեմ թելերը, որ այդպիսի իմաստութեամբ դասաւորած են: Եթէ հօրս հարկաւոր են դաշնակիցներ, կարծեմ, նա պէտք է գտնէ նոցա միայն յանուն իւր հզօրութեան և ազդեցութեան:

— Ո՛չ. զստրիկս, պատասխանեց ծերունին, դո՛ւ պէտք է մատուցանես հօրդ այդ մեծ ծառայութիւնը: Եւ եթէ

այդ դիպուածում քեզ կհարկաւորի մաքառել սրտիդ հետ — մի՛ կանգնիր այդպիսի մեծահոգի վարմունքի առաջը։

— Սիրելի պապ, ասաց Աննան, և նորա աչքերի մէջ փայլեցին արտասուքներ, — երբ զօրով կամենում են բաց առնել վարդի կոկոնը, նա ոչ թէ բացւում է, այլ թառամում։

— Էէ՛, ես զօրով չեմ բացանի կոկոնը, պատասխանեց Պետրալիֆասը, — և քեզանից խնդրում եմ միայն աշխատիք բաղցրութեամբ վարուիլ նորա հետ, և ոչ թէ պաշտութեամբ։ Ես հաւատացած եմ, Ռօբէրը ունի այնպիսի յատկութիւններ, որ նորա առաջ վարողը կբացուի իսկոյն։

Երբ ծերունին փոքր ինչ զիջողութիւն արեց, Աննան յօժարութեամբ խոստացաւ կատարել ամեն բան ինչ որ նորանից պահանջում են, մանաւանդ որ՝ հրաժարուելով բաղաժարութիւն ցոյց տալ օտար իշխանին, նա վախենում էր, որ պապը կհրաժարուէր ուղեկցութիւնից, որը նա ինքը շատ ցանկանում էր։

Միւս օրը Ռօբէրը թոյլ տուեց դը-Մօնսին գնալ Վելիգոստ և պատրաստել իւր բարձնութիւնը կառավարութեան առաջիկայ փոփոխութեանց համար։ Երիտասարդ իշխանը շատ ուրախացաւ, երբ ծերունի Պետրալիֆասը յայտնեց նորան թէ՛ իբրեւ կուսակալի ներկայացուցիչ պարտք է համարում իւր համար ուղեկցել իշխանին և ներկայացնել նորան Վիլլարդուինին։

Ուղեկիցների այդպիսի աւելանալու պատճառով Շամպլիտի ճանապարհորդութիւնը պահանջեց աւելի երկարատեւ պատրաստութիւններ և կարողացան ճանապարհ ընկնել հազիւ կէսօրին։

Քաղաքից կէս մղոն անցած, Պետրալիֆասը տեսաւ մի որսորդ, որ բարձրանում էր սարի վերայ ճանապարհից մօտ։ Պետրալիֆասը փոքր ինչ ոտը կախ ձգեց և թողեց, որ ամենքը առաջ ընկնեն, իսկ ինքը և Աննան, որ ադ օտարականների մէջ չէր հեռանում իւր պապից, մնացին մինակ։ Իսկոյն Պետրալիֆասը ձայն տուեց որսորդին, որ նոյնպէս կանգ առաւ։

— Պարոն Խամարէթ, ասաց Աննան, ո՛րպիսի բախտաւոր հանդիպումն։

— Բախտաւոր, գոչեց Խամարէթը: Ես վարում եմ կեանքս գայլերի նման, խոյս եմ տալիս մարդկային հասարակութիւնից. իմ միակ ընկերներս — լեռներում թափառող վայրենի գաղաններն են: Բայց այժմ, երբ ես լսեցի այդ խօսքը, որ չէ պարունակում իւր մէջ ոչինչ իմաստ, ես աւելի հեշտութեամբ կտանեմ ճակատագրի հարուածները և կեանքի ծանրութիւնը:

— Լեռնաբնակ գայլ, չուտով փոթորիկ կունենանք, ասաց Պետրալիֆասը: Տեսնում էք, ես շարժում եմ ամպեր, նոքա չուտով կընդդիմահարուին: Եւ ասելով այդ խօսքերը Պետրալիֆասը մտրակեց իւր ձին և հասաւ Ռօմէրին:

16.

ՆՈՐ ՅՈՒՍԱԲԵԿՈՒԹԻՒՆ:

Անցնելով Պինէեան լեռները՝ ճանապարհորդները երեկոյեան հասան Բլիզիրի գիւղը, որ զետեղուած էր լեռների ստորոտում Վատակէօի մօտ: Այժմ այդ տեղում կան միայն մի քանի աղքատ խրճիթներ. բայց այն ժամանակ դա Ելլադայի գլխաւոր աւաններից մէկն էր Պինէի միւս կողմում: Գիւղի մէջ մտնելուն պէս ճանապարհորդները դիմեցին դէպի տանուտէրի տունը. նա շատ զարմացաւ տեսնելով այնչափ ձիաւորներ, մանաւանդ երբ իմացաւ թէ ովքեր են նոքա և թէ պտուում են կուսակալին:

— Կուսակալը, բացականչեց նա, ներս ընդունելով տան մէջ Ռօմէրին և նորա ուղեկիցներին մեծ պատուով, — կուսակալը այստեղ չէ:

— Ինչպէս, նա այստեղ չէ, բարկացած գոչեց Շամպլիտը: Հապա ո՞ւր է նա:

— Երկու օր առաջ նա գնաց դիմաւորելու ձերդ բարձրութեան:

— Դիմաւորել ինձ: Այս ի՞նչ է նշանակում:

— Մի քանի օր կուսակալը սպասում էր այստեղ ձերդ բարձրութեան գալուն և տեսաւ բոլոր պատրաստութիւնները ձեզ ընդունելու համար: Ամենայն օր առաւօտից պա-

Հայաններ էր կանգնացնում բոլոր բարձրաւանդակների վերայ դէտելու ձեր նաւի երեւոյլը իրան իսկոյն տեղեկութիւն տալու համար: Կուսակալը չգիտէր թէ ինչպէս բացատրէր ձեր ուշանալը: Վերջապէս երեկ չէ միւս օրը տեղեկութիւն ստացուեցաւ թէ Կարօնեան նեղուցում երեւացել են երեք մեծ նաւ: Կուսակալը հաւատացած լինելով, որ այդ նաւերով գալիս է ձերդ բարձրութիւնը, իւր իշխանաւորի եղբորորդին, գնաց Կալամատ առանց մի րոպէ կորցնելու, թէպէտ և տանջուում էր թեթեւ տենդով:

— Եւ այժմ Վիլլարդուինը Կալամատումն է:

— Անկասկած, Կալամատումն է, և շատ կվշտանայ երբ կիմանայ, որ ձերդ բարձրութիւնը ժամանել է այստեղ նորա գնալուց յետոյ միայն երկու օր անցած:

Ռօբէրը աւելի ևս վշտացած էր այդ հանգամանքից. մնում էր երկուսից մէկը — կամ կանչել Կալամատից Վիլլարդուինին և կամ անձամբ գնալ նորա մօտ: Սոյն վերջին միջոցը էր և՛ աւելի քաղաքավարի, և՛ աւելի համառօտ և Ռօբէրը ընտրեց դորան առանց տատանելու: Բայց այդ վճիռը կարելի էր ի կատար ածել միայն միւս օրը. և Ռօբէրը այդ գիշեր միտնարուեցաւ մաքրազարդելով իւր ընդունելութեան համար տեսած փառաւոր պատրաստութիւնների մնացորդները:

Միւս օրը ճանապարհորդները շարունակեցին իւրեանց ընթացքը միւսնոյն ձիերով: Այդ բանը ունէր մի քանի անյարմարութիւններ, որովհետեւ ձիերից մեծ մասը պատկանում էր Անդրավիդի ջրաղացպաններին, և եթէ այդ ճանապարհորդութիւնը երկար շարունակուէր, Անդրավիդը կորոզ էր մնանել սովից, ինչպէս պաշարման ժամտեսէ:

Ճանապարհորդութիւնը մեծ զուարճութիւն էր տալի Ռօբէրին: Պելուպոնէսի գեղեցիկ տեսարանները մեծ ազդեցութիւն էին գործում երիտասարդ իշխանի զգայուն հոգու վերայ: Արքայական պատիւները, որ վայելում էր նա առաջին անգամ իւր կեանքի մէջ ամեն տեղ, շատ փաղաքշում էին նորա ինքնասիրութեան: Ընդ նմին նա միշտ գնում էր Աննայի հետ միասին, հիանում էր նորա չնաշխարհիկ գեղեցկութեան և նազելութեան վերայ, որով նա նստած էր ձիու վերայ, անբադար խօսում էր նորա հետ, — և այդ

բոլորը բորբոքում էր նորա զգայուն սիրտը: Այնու ամենայնիւ Ռօբէրը շատ փափաքում էր որքան կարելի է շուտ տով հասնել տեղը. բայց այդ անկարելի էր ուժ տրից առաջ: Ծանապարհին ամեն մէկ քաղաքում և մինչև անգամ ամեն մէկ գիւղում Ռօբէրին ընդունում էին արքայազայել պատիւներով և շքեղ հանդէսներով: Մանաւանդ փառաւոր էր ընդունելութիւնը Վուլկալօ վանքում, շինած իթօմատ Արամպղի տաճարի աւերակների վերայ: Վանահայրը ախորժելի լուր յայտնեց Ռօբէրին թէ՛ միայն երեք օր առաջ վերադարձել է Վալամատից և թէ՛ Աիլլարդուինը այնտեղ է և սպասում է Մօրէի իշխանի գալստեան:

Որքան աւելի մօտենում էր Ռօբէրը Ծանապարհորդութեան կէտին, այնքան աւելի փառաւորում էր նորա հոգին: Անցնելով Ստենիկլարոսի ընդարձակ և գեղեցիկ հովիտով և յետոյ Պամփոսի անտառախիտ փերով իշխանը յանկարծ հեռուից տեսաւ Վալամատի միջնաբերդը, բարձրաւանդակ ժայռի վերայ: Մի ոտքով նա արդէն շօշափում էր այնպիսի ջերմ եռանդով փափաքած նպատակը: Նորա հոգեկան հրճուանքը փայլում էր երեսի վերայ և մի քաղցր գոհ ժպիտ անձնասիրութեան խաղում էր նորա շրթունքի վերայ:

Խորամանկ Պետրալիֆասը նկատեց այդ:

— Ահա, ասաց ծերունին, ցոյց տալով Վալամատի բերդի պարիսպները, — ահա՛ որտեղ է սպասում կուսակալը, որ յանձնէ ձեզ ինքնակալ իշխանութեան գայիսոնը: Ահա՛ այնտեղ սպասում է ձեզ Պելոպոնէսը, որ ծունր խոնարհեցնէ իւր իշխանաւորի առջև:

— Ինձ համար մեծ բախտաւորութիւն կլինի, պատասխանեց Ռօբէրը, սկսել այս հրաշալի երկրի տիրապետութիւնը: Բայց այդ երջանկութեան գլխաւոր և նշանաւոր մասը ձեր ձեռքումն է:

— Եթէ իմ ձեռքումն է, պատասխանեց Պետրալիֆասը փորձառու պալատականի ոճով, ի հարկէ պահուած է ձերդ բարձրութեան համար:

— Իմ բախտաւորութիւնը միայն այն ժամանակ կլինի լիակատար, շարունակեց Շամպլիտը, ցածացնելով ձայնը, երբ ես կարող կլինեմ ինձ հետ մասնակից անել նորան, ով ինձ

թանկ է և մօտ սրտիս: Նոննը ինձ յոյս է տուել թէ ինձ արգելուած չի լինի առաջարկել ձեր թողնուհուն Պելոպոնէսի թագը:

Պետրալիֆասը ջրսպեց իւր երեսի մկանունքների ցնցմունքը:

— Զերդ բարձրութիւն, շտապով պատասխանեց ծերունին, եթէ դուք առաջարկէիք իմ թողնուհուն ոչ թէ արքայական գահը, այլ մի խրճիթ անգամ, ես հաւատացած եմ, որ նորա բախտաւորութիւնը կ'լինէր նոյնպէս ապահով և նորա հօր ու իմ համաձայնութիւնը աւելի աներկբայելի: Ես հաւատտի եմ, որ Աննայի զգացմունքները նոյն են, որ պէս և իմս: Բայց, եթէ դուք թոյլ կտաք, ես կ'խօսեմ նորա հետ այդ քանի մասին երբ մենք կ'հանգստանանք ճանապարհորդութիւնից յետոյ:

— Ես շատ և շատ շնորհակալ կ'լինեմ ձեզանից:

Այդ խօսակցութիւնից յետոյ շուտով ճանապարհորդները մօտան կալամատը և առաջին պատահողից հարցրին կուսակալի տունը: Անցորդը ցոյց տուեց մի մեծ դրանդիք, որ ամենագեղեցիկն էր բոլոր քաղաքի մէջ: Տան մէջ երբ իմացան թէ ովքեր են ճանապարհորդները, ծառան իսկոյն տարաւ նոցա ընդարձակ ընդունարան դահլիճը և գնաց յայտնելու իւր տիրոջը: Մի քանի րոպէից յետոյ ներս վաղեց դահլիճի մէջ մի կայտառ, գեղեցիկ մանուկ: Նա վստահ և աներկիւղ մօտեցաւ Ռօբէրին և, թաթիկը մեկնելով նորան ասաց.

— Բարի ես եկել իմ քաղաքը:

Ռօբէրը նստացրեց մանուկին իւր ծունկի վրայ և համբուրեց նորան:

— Բայց դու ո՞վ ես, փոքրիկս, որ քաղաք ունիս, հարցրեց Ռօբէրը:

— Ես, պատասխանեց մանուկը մեծամտութեամբ, ես Վիլհելմն եմ, իշխան կալամատի:

— Ա, ուրեմն դու իշխան ես. բայց ինչպէս, ծիծաղելով հարցրեց Ռօբէրը:

— Այնպէս, ինչպէս որ և իմ հայրս իշխան է Մօրէի: Թագաւորը տուեց նորան Մօրէն, իսկ նա ինձ — կալամատը:

— Ա՛խ, ուրեմն դու Վիլլարդուինի որդին ^{մի} ես, ո՞ւր է հայրդ:

— Հայրս այստեղ չէ:

— Ի՛նչպէս թէ այստեղ չէ, գոչեց Ռօբէրը և քիչ էր մնում, որ ծունկից վայր ձգէր փոքրիկ Վիլհելմին: — Հապա ո՞ւր է նա:

— Չգիտեմ ուր է. հայրս սովորութիւն չունի ասել մեզ թէ ուր է գնում: Մայրս տանն է, նա կարող է ընդունել ձեզ:

Զիմանալով դեռևս թէ ո՞րքան կարելի է հաւատալ երեսայի խօսքերին, Ռօբէրը վերկացաւ տեղից և սկսեց խոշոր քայլերով մանգալ սենեակի մէջ:

Փոքրիկ Վիլհելմը մնալով փոքր ինչ էլ և զարմացած նայելով օտարականի վրայ, դուրս գնաց դահլիճից անբաւական:

Համալիտը երկար չմնաց մտատանջութեան մէջ: Հուտով դահլիճի դուռը բացուեցաւ և մտաւ Զապէլը, Վիլլարդուինի կինը: Նա քնքշութեամբ գրկեց Աննային և ընդունեց հիւրերին անարուեստ վեհութեամբ, որ կազմում էր լաւագոյն զարդարանք այն ժամանակի մեծատուն կանանց: Տարաբախտաբար՝ մեր ճանապարհորդները լսեցին նորանից հաստատութիւնը այն անախորժ լուրի, որ յայտնեց արդէն նորա փոքրիկ որդին: Վիլլարդուինը տեղեկանալով, որ ծովի վրայ նկատած նաւերը չեն բերում Ռօբէր իշխանին, գնացել էր Վելիգոստ, երկու օր Վալամատում էլի սպասելուց յետոյ: Պետական ծանր գործերը պահանջում էին նորան այնտեղ:

Ուրեմն պատահեցաւ նոր արգելք, որ կարող էր գլուխ ածենալինդ ջղեր, եթէ մինչև անգամ բանը վերաբերուէր այնպիսի ծանր հարցին ինչպէս էր Պէլոպոնէսի տիրապետելը: Բայց քաղաքավարութիւնը և մանաւանդ արդարադատութիւնը ստիպում էին Ռօբէրին զսպել բարկութիւնը և լռել: Նա չէր կարող չհասկանալ որ եթէ նա ինքը ճանապարհորդում էր ամբողջ Պէլոպոնէսում պտուելով Վիլլարդուինին, Վիլլարդուինը նոյնպէս ճանապարհորդում էր, և աւելի մեծ անշահախնդրութեամբ, պտուելով նորան: Բայց իշխանի դրութիւնը աւելի անելանելի էր գառնում նորանից, որ չէր կարող մերժել Զապէլի հրաւերքը հիւր մնալ

նորա մօտ գէթ մի օր: Այդ միջոցին գոնեա Կալամատի քաղաքապետը կարող էր գտնել նոր ձիեր, որովհետեւ հները հարկաւոր էր վերադարձնել Անդրավիւ:

Երրորդ օրը մեր ճանապարհորդները ուղևորուեցին դէպի Վելիգոստ:

Երկարատեւ, ծանր և տաղտկալի ճանապարհորդութիւնից յետոյ Ռօբէրը և իւր ուղեկիցները վերջապէս հասան Վելիգոստի ամրոցին: Տեղագրութիւնը շատ գեղեցիկ էր, իսկ ամրոցը նստած էր բարձր ժայռերի վերայ: Իշխանը որոշեց փոքր ինչ հանգստանալ հովտում, ներիւլա, հին Կրօնիօն, գետակի ափի մօտ: Արեգակը արդէն մայր էր մտնում, և որովհետեւ այդ ժամում սովորաբար ամրոցների դռները փակւում էին, Ռօբէրը մարդ ուղարկեց ամրոցապետից հրաման խնդրել ներս մտնելու համար: Բայց ուղարկուածին նա պատուիրեց չյայտնել իշխանի գալը, որպէս զի չանհանգստանար Վիլլարդուինը. իսկ եթէ Մատիօ դը Մօնսը այնտեղ կլինի, հրամայեց դուրս կանչել նորան և յայտնել իւր գալը:

Ուղարկուածը շուտով վերադարձաւ առանց յաջողութեան: Նա պատմեց թէ՛ Մատիօ դը Մօնսը այնտեղ չէ, իսկ բերդապահը բարկանալով ասաց.

— Գնացէ՛ք, կորէ՛ք, արեգակը մայր մտնելուց յետոյ դուռը ոչ ոքի համար չէ բացւում:

— Ես կամենում էի, աւելացրեց ուղարկուածը, յորդորել բերդապահին, ասել նորան, որ ցածում սպասողը երևելի օտարական է. բայց նա պատասխանեց թէ բերդի տէր բարօնը տանը չէ և առանց նորա հրամանի արեգակը մայր մտնելուց յետոյ չէ կարելի մարդ ներս առնել:

Առաջ, զայրացած, Ռօբէրը կամենում էր ինքը գնալ, հաւատացած լինելով որ՝ բաւական է ասել իւր անունը և բոլոր դրները կբացուին նորա առաջ: Բայց յետոյ, լուրջ մտածելով, նա որոշեց չյարուցանել ոչինչ աղմուկ և գնաց գիշերելու փոքրիկ վանքում, գետի միւս ափի վերայ:

Միւս օրը, արեգակը դեռ նոր էր բարձրացել երբ Վելիգոստի ամրոցապետը եկաւ շտապով և ներողութիւն խնդրեց Ռօբէրից երեկուայ անցքի համար, որով անբաղաժարութեամբ չէին բացել ամրոցի դուռը նորա բարձ-

րութեան համար: Յետոյ նա հրաւիրեց իշխանին և նորա ուղեկիցներին մտնել ամրոցը:

Բայց այնտեղ նոր կայծակ էր սպասում Ռօբէրին — Վիլլարդուինը Վելիգոստում չէր:

— Ինչպէս, նա Վելիգոստում չէ՞, գոչեց Ռօբէրը լայն բացանելով բերանը և աչքերը:

— Տարաբախտաբար, այստեղ չէ, ասաց ամրոցապետը: Յետոյ մեկուսացնելով Ռօբէրին և Պետրալիֆասին՝ ամրոցապետը աւելացրեց կամացուկ.

— Կուսակալի այստեղ գալու պատճառը մի ապստամբութեան նշաններն են, որ պատրաստել են, ինչպէս երեւում է, տեղացիները — յոյները:

Այդ խօսքերից Պետրալիֆասը դեղնեցաւ:

— Բայց ապստամբութեան բունը, շարունակեց ամրոցապետը, ինչպէս երևում է, աւելի Արկադիայում է: Այդ պատճառով, երբ բարւն Դը.Մօնսը յայտնեց կուսակալին թէ ձերդ բարձրութիւնը դուրս է եկել արեւմտեան ափի վերայ, կուսակալը շտապեց բարձնի հետ երկու օր առաջ Նիկիի:

— Գնալու ժամանակ, վերջացրեց խօսքը ամրոցապետը, նա մեզ ասաց վճռողական կերպով թէ կ'մնայ Նիկիիում առանց հեռանալու այնքան ժամանակ մինչև որ կ'իմանայ ձերդ բարձրութեան տնօրէնութիւնը:

— Դէ, ուրեմն գնանք Նիկիի:

— Ձերդ բարձրութիւնը արդեօք չի բարեհաճի թոյլ տալ, որ տեղեկութիւն հասցնենք կուսակալին ձեր գալըստեան մասին: Ես գիտեմ թէ որպիսի անհամբերութեամբ սպասում է ձեր տեսութեան և հաւաստի եմ, որ նա իսկայն կգա:

— Ո՛չ, ո՛չ, ամենևին ո՛չ, գոչեց Ռօբէրը, եթէ նա որոշել է մնալ մի տեղ, չշարժենք տեղից, ապա թէ ոչ գուցէ դարձեալ կ'օղկուի մեզանից:

— Ես ինքս կերթամ Վիլլարդուինի մօտ, վճռաբար ասաց Ռօբէրը, այդ աւելի հաստատ բան կլինի:

Եւ արդարեւ գուցէ այդ աւելի հաստատ բան էր, բայց ոչ աւելի հեշտ, որովհետև այն ժամանակներում ձիերը շատ հազուադիւս բան էին Վելիգոստում: Այնուամենայնիւ ամ-

րոցապետը այնպիսի մարդկանցից էր, որք կ'սոստանան ամեն բան, ինչ որ կ'ամիս: Հրամաններ ստանալով Ռօբէրից պատ-
րաստել փութով ամեն բան, ինչ որ հարկաւոր է ճանա-
պարհորդութեան համար, նա ոչ մի բանում չհակառակեց
իշխանին և ցուցեց կատարեալ հնազանդութիւն: Սակայն,
Ժամերն անցնում էին արագութեամբ և ամրոցապետը չէր
երևում:

Ռօբէրը դողում էր անհամբերութիւնից: Ամրոցապետը
ներկայացաւ միայն երեկոյին, բայց տրտում և չարագուշակ
դէմքով: Նա յայտնեց թէ պատուիրել է ձիեր գտնել բոլոր
շրջակայ գիւղերում, բայց աւելացրեց թէ՛ այդ շատ դժուար
է ամառային պարապմունքների պատճառով: Ընդ նմին նա
հարեանցի ակնարկութեամբ հասկացրեց Ռօբէրին թէ՛
այն տեղերի էջերը շատ լաւ տեսակից են և վազում են
շատ արագ: Այդ խօսքերից Ռօբէրի գլխի մազերը ցից ցեց
կանգնեցան:

Բայց ամրոցապետի կարգադրութիւնները ի զուր չէին
անցել. օրը մթնելիս ամեն կողմից սկսեցին բերել ձիեր և
հարկաւոր թիւը գրեթէ պատրաստ էր:

Առաւօտեան արշալուսի հետ ճանապարհորդութիւնը
նորից սկսուեցաւ, որպէս զի վերջապէս շուտով հասնին այն
տեղին, ուր Վիլլարդուինը որոշել էր մնալ: Ճանապարհին
դարձեալ նորոգուեցաւ Ռօբէրի հոգեկան զուարթութիւնը
և լաւ տրամադրութիւնը:

Երկարատեւ ճանապարհորդութիւնը Աննայի ընկերակ-
ցութեամբ և այն յոյսը թէ շուտով կ'վերջանայ տեղից տեղ
թափառելը, իրաւունք էին տալի Ռօբէրին, ինչպէս նա կար-
ծում էր, փորձել և իմանալ չքնաղ օրիորդի գգացմունք-
ները և օր առաջ տեսնել այն երջանկութիւնը, որը պէտք
է Պետրալիֆասը յայտնէր նորան իւր Ժամանակ:

Ամբողջ օրը աշխատում էր Ռօբէրը միշտ չհեռանալ
Աննայից և խօսել նորա հետ: Բայց պատահմամբ էր լի-
նում թէ դիտաւորութեամբ, Աննան ամենեւին չէր մնում
նորա հետ միայնակ: Իսկ երբ Ռօբէրին յաջողւում էր եր-
բեմն մեկուսացնել նորան և սկսել ծանր խօսակցութիւն,
Աննան շատ անարուեստ կերպով փոխում էր իսկոյն խօսքը

ուրիշ առարկայի վերայ: Վերջապէ՞մ Ռօբէրը շատ և ապար-
դիւն փորձերից յետոյ, անբաւականութեամբ քշեց իւր ձին
և առաջ ընկաւ:

Անցնելով այնուհետև էլի մի երկու մղոն, ճանապար-
հորդները պատահեցան մէկ ձիաւորին, և Ռօբէրը հարցրեց
նորանից թէ ո՞րտեղից է գալի:

— Նիկկից, պատասխանեց ձիաւորը:

— Կուսակալը ա՞յնտեղ է:

— Ո՛չ:

— Ո՞չ, գոչեց Ռօբէրը, կարծելով թէ՛ կամ այդ անծա-
նօթ մարդն է խելագար, և կամ ինքն է ցնորուել:

— Ի հարկէ ո՛չ, պատասխանեց ձիաւորը: — Կուսակալը
Նիկկիումն էր մինչև երրորդ օրը, յետոյ իմանալով, որ Պե-
լոպոնէսի իշխանի եղբորորդին հասել է Վալամատ, նա գը-
նաց Լակեդեմոն, ուր կամենում էր սպասել երիտասարդ իշ-
խանին և գուցէ այնտեղից կերթայ Վալամատ:

— Գնաց Լակեդեմոն, գոչեց վերստին Ռօբէրը պինդ
բռնելով իւր գլուխը, և փոքր էր մնացել, որ ընկնէր ու-
շաթափ:

Այդ միջոցին հասան միւս ուղեկիցները և իմացան նո-
րա վրդովմունքի պատճառը: Ինքն անծանօթ ձիաւորը ոչ
սակաւ զարմացաւ իմանալով որ Պելոպոնէսի իշխանի եղ-
բորորդին էր իւր հետ խօսողը: Նա յայտնեց թէ Վիլլար-
դուինը գնացել էր Նիկկի շատ ծանր գործի պատճառով,
որ կապ ունի յոյների ապստամբողական պատրաստութեան
հետ: Բայց այնու ամենայնիւ Ռօբէրի գալը իմանալուն պէս
նա ձգեց ամեն բան և շտապեց դիմաւորելու նորան: Այդ
ձիաւորը մի արագնթաց սուրհանդակ էր, որ պարտաւոր
էր վազել գիշեր ցերեկ ապստամբութեան մասին տեղեկու-
թիւններ հասցնելու Վիլլարդուինին:

Իսկոյն խորհուրդ կազմեցին բացօթեայ տեղում և հա-
մաձայն ընդհանուրի կարծիքին Ռօբէրը նամակ գրեց Վիլ-
լարդուինին թէ ինքը գտնուում է Նիկկիում և խնդրում է
կուսակալին յայտնել թէ — կսպասէ՞ արդեօք թէ ոչ Լակե-
դեմոնում, որպէս զի ի զուր տեղը չշարունակուի ապար-
դիւն վազվզելը միմեանց քամակից:

Սուրհանդակը վերցրեց նամակը, ստացաւ լաւ պարգև և մտրակելով ձին թռաւ արագութեամբ:

Իսկ Ռօբէրը և նորա ուղեկիցները շարունակեցին ճանապարհը և կէս ժամից յետոյ հասան Նիկիի, որ այժմ մի ամալի տեղ է և կոչվում է Պալէոպոլիսկոպլի:

Ռօբէրը մնաց Նիկիում երկու օր: Նա ինքն ղգում էր արդէն, որ բաւական նեղացել է և ձանձրացել ճանապարհից. ուրեմն ի՞նչ պէտք է զգային զառամեալ ծերունին և մատաղհաս օրիորդը, որք ուղեկցում էին նորան այդ երկար և տաղտկալի ճանապարհորդութեան մէջ:

Բացի սորանից, եթէ Պետրալիֆասը իւր համար պարտք համարեց ուղեկցել մի միջոց երևելի հիւրին, որի ընդունելութիւնը յանձնուած էր նորան, այժմ ծերունին սկսեց նկատել որ՝ նորա ուղեկցութիւնը Ռօբէրին Աննայի հետ միասին, կարող էր այնուհետեւ անպատեհ համարուել, և նա յայտնեց թէ եթէ Շամպլիտը կամենում է շարունակել ճանապարհորդութիւնը, իւր ծերութիւնը և թուլութիւնը այլ ևս չեն ներում ուղեկցել նորան: Ուստի Պետրալիֆասը որոշեց մնալ Նիկիում և սպասել, մինչև որ՝ կիմացուի թէ զրական կերպով ո՞րտեղ կարելի է տեսնել Վիլլարդունին:

Ռօբէրը որոշեց նոյնպէս մնալ և սպասել: Բայց նա չկամեցաւ ի վուր կորցնել օրը և նորից սկսեց փորձել Աննայի սիրտը: Աւա՛ղ, այդ յաղթութիւնը սկսեց երևալ նորան նոյնպէս դժուար, որպէս և Պելոպոնէսին տիրապետելը: Գործ գնելով ամեն տեսակ խորամանկութիւնները՝ Ռօբէրին յաջողեցաւ վերջապէս երեք չորս անգամ միայնակ մնալ Աննայի հետ: Բայց նա կամ իբր չէր հասկանում իշխանի ասածը, կամ ստիպուած լինելով հասկանալ կտրում էր յանկարծ նորա փայլուն ճարտասանութիւնը բարձրաձայն ծիծաղով, կամ գտնում էր որևիցէ բարեպատեհ առիթ դուրս գնալ սենեակից, այնպէս որ Ռօբէրը, վերջապէս, զայրացած և յուսահատուած, գնաց գտաւ Նօնին և սկսեց զանգատուիլ նորան Աննայի սառնասրտութեան վրայ:

— Ես եկայ Պելոպոնէս, ասաց Ռօբէրը, բոլորովին հաւատացած թէ՝ ոտքս այս երկրի վերայ դնելուն պէս կը գառնամ իսկոյն սորա տիրապետող, իսկ այժմ ահա՛ բա՛ն

օր է որ ես թափառում եմ սարերում և ձորերում, միայնակ, առանց թիկնապահների, առանց կարողութեան ազդելու երկիւղ և յարգանք առիւթ, և իշխանութեանս ստուերը այնքան աւելի հեռու է փախչում ինձանից, որքան աւելի մօտենում եմ նորան: Ես եկայ այստեղ, հաւատալով քո ասածներին թէ՛ Ելլաբայի իշխանը կտայ ինձ կնութեան իւր աղջիկը և ես տեսայ որ Աննայի գեղեցկութիւնը գեղազանց է քան թէ քո բոլոր նկարագրութիւնը: Բայց չէ՛ իմանում արդեօք նա իւր հօր ցանկութիւնը, թէ չէ՛ կամենում հետեւել նորան, — Աննան խոյս է տալի բացատրութիւնից: Թող ասեն թէ՛ սիրահարութիւնը կոյր է, բայց հաւատացնում եմ քեզ որ՝ անկարելի է որ ես սխալվում լինեմ:

Նոննը զարմացած էր երևում. նա աշխատում էր մի որևիցէ կերպով բացատրել օրիորդի վարմունքը: Նորա կարծիքով շատ հաւանական էր, որ պապը դեռ չէր յայտնել նորան իշխանի դիտաւորութիւնը, կամենալով առաջ իմանալ նորա զգացմունքները: Ընդ նմին պէտք էր ի նկատի ունենալ օրիորդներին յատուկ ամօթխածութիւնը և վրդովմունքը, որը Աննան պէտք է ակամայ զգար ուղեկցելով այնպիսի երկար ճանապարհորդութեան ժամանակ մի օտարական երիտասարդ իշխանին: Աերջապէս Նոննը խոստացաւ, որ գործի մասին հարկաւոր ակնարկութիւններ կանի Պետրալիֆասին առանց թեթեւացնելու, ի հարկէ, Ռօբերի պատիւը:

Եւ յիրաւի Նոննը իսկոյն վազեց Պետրալիֆասի մօտ և հաղորդեց նորան Ռօբերի տրտունջը:

— Եթէ, ասաց Նոննը, վաղը կամ միւս օրը այս օտարական ասպետը կքաշէ իւր, կամ աւելի լաւ է ասել՝ մեր կրած նեղութիւնների պտուղները, միթէ այդ բանը ոչինչ օգուտ չի՞ տայ մեր պետութեան: Չկա՞յ արդեօք տեղիք կարծելու, որ եթէ Աննան կշարունակէ յամառութեամբ ցոյց տալ նորան իւր պաշտութիւնը, Շամպլիտն էլ իւր կողմից կփոխէ իւր դիտաւորութիւնը նորա մասին, մանաւանդ իւր ինքնասիրութեան բաւարարութիւն տալուց յետոյ:

Պետրալիֆասը վեր կացաւ. նա բաւական խիստ զարկում էր իւր ծունկերը. նորա մազերը և մօրուքը ցցուել էին հատ հատ: Նորա բարկութիւնը անչափ էր:

—Ի՞նչպէս, գոչեց նա, իմ սիրելի փափաքը—խաղաղութեամբ տիրել Պելյոպոնէսին, Յունաստանի երկիրները միացնել իմ փեսայիս ձեռքի մէջ,—այդ բոլորը յանկարծ խորտակուած կլինի մի անմիտ աղջկայ յիմար յամառութեան շնորհիւ։ Ո՛չ, այդ չիլինի։ Աննան շատ է ի չար գործ ունում իմ քնքշութիւնը։ Գնացէ՛ք, կանչեցէ՛ք ինձ մօտ այդ անմիտ աղջիկը։

Նո՛նքնը գնաց և մի քանի ռուպէից յետոյ ծերունու սենեակը մտաւ Աննան։ Նա նայեց իւր պապի վերայ հարցական և փոքր ինչ երկչոտ դէմքով։

—Իմ սիրելի թոռնուհիս, ասաց ծերունին մի քիչ կոշտ, Անդրապիդից դուրս գալու ժամանակ ես բեզ յայտնեցի իմ ցանկութիւնը և հօրդ կամբք։ Քաղաքական շահերը, խոհեմ քաղաքականութիւնը, պահանջում են որ՝ դու ամուսնանաս Ռօբէր դը-Դամպլիտի հետ. և պէտք է բեզ ասել, որ իմ բոլոր հայրական սիրով և հոգատարութեամբ հանդերձ քո բախտաւորութեան մասին—աւելի լաւ փեսացու չէի կարող ծարել բեզ համար։ Ես խնդրեցի բեզանից աւակցել իմ դարսողութիւններին և չեմ տեսնում ոչինչ պատճառ, որով դու վարուում ես բոլորովին հակադէպ իմ խորհուրդներին։

—Պապս, ասաց Աննան ծիծաղելով.—իմ աջակցութիւնը բոլորովին աւելորդ էր. Ռօբէրը և առանց նշան ցոյց տալու իմ կողմից՝ սաստիկ ձանձրացնում է ինձ։

—Դու չպէտք է այդպէս խօսես մի փեսացուի վերայ, որին ընտրել են քո ծնողները, խստութեամբ նկատեց Պետրալիֆասը։

Զուարթ ժպիտը իսկոյն անհետացաւ երիտասարդ օրիորդի շրթունքից. արտասուքը ցոլաց աչքերում։

—Մի՞թէ ուրեմն անպատճառ հարկաւոր է, գոչեց Աննան, որ Ելլադայի փառաւոր իշխանի աղջիկը ինքը վազէր այդ հպարտ ասպետի մօտ և ընկնէր նորա ոտքը։ Փոխանակ բաշելու մեղ իւր ետեւից և ցոյց տալու նոր հպատակներին իբրեւ գերիներ, փոխանակ ստիպելու մեղ ընդունել նորա քաղցր հայեացքը իբրեւ ողորմութիւն, միթէ նա պարտաւոր չէ՞ր, եթէ ցանկանում է ստանալ իմ ձեռքը,

գնաւ մինչեւ աշխարհքի ծայրը — խնդրել իմ համաձայնութիւնը:

— Աղջիկս, պատասխանեց ծերունին, — բո զայրոյթը արդար և անկեղծ չէ. — դա ոչ այլ ինչ է եթէ ոչ մի առիթ: Դու շատ լաւ գիտես, որ ուղեկցեցի Շամպլիտին իւրեան արժանի պատիւը ցոյց տալու համար. ես վախենում էի հանդիպել նորան Պելոպոնէսում: Աւելի ևս լաւ յայտնի պէտք է լինի բեզ, որ Ռօքէրը չէ պահանջում հպարտութեամբ, որ դու ստորանաս նորա առջև, այլ ընդհակառակն ինքն տրանջում է, հառաչում է և ընկած է ոտքիդ առաջ: Ես խնդրեցի բեզանից, և իրաւունք ունէի խնդրելու, մի բան — չցոյց տալ նորան աւելորդ պաղուծիւն և չբանդել դատարկ կամակորուծեամբ իմ դարսողութիւնները:

— Բայց, սիրելի՛ պապս, չէ՞ որ ես ձեզ ասացի, պատասխանեց Աննան ձայնով, որ հնչում էր ուղղակի սրտից, — ես թոյլ աղջիկ եմ, անկարող մասնակցել ձեր բարձր դարսողութիւններին: Մի՛ պահանջէք ուրեմն, որ ես լինիմ ձեր գործիքը. ես արժանի չեմ ոչ այդպիսի պատւին և ոչ այդպիսի անպատուութեան: Քաղաքականութեամբ փչացած սրտերը միայն կարող են դարձրած լինել կոյր գործիք. իսկ թոյլ սրտերը, որպէս իմս է, տրորւում են բըռնութեան մուրճի տակ և բանի պէտք չեն գալի:

— Բռնութիւն, գոչեց Պետրալիֆասը, հաղիւ զսպելով իւր բարկութիւնը: Մի՛թէ հարկաւոր է բռնութիւն գործ դնել, որ դու ստիպուիս աջակցել բո հօր փառքի մեծանալուն: Մի՛թէ բռնութիւն է հարկաւոր, որ դու ամուսնանաս ամբողջ քրիստոնէութեան ամենաերևելի ասպետներից մէկի հետ, որը տալիս է քեզ բոլոր օգուտները, որպիսիք կարելի է միայն փափաքել, բո ոտի տակը դնելով արևելեան (Յունաստան) պետութիւններից ամենամեծագոյնը:

— Պետութիւն, ասաց Աննան, աչքերը դէպի երկինքը բարձրացնելով, — Պետութիւն, ... մի՛թէ բախտաւորութիւնը ուրիշ անուն չունի ձեր լեզուով:

— Լսի՛ր, Աննա՛, ասաց ծերունին մեծախորհուրդ կերպով, պէտք է վերջ դնել այդ բոլոր մանկական կամակորութիւններին: Դու ոչինչ հիմնաւոր պատճառ չունիս հրաժարուելու Ռօքէրի առաջարկութիւնից: Վաղը ես կ'այտա-

նեմ նորան քո համաձայնութիւնը, և եթէ դու չես կամենայ շարժել քո վերայ հօդք բարկութիւնը և սպանել ծերունի պապիդ, — դու կհաստատես իմ խօսքը:

— Պապս, իմ թանկագին պապս, բացականչեց Աննան թափելով ջերմ արտասուքներ, — փոխեցէք այդ հրամանը: Աղաչում եմ ձեզանից միայն մի շնորհք — թոյլ տուէք ինձ նուիրել անձս Աստուծուն, հեռանալ մի սուրբ վանք և այնտեղ անցնել խաղաղութեամբ կեանքիս մնացած օրերը: Ես չեմ կամենում փառք, ես հրաժարում եմ բախտաւորութիւնից, — ես խնդրում եմ ձեզանից միայն խաղաղութիւն: Մի բացասէք ինձ, աղաչում եմ ձեզ:

Պետրալիֆասի հոգու մէջ սկսում էր արդէն բարձրանալ մի մորիկ, այն մորիկներից մէկը, որ այնքան աւելի կատաղի են լինում, որքան աւելի զսպում են նոցա: Արդէն ծերունու շրթունքները դողալով պատրաստում էին որոտալ, և ահա յանկարծ փողոցում թնդացին կեցցէներ և աղաղակներ: Մորիկը պաղեց զայրացած պապի շրթունքի վերայ և նորա բոլոր ուշադրութիւնը դարձաւ դէպի փողոցի աղմուկը:

Այդ իսկ րոպէին ներս վազեց նօննը:

— Կուսակալը, ասաց նա, Կուսակալը եկաւ:

Պետրալիֆասը վեր թռաւ տեղից և վազեց դէպի դուռը: Բայց նախ քան թէ դուրս կերթար սենեակից՝ նա դիմեց դէպի Աննան: Արիւնը դարձեալ վառեց օրիորդի դեղնացած այտերը:

— Ուրեմն մինչև վաղը, ասաց Պետրալիֆասը: Վաղը ես կիմանամ թէ դու արժանաւոր դո՞ւստր ես թէ ոչորի, թէ ոչ:

17.

ՉԱՐԱԲԱՆՏ ԺԱՄԱՆԱԿԱԿԵՏ:

Կուսակալի գալուստը իմանալուն պէս Ռօբէրը շտապեց դիմաւորել նորան: Վիլարդուինը գրկեց Ռօբէրին, ինչպէս հայրը, ջերմ շնորհակալութիւններ յայտնեց Պետ-

րալիֆասին իւր կրած նեղութիւնների մասին այնպիսի մեծ գործի համար, որպիսին էր ընդունել նորա իշխանաւորի և բարեկամի եղբորորդուն, և քնքշութեամբ համբուրեց Ան-նայի ճակատը: Յետոյ կուսակալը պատմեց թէ ինչպէս կէս գիշերից մի ժամ անցած սուրհանդակը հասել էր Լակե-դեմոն Ռօբերի նամակով, թէ ինքը թէպէտ արդէն քնած էր, բայց զարթնելով և իմանալով նամակի բովանդակութիւնը, իսկոյն վերկացաւ անկողնից, հագաւ շորերը, ժողովեց բո-լոր առձեռն եղած ասպետներին և առանց հանգստանալու վազեց հասաւ Նիկիլի:

Ռօբէրը շնորհակալութիւն յայտնեց Վիլլարդուինին՝ առ ինքն ցուցած այդպիսի ուշադրութեան համար, և զարմա-նում էր թէ ինչպէս նա այդպիսի հասակում կարողացել է պահպանել դեռ ևս երիտասարդական աշխոյժ և գոր-ծունէութիւն: Իւր կողմից նա նշոյնպէս պատմեց կուսակա-լին իւր ճանապարհորդութեան արկածները:

— Երևակայեցէք, ասաց նա, ես ճանապարհ ընկայ Շասպանիայից հինգ ամիս առաջ, և եթէ չլինէին այդ բո-լոր արկածներն ու արգելքները, ես վաղուց Պելլոպոնէսում կլինէի:

— Մինչև անգամ Պելլոպոնէս հասնելուցս յետոյ, շա-րունակեց Ռօբէրը, մի անբախտ աստղ չէի դադարում հա-լածել ինձ, ես մտածեցի պտուել ձեզ, մինչդեռ դուք էլ պտուում էիք ինձ, և այս փոխադարձ սրոնելու մէջ ան-ցաւ ամբողջ քսան օր:

— Ո՛հ, որպիսի անուղղելի ձախորդութիւն, գոչեց Վիլ-լարդուինը:

Կուսակալի այդպիսի ձայնարկութիւնները փոքր ինչ չափազանց էին թուում ներկայ դիպուածի համար, և Շասպ-լիտը նկատեց այդ:

— Ի հարկէ, ասաց նա, ժամանակի այդպիսի կորուս-տը շատ ցաւալի է ինձ համար, բայց գոնէ Պելլոպոնէսը ա-մենևին վնաս չկրեց դորանից—նա լաւ կուսակալի ձեռքն էր, և այդ քսան օրում Պելլոպոնէսը միայն վաստակ ունե-ցաւ:

— Շնորհակալ եմ, պատասխանեց Վիլլարդուինը, սեղ-մելով Ռօբէրի ձեռքը: Այնուամենայնիւ ես հոգով ցաւում

եմ այդպիսի անախորժ յետաձգութեան համար: Իսկ առ այժմ չէ՞ք թոյլ տայ ինձ ներկայացնել ձեզ ինձ հետ եկած ասպետներին:

Ռօբերը յօժարութեամբ ընդունեց այդ առաջարկութիւնը և քնաց Վիլլարդուինի ետեւից փառաւոր լուսաւորութեան մեծ դահլիճը, ուր սպասուում էին նորան հարիւրից աւելի ասպետներ:

Մինչդեռ շարունակուում էր սովորական ներկայացնելն և ողջոյնները, Աննային մօտեցաւ հին ծանօթ Գօտիէն և յարգանքով համբուրեց նորա ձեռքը: Յետոյ նայելով Աննայի երեսին, նկատեց որ նորա աչքերում արտասուք էին եղած:

— Արտասու՛ւք, ի՞նչ է նշանակում այդ, ասաց ասպետը անհանգստութեամբ:

Աննան ժպտաց, ինչպէս ժպտում է մայիսի արեգակը անձրեւից յետոյ:

— Մի՛թէ իմ արտասուքը հաճելի չեն ձեր տիրոջ, հարցրեց նա:

— Իմ տէրը, պատասխանեց Գօտիէն, եթէ ես դատեմ նորա կողմից իմ զգացմունքով, պատրաստ է վրէժ առնել իւր բոլոր արիւնով ձեր արտասուքի ամեն մէկ կաթիլի համար: Բայց չէ՞ որ դորա համար հարկաւոր է ինձ իմանալ ձեր արտասուելու պատճառը: Եթէ դուք հաւատում էք որ կարելի է թեթեւացնել վիշտը, յայտնելով այն անկեղծ և հաւատարիմ սրտին, — ասացէ՛ք ինձ, ասացէ՛ք, ի՞նչ է ձեր վիշտը:

— Որպէս զի դուք յետոյ ամենքին պատմե՞ք Աթէնքում:

— Երբ ես տեսնում եմ որ դուք վշտամաշ էք լինում, քնքշութեամբ ասաց Գօտիէն, մի՛ լինիք այդպէս խըստասիրտ, մի՛ պատասխանէք հանաքներով, այլ տուէք ձեր դառնութեան բաժակի կէսը: Հաւատացէք ինձ, որ ես երբէք ոչոքին ոչինչ չեմ ասի: Երբ գործը ձեր մասին է, ես երբէք չեմ դիմի ոչոքին, իմ սեփական անձնուիրութիւնը առ ձեզ բաւական է որ օգնեմ ձեզ: Արժանացրէք ինձ ձեր վստահութեան:

— Պարո՛ն դեսպան, պատասխանեց Աննան, — ես համարում եմ ձեզ բոլորովին անարժան իմ վստահութեան,

բայց միևնույն ժամանակ ո՛րպէս մեծ է կնոջ սրտի հակասութիւնը և ինքնավստահութիւնը: Ես վստահանում եմ, ինքս էլ չգիտեմ ի՞նչու, հաւատալ ձեզ բոլորովին և կուրօրէն, որպէս դուք այդ ցանկանում էք:

Յետոյ, աւելի ևս ցածացնելով ձայնը, խոնարհեցնելով աչքերը և կարմրելով, աւելացրեց նա:

— Պապս պահանջում է որ ես համաձայնուիմ յանձնել ձեռքս Պելոպոնէսի նոր իշխանին:

Ասելով այդ խօսքերը՝ Աննան զգաց որ սաստիկ զարկում էր նորա սիրտը, և հասկացաւ որ իւր այդ խոստովանութիւնը աւելի մեծ նշանակութիւն ունէր քան թէ կարծում էր առաջ:

— Ուրեմն ի՞նչ, հարցրեց Գօտիէն, որի սիրտը զարկում էր նոյնպէս սաստիկ, ու պէս և նորա խօսակցութեան սիրտը:

— Այո, պատասխանեց նա, որ ես աւելի շուտով կը մեռնեմ քան թէ կհամաձայնուիմ այդ բանին: Բայց, շտապեց աւելացնել նա ժպտալով, խնդրեմ ըստ ձեր սովորութեան, ծուռը մեկնութիւն չտաք խօսքերիս, յօգուտ ձեր տիրոջ: Պապս սպասում է ինձանից պատասխանին վաղը:

Այդ միջոցին Վիլլարդուինը, որ ծանօթացնում էր Ռօբէրին ասպետների հետ, մօտեցաւ Գօտիէին, նա հազիւ կարողացաւ ասել Աննային կամացուկ.

— Աշխատեցէք երկու օր յետաձգել պատասխանը:

Կուսակալը ներկայացրեց իւր հիւրին Գօտիէին իբրեւ Աթէնքի իշխան Օտօն Գը-Լա Ռօշի դեսպան:

Ներկայացման հանգիսից յետոյ, Վիլլարդուինը հարցրեց Ռօբէրից թէ չո՞ւնի արդեօք որ և էցէ բան հաղորդելու նորան ծեր իշխանի կողմից:

— Այո՛, պատասխանեց Շամպլիտը, ունիմ և կամենում եմ հաղորդել ձեզ ասպետների ընդհանուր ժողովի մէջ:

— Նիկիւիում չէ կարելի կազմել այդպիսի ժողով, ասաց Վիլլարդուինը: Թոյլ տուէք ինձ տանել ձեզ Սպարտա ուր դուք կգտնէք աւելի արժանաւոր ընդունելութիւն, և ուր այժմ, յաջողակ պատահմունքով, հաւաքուել է ազգայետների մեծագոյն մասը:

Այդ նոր ճանապարհորդութիւնը, ի հարկէ, շատ ասորժեւի չէր Ռօբէրին, բայց նա հասկանում էր այդպիսի առաջարկութեան հիմնաւորութիւնը: Մանաւանդ որ այս անգամ կուսակալը նորա հետ էր և ճանապարհը կարճ էր և ապահով:

Վճռուած էր միւժ օր առաւօտը գնալ Սպարտա, և ամեն կողմ ուղարկուեցան սուրհանդակներ, որքան կարելի է շատ բարօններ հաւաքելու համար:

Նշանակած ժամին ամենքը ճանապարհ ընկան, և երեկոյեան դէմ Ռօբէրը մուտք էր գործում Սպարտայի պալատը, շրջապատած արքայազայել պատուով և փառքով:

Այդ օրը Աննան առանց դժուարութեան ազատուեցաւ իւր պապի հետ ունենալու բացատրութիւնից:

Միւս օրը Աւետման տօնն էր: Վանուխ անաւօտից սուրհանդակը ձիով ման էր գալիս բաղաբի մէջ և բարձր ձայնով հրաւիրում էր բոլոր ասպետներին և երեւելի մարդոց հաւաքուիլ պատարագից յետոյ մայր եկեղեցու մէջ, ուր, ասում էր, պէտք է քննուին շատ ծանր գործեր իշխանութեան վերաբերմամբ:

— Լսում ես, աղջիկս, առաջ Պետրալիֆասը, երբ սուրհանդակի ձայնը լսուեցաւ նորա տան մօտ, — դա բովի՞ ճակի ձայնն է: Մի ժամից յետոյ Ռօբէրը կստանայ ասպետներից Մօրէի իշխանութիւնը, իսկ երկու ժամից յետոյ դու կյանձնես նորա նշանադրութեանդ մատանին:

Եւ թողնելով Աննային կիսամեռ յուսահատութիւնից, Պետրալիֆասը գնաց:

Ահագին եկեղեցին, որից այժմ աւերակներն են մնացել, լուսաւորուեցաւ զէնքերի փայլմունքով: Ասպետները հաւաքուելով հետզհետէ, բռնեցին տեղերը ըստ իւրեանց տիտղոսի և արժանաւորութեան: Առաջին տեղում կանգնեցան կաթողիկ եպիսկոպոսները. բոլորը ներկայ էին բացի Օլէնի եպիսկոպոսից: Ամենից յետոյ կանգնած էին մի քանի յոյն հոգեւորականներ, որոց հրաւիրել էին իբրեւ մի առանձին շնորհք:

Երբ ամենքը տեղաւորուեցան և տիրեց լուծութիւնը, եկեղեցի մօտան վերջապէս Վիլլարդուինը և Ռօբէրը միասին, ձեռք ձեռքի բռնած: Երկուսը միասին բռնեցին ամե-

նապատուաւոր տեղը: Վուսակալի մօտ նստեցաւ Նոյնպէս ՊետրակիՓաւր, թէպէտ նա, որպէս և նօննը, ոչինչ ձայն չունէին այդ ժողովի մէջ, որովհետեւ նոքա Մօրէի իշխանութեան քնակիչներ էին:

Հանդիսի կարգադիրը, ըստ սովորութեան, յայտնեց ժողովի բացման սկիզբը: Այդ իսկ րոպէին մի սուրհանդակ, որ եկեւ էր Անգրավիդից, յանձնեց Վիլլարդուինին Օլէնի եպիսկոպոսի նամակը: Վուսակալը իսկոյն պոկեց կնիքը, և արագութեամբ կարդալով նամակը՝ նշանով կանչեց իւր որդի Գօգֆրիդին և մի քանի խօսք ասաց նորա ականջին:

Գօգֆրիդը դուրս գնաց, շտապով թամբել տուեց իւր ձին, նստեց և վազեց գէպի Անգրավիդ: Բայց այս անգրը չգրաւեց իւր վերայ ոչոքի ուշադրութիւնը:

Գօգֆրիդի ժողովից գնալու յետոյ, Վիլլարդուինը ոտի կանգնեցաւ և դառնալով ժողովին ասաց թէ՝ հոգեկան ուրախութեամբ ներկայացնում է այդպիսի բազմաթիւ և փառաւոր ժողովին իւր լաւագոյն ընկերի և Պելուպոնէսի իշխանի եղբորորդուն: Յետոյ յարակցեց թէ՝ երիտասարդ բարոնը բերել է իւր հետ հրահանգ և պատուէր, որ կամեւ նում է յայտնել ժողովին:

Այդ խօսքերը ընդունուեցան ծափահարութեամբ: Ապա Ռօբէրը ելաւ տեղից մեծ պատուարժանութեամբ, հանեց մետաքսագործ և արծաթազարդ թղթամանից մի մագաղաթ մեծ կէքով և յանձնեց Մատիօ Դը Մօնսին կարդալու:

Այդ հրովարտակով Վիլհելմ Շամպանեանը, Դիժօնի կոմսը և բոլոր Աքայիայի իշխանը, յանձնում էր Մօրէի իշխանութիւնը իւր հղբորորդի Ռօբէր դը Շամպլիտին, բոլոր իրաւունքներով և արտօնութիւններով, և հրաւիրում էր ասպետներին, եպիսկոպոսներին, գլխաւոր բարօններին, ամենքին, որոնք իրաւունք ունին դրօշակ ունենալ, և տեղացի ժողովրդին ճանաչել այնուհետեւ իւր փոխանակ, Ռօբէրին իբրեւ օրինաւոր իշխան և պետ երկրի:

Այդ հրովարտակը բարձր և հասկանալի ձայնով կարգալուց յետոյ, ամենը լռեցին և բոլորի աչքերը նայում էին Վիլլարդուինի վերայ:

Վիլլարդուինը ոտի կանգնեցաւ, խորին յարգանքով գլուխ տուեց իշխանի հրովարտակին և ասաց.

— Ազնիւ ասպետներ, իմ քաջ զինակիցներ և թանկագին բարեկամներ, դուք լսեցիք մեր իշխանի հրամանը: Ինչ համար նորա կամբը— օրէնք է. և այդ ոչ միայն այն պատճառով, որ նա իմ աւատական տէրն է, այլ և այն պատճառով, որ կոմս դը-Շամպլիտը միշտ եղել է սրտիս սիրելին և ուսուցիչ պատերազմական գործի մէջ: Ոչինչ բան աշխարհի երեսին չէ կարող ստիպել ինձ, որ անհնազանդ լինիմ նորա կամբին, որ ես սրբազան եմ համարում, — ոչինչը, բացի պարտաւորութեանս ձայնից, որը իմ աչքին առաւել ևս բարձր է և սրբազնագոյն, և բացի Աստուածային հրամանից, որ միայնակ ունի իրաւունք իշխել մարդկային գործերի վերայ: Եղբայրներ և ընկերներ, իմ խիղճս տարակուսում է, և ես խնդրում եմ ձեզանից, իրրեւ բարեպաշտ քրիստոնեաներ և պատույ մարդիկ, դրէք ձեռքը ձեր կուրծքի վերայ, կոչեցէք ձեր շրթունքի վերայ ճմարտութեան խօսքը և խելամուտ արէք ինձ ձեր խորհրդների և խրատների լուսով: Ասացէք, ի՞նչ է այժմ իմ պարտաւորութիւնը, ո՞ր ճանապարհով պիտի գնամ, որպէս զի կենդանութեան ժամանակ արժանանամ մարդոց գովեստին, իսկ մահից յետոյ — Աստուծոյ ողորմութեան: Աղաչում եմ նոյնպէս ձեզ, իշխան Ռօբէր. խոհականութեամբ կշռադատել հանգամանքները և սրտի անկնդութեամբ ասել ինձ ինչ որ կ'ընկադրէ արդարադատութեան զգացմունքը: Դուք կարող էք բոլորովին հաւաստի լինել, որ ձեր վճիռը մեծ ծանրութիւն կ'լինի իմ մտքերի կշեռքի թաթի վերայ:

Քաջալերողական շշուկը պատասխան եղաւ ամեն կողմից այդ ազնիւ և խելացի խօսքերին:

Բայց կուսակալի ճառը Պետրալիֆասի վերայ գործեց վատ տպաւորութիւն, ինչպէս պողպատի բերթուածքը մարմարի վերայ: Ծերունին ցնցուեցաւ և նստած էր ինչպէս փշի վերայ:

— Այլ տեսակ զգացմունքներ ես չէի էլ սպասում ձեզանից, եղբայր իմ և բարեկամ, պատասխանեց Ռօբէրը դառնալով դէպի Վիլլարդուինը, երբ գործը վերաբերում էր ձեր խոհականութեան և արդարադատութեան: Ես կամենում եմ լսել ազնիւ բարոյների և ասպետների վճիռը, որպէս զի ըստ այնմ որոշեմ և իմ գործունէութեան եղանակը:

Այնուհետև, կուսակալի պատուէրով, պետական քարտուղարը հանեց ոսկեթելով բանուած թաւիչեայ թղթամանից մի այլ մագաղաթ նոյնպիսի կնքով, որպէս և առաջինը, և կարդաց հետևեալը.

— Մենք, Վիլհելմ Շամպանեան, կոմս Դիժոնեան, տէր Լա-Մարշի, իշխան ամբողջ Աքայիայի, յայտնում ենք ամենքին, սոյն հրովարտակը տեսնողներին— որովհետև Տէր Աստուած հաճեցաւ իւր մօտ կոչել Շամպանեան Լուգովիկոսին, մեր աւագ եղբօրը, մենք գնում ենք Ֆրանսիա տիրել հայրենի կալուածքներին— Դիժոնին և Լա-Մարշին, իսկ Մօրէում թողնում ենք իբրև լիազօր կուսակալ մեր Մարաջախտ Գօբֆրիգ Վիլլարդուինին, որ նա կատարի մեր փոխանակ և մեր անունով բոլոր պետական պարտաւորութիւնները և վայելէ մեր բոլոր իրաւունքները և արտօնութիւնները: Յարակցում ենք որ եթէ մինչև մի տարի և մի օր լրանալը մենք կվերագառնանք Մօրէ—մեր իշխանութիւնը, կամ մի այլ ոք, մեր ազգական կամ օտար, կը գայ Մօրէ մեր անունով իբրև ժառանգ և տէր իշխանութեան, կուսակալը պարտաւոր է մեզ կամ այդ ուրիշին, իբրև մեզ իսկ, վերագարձնել և յանձնել երկրի տիրապետութիւնը առանց հակառակութեան: Իսկ եթէ կանցնի մի տարի և մի օր, ոչ ոք չի գայ մեր անունով պահանջել իշխանութիւնը, յայնժամ վսեմափայլ Գօբֆրիգ Վիլլարդուինը կձայն, — չնայելով ուրիշ հրամանին որպիսի և իցէ և որտեղից և իցէ, իբրև մեր օրինաւոր և հաստատ ժառանգ Պելոպոնէսի իշխանութեան, բոլոր իրաւունքներով և արտօնութիւններով, և նա, Վիլլարդուինը իրաւունք ունի վայելել այդ իրաւունքները և արտօնութիւնները, ինչպէս կը վայելենք մենք ինքներս: Այսպէս է մեր անփոփոխելի կամքը: Տուաւ Արկադիայում, ի 10 մարտի 1209 ամի:

Աւարտելով կարգալը, քարտուղարը դրեց հրովարտակը գրքակալի վերայ, որ դրած էր եկեղեցու մէջ տեղում, որպէս զի ամեն ցանկացող ինքը կարողանար կարդալ այն: Բայց ոչ ոք չչարժուեցաւ տեղից, ոչ ոք չէր վստահանում առաջինը խօսել այդպիսի ծանր գործի վերայ:

Ռօբէրը նստած էր իւր աթոռի վերայ ինչպէս բւեռուած. նա դեղնել էր և ահու գողով սպասում էր իւր

վիճակի որոշման: Պետրալիֆասը շփոթուած էր՝ նա օրորվում էր իւր տեղի վերայ ինչպէս դող բռնած հիւանդ: Իսկ ինչ վերաբերվում է Նօնին, նա կարծես թէ խեղդւում էր արեան յորդ հոսանքից դէպի կոկորդը:

Վերջապէս ինքն Վիլարդուինը ընդմիջեց լուռութիւնը:

— Դուք լսեցիք, եղբայրներ և բարեկամներ, ասաց նա, մեր միապետի երկու հրովարտակն էլ: Իմ հոգեկան ցանկութիւնն է — հեռանալ իմ սիրելի հայրենիքը, կեանքիս վերջին օրերում վայելել հանգստութիւն, որին կարօտ է արդէն իմ ծերութիւնը, և թաղել ոսկորներս այնտեղ, ուր հանգստանում է իմ նախնիքների փոշին: Բայց ես պատրաստ եմ կատարել պարտքս և իմ միապետի կամքը, որպիսի զոհաբերութիւններ և հարկաւոր լինին առ այդ: Առաջ քան թէ ե, կընդունեմ որեւիցէ որոշմունք վերջնական կերպով, ես սպասում եմ ձեր դատողութեան: Յոյս ունիմ որ դա համապատասխան կլինի իմ ցանկութեան:

Իսկոյն առաջ եկաւ Վելիգոստի բարօն Մատիօս դը Մօնսը, և Ռօբէրը, որ չէր կամենում խօսել ինքը, շատ ուրախացաւ որ իւր մտերիմ բարեկամը յանձն է առնում պաշտպանել նորա իրաւունքները:

— Մեր պարտաւորութիւնն է, ասաց Մատիօն, կատարել այն, ինչ որ բացատրեց կուսակալը: Մենք ամենքս այստեղ հաւասար կերպով կախումն ունինք մեր իշխանից, և որպիսի և լինին մեր զգացմունքները կամ ցանկութիւնները մենք, իբրեւ պատուոյ մարդիկ և հաւատարիմ ասպետներ, չենք կարող չհնազանդուել մեր միապետի կամքին: Եթէ ուրիշի իրաւունքները խանգարել կամ յափշտակել յանցանք է, թողնել իշխանաւորներից մեզ յանձնուած տեղը և պաշտօնը, որի համար մենք ստացել ենք և Աստուածային վաւերացումն, կլինի ամօթալի փախուստ: Մենք այստեղ պէտք է դատենք ո՛չ ըստ բարեկամութեան, ո՛չ թէ ըստ սրտի թելադրութեան, ալ պարտաւոր ենք կշռադատել մեր միապետի կամքը և ճշտութեամբ կատարել այն: Յետոյ ոտի կանգնեցաւ Ժան դը Նէյիլին, Մանի Բարօնը, և ասաց.

— Մենք լսեցինք մեր միապետի կամքը, որ յայտնած է շատ պարզ կերպով: Եթէ մարտի 10-ից յետոյ մի աւուր

ընթացքում, այսինքն 11-ին մինչև արեգակի մայր մտնելը վսեմափայլ Ռօբերը եկած և պահանջած լինէր իշխանութիւնը իբրև ժառանգութիւն, դաւաճան և երգմնազանց կլինէր նա, ով չէր ընդունի նորան իբրև իշխան և միապետ: Բայց որովհետև մարտի 10 ից յետոյ անցել է 15 օր, այժմ մենք կլինենք դաւաճան և երգմնազանց մեր միապետի առաջ և չարամիտ յեղաշրջողներ նորա պարզ հրամանների, եթէ կընդունենք մեզ իշխան մէկ ուրիշին բացի վսեմափայլ Գօգֆրիդ Վիլլարդուինից: Մենք երաւունք չունինք ընտրութիւն անել, — մեր պարտքն է հնազանդուիլ: Ինքն Վիլլարդուինը չունի իրաւունք հրաժարուելու այն պաշտօնից, որի համար նորան ընտրել են և նշանակել. ապա թէ ոչ նա ինքն էլ կլինի յանցաւոր: Մեր իշխանն է — Գօգֆրիդ Վիլլարդուինը:

— Կեցցէ՛ Գօգֆրիդ Վիլլարդուինը:

Եւ այդ կեցցէն հնչեց յետևի շարքերից, ուր նստած էին յունաց հոգևորականները:

— Կեցցէ՛ն, իբրև արձագանգ, կրկնուեցաւ եկեղեցու բոլոր անկիւններում, և բոլոր ասպետները իբրև մի մարդ գոչեցին.

— Կեցցէ՛ Գօգֆրիդ Վիլլարդուինը, Մօրէի իշխանը:

Կուսակալը կանգնեցաւ և նշանով վերականգնեցրեց լուութիւնը:

— Ազնիւ ասպետներ, ասաց նա, — եղբայրներ և զինակիցներ, չնորհակալ եմ ձեզանից այն սիրոյ համար, որ ցուցիք ինձ, և այն վճռի համար, որ յայտնեցիք Աստուծոյ երկիւղով և ձեր խղճի մաքրութեամբ: Ես պատրաստ եմ զոհել ամենայն ինչ առ ձեզ ունեցած սիրոյս համար. ձեզ համար ես յօժարութեամբ կհրաժարուիմ քաղցր յոյսից տեսնել երբ և իցէ հայրենիքս և վայելիլ հանգստութիւն կեանքիս վերջերում: Բայց առաջ բան թէ կփարատուին իմ բոլոր երկմտութիւնները, ես պէտք է լսեմ իմ վսեմափայլ իշխանի և բարեկամի — մեծաշուք Ռօբերի կարծիքը: Ես յանգափս գնահատում եմ նորա կարծիքը և խնդրում եմ նորանից ասել ինձ ամեն բան կատարեալ վստահութեամբ և անկեղծութեամբ:

Ամենքը նայեցին Ռօբերի վերայ: Նա ոտի կանգ-

նեցաւ, դեղին, երեսի վերայ ջղային շարժումներու:

— Բոլոր երևելի ասպետների միաձայն զգացմունքները յայտնելուց յետոյ, ցրտութեամբ ասաց Ռօբէրը, — ինձ այլ ևս բան չէ մնում ասելու: — Ես որոշեցի վաղը վերադառնալ Ֆրանսիա:

— Ի՛մ թանկագին իշխան Ռօբէր, խոհեմ և առողջամիտ մարդու պարտաճանաչութեան զգացմունքը իշխում է նորա մտքի վերայ, և ինչ որ ինձ է վերաբերում — ես ծառայ եմ պարտաճանաչութեան: Որովհետեւ բոլոր ազնիւ ասպետները յայտնեցին իւրեանց դատողութիւնը իմ պարտաւորութեանց նշանակութեան մասին, ես չեմ համարձակուում և ինձ իրաւունք չեմ համարում առանց ուշադրութեան թողնել նոցա կարծիքը: Խնդրում եմ ձեզանից, սիրեցեալիւ իմ եղբայր, չբարկանալ իմ վերայ, և եթէ կբարեհաճիք, մնացէք Պելոպոնէսում: Դուք կվայելէք ինձ հետ միասին բոլոր պատիւները, ձեզ հետ կվարուեն ամենքը իբրեւ իմ բարեկամի և ընկերի հետ: Ձեզ հետ միասին մենք կվերցնենք Արգոս, Կորնթոս, Մօնեմֆազ և այլ ամրոցները, վերջին հակառակորդները մեր զէնքին, և ես կյանձնեմ ձեզ իշխանութեան մի մասը, որ կպատկանի ձեր քաջութեան:

— Շնորհակալ եմ ձեզանից, դուք շատ բարի էք, վստաշուք տէր, պատասխանեց Ռօբէրը, չկարողանալով թագցնել ձայնի մէջ մի թեթեւ շեշտ դառնութեան: Խնդրում եմ ձեզանից միայն մէկ շնորհք — տուէք ինձ ձիեր միջև Անդրափիդ, որտեղից ես մտադիր եմ ուղղակի գնալ Ֆրանսիա: Ես խնդրում եմ այս բոլոր ազնիւ ասպետներից տալ ինձ գրաւոր կերպով իւրեանց յայտնած վճռադատութիւնը, որպէս զի ես կարողանամ ցոյց տալ այն հօրեղբորս և արդարացնել ինձ որպէս նորա առջև, նոյնպէս և նորին մեծութեան Փիլիպպոս-Օգոստոս թագաւորի առաջ: Թող այդ վկայականը ապացոյց լինի, որ ես ոչ առանց պատճառի և ոչ անմտութեամբ թողի այն դրութիւնը, որը բռնելու համար ուղարկուած էի այստեղ, և թող պաշտպանէ ինձ ծաղրից և արհամարհանքից:

— Ձեզ կյանձնեն, վստափայլ եղբայր, պատասխանեց Վիլլարդուինը, մեր ամենիս անուան կողմից գրաւոր և կնիքով վաւերացած վկայական, ուր բացատրած կլինի թէ՛

դուր վարուեցաք, որպէս պէտք էր կատարեալ և խելացի ասպետին, թէ դուք կատարեցիք ձեր բոլոր պարտաւորութիւնները առ ձեր թագաւորը և նահանջեցիք միայն երկրիս բոլոր ասպետների և կալուածատէրերի միաձայն վճռի առաջ: Առ այդ ես կաւելացնեմ իբրև ապացուցութիւն և աւելի մեծ փաստ արդարանալու, իմ միապետի Վիլհելմ Շամպանեանի հրովարտակի պատճէնը: Իսկ ինչ վերաբերում է ձեր գնալուն, բոլոր ձիերը, թէ՛ իմ և թէ՛ ասպետների պատրաստ են ձեզ համար. և ես չեմ համաձայնուի որ այլ ոք, քացի ինձանից, լինի ձեր ուղեցոյցը իմ երկրի մէջ:

— Յետոյ, դառնալով գէպի ասպետները, աւելացրեց Վիլլարդուինը.

— Վաղը, պարոններ, մենք կուղեկցենք բարձր-ազնիւ իշխան Ռօբէրին մինչև Անգրավիդ: Որովհետև այսպիսի բարձրապատիւ հիւրը արժանացրեց մեզ իւր այցելութեան, ես ցանկանում եմ, որ նորան ցուցած լինին բոլոր պատիւները, որ վայել են ամենաերևելի և ամենաբարձրաստիճան անձանց: Իսկ այժմ գոհութիւն և փառս մատուցանենք Աստուծուն, որ լուսաւորեց և առաջնորդեց ձեզ ձեր վճռի մէջ, և աղաչեմք նորան, որ իմաստնացնէ մեզ իւր շնորհքով և օգնէ մեզ մեր բոլոր գործերի մէջ:

Այնուհետև առաջ եկաւ Լակեդեմոնի եպիսկոպոսը և կատարեց գոհաբանութեան մաղթանք, որից յետոյ բոլոր ժողովը ցրուեցաւ ոգևորուած կեցցէների գոչումներով:

Երբ դուրս էին գնում եկեղեցուց, Պետրալիֆասը գնալով նօնի հետ միասին ասաց նորան ականջին.

— Ամենևին չէին ենթադրում, որ առիւծի մորթու տակ թաքնուած է ալդպիսի խորամանկ աղուէս: Ինչ արած, պէտք է դարձնել առագաստները քամու կողմը:

Նոր իշխանը դառն բաժակի շրթունքը քաղցրացնելու համար, մեծ խնջոյք պատրաստեց ի պատիւ Ռօբէրի, հրա-

ւերելով և բոլոր երևելի անձինքներին ֆրանկներէց և յոյ-
ներէց: Այդ նշանաւոր բարօնների և տիկիների ներկայու-
թեամբ մեծ պատիւ և ուշադրութիւն էր ցոյց տալի Վիլ-
լարդուինը Ռօբէրին. նորա բոլոր վարմունքը արտայայ-
տում էր անկեղծութիւն և մտերմութիւն: Իշխանը կամե-
նում էր այսպիսի վարմունքով գէթ սակաւ ինչ մեղմացնել
այն բոլոր անբաւականութիւնները, որ այն օրը կրեց իշ-
խանութեան տարաբախտ ժառանգը: Եւ ամբողջ հասարա-
կութիւնը, որ ներկայ էր խնձոյքին, հասկացաւ նոր իշ-
խանի միտքը, շնորհիւ այն նրբամտութեան, որ կարելի է
կոչել վեցերորդ զգայարսնք պաշտականների և որը միջոց
է տալի նոցա հասկանալ իսկոյն իշխանաւորի ցանկութիւն-
ները և վարուել ըստ այնմ: Վասն որոյ ամենքը նշնպէս
մեծ յարգանք և ուշադրութիւն էին ցոյց տալիս Ռօբէրին:
Այնպէս որ՝ կարելի էր կարծել թէ հանդիսի իսկական
հերոսը ոչ թէ նոր իշխանն էր, որպէս պէտք է լինէր բնա-
կանաբար, այլ ձախորդութեան հանդիպած ժառանգը իշ-
խանութեան, որ դատարկաձեռն վերադառնում էր իւր հայ-
րենիքը: Բոլոր հիւրերը շատ ուրախ էին և բաւական, բայց
ոչ որի երեսի վերայ չէին նշմարւում այնպիսի ուրախ ժպիտ-
ներ, ինչպէս Աննայի գեղեցիկ շրթունքների վերայ. որչափ
երջանկութիւն կար նորա աչքերի մէջ:

Գոտիէն ընտրեց յարմար միջոց, երբ ոչ ոք ուշադրու-
թիւն չէր դարձնում նոցա վերայ, և մօտեցաւ Աննային:

— Յոյս ունիմ, ասաց նա, որ այլ ևս չեմ տեսնի
արտասուք ձեր հրաշալի աչքերի վերայ:

— Մի՞թէ դուք այդպէս էք կարծում, հարցրեց Ան-
նան, իբր հաստատ իմանալով թէ որպիսի պատասխան կըս-
տանայ. մի՞թէ դուք կարծում էք, որ այժմ ինձ այլ ևս
հարկաւոր չէ վստենալ այդ ձանձրալի առաջարկութիւններից:

— Գոնէ հաւատացած եղէք որ ձեր պապը այլ ևս չի
ստիպի ձեզ պատասխանել նոցա: Ինչպէս կուրախանայ իմ
իշխանը, երբ կիմանայ որ ազատուել է հզօր հակառակորդից:

— Իսկ ես աւելի ևս ուրախ կլինէի, պատասխանեց
Աննան, դէմքի նաղելի և ծաղրաշարժ ծամածուծութեամբ,
եթէ կարողանայի ազատուիլ և ձեր իշխանից, և զգուշա-
ցէք որ ես չաւելացնեմ — և նորա դեսպանից նշնպէս:

Միւս օրը սկսուեցաւ ճանապարհորդութիւնը, որ նման էր մի ամբողջ զօրքի կամ մի հանդիսաւոր թափօրի ընթացքին:

Իշխանը բոլոր ասպետների հետ, որոնք այն միջոցին գտնուում էին Սպարտայում, ուղեկցում էր Ռօքէրին: Պետ. րալիֆասը և նորա թոռնուհին նոյնպէս մասնակցում էին: Վիլլարդուինը յայտնեց Պետրալիֆասին թէ նախկէ գը. րեւ իւր կնոջ գալ նոյնպէս Անդրաւիգ իւրեանց գնացող բարեկամին պատուելու համար:

Ամենապատրաստական ուշադրութիւնը և ամենանուրբ քաղաքավարութիւնը, որ անգագար ցոյց էր տալիս իշխանը Ռօքէրին, ստիպում էին նորան մոռանալ գրեթէ իւր անախորժ գրութիւնը: Ամենքը լաւ հասկանալով որ այդպիսի մեծ ցոյցերը հարկաւոր էին իբրեւ արտաքին դիմակներ. կայ հանգամանքներում, և թէ, բացի դորանից, շատ էլ չէ մնացել կրել այդ դիմակը, — մեծ յարգանք և մեծարանք էին ցոյց տալիս գնացող իշխանին, իբր բոլորովին մոռանալով մնացող իշխանին:

Միայն Պետրալիֆասը, սարսափով տեսնելով Վիլլարդուինի անսահման խորամանկութիւնը և ճարպիկութիւնը, յիշեց մի քանի մեղքեր, որ պահուած էին իւր խղճի ան. կիւններից մէկի մէջ և պտուում էր ամեն տեսակ յարմար դէպք յայտնելու իւր մեծ ուրախութիւնը որ գործերը ստացան նոր ուղղութիւն: Ծերունուն շատ ցանկալի էր առանձին մնալ իշխանի հետ, որպէս զի քննէր, եթէ կարելի էր, նորա մտքերի ամենահեռաւոր անկիւնները և ստուգէր թէ չէր ընկել արդեօք այնտեղ գէթ մի հատիկ սերմ կաս. կածանքի այն օրից, երբ ինքը, ոչ առանց վրդովմունքի իմացաւ կուսակալի Արկադիա գնալու պատճառը: Բայց մը. նալ նոր իշխանի հետ առանձին շատ դժուար էր, որովհետեւ Վիլլարդուինը ամեն կերպ աշխատում էր միայնակ չը. թողնել Ռօքէրին ոչ մի ըոպէ իւր մօայլ մտքերի հետ:

Վերջապէս նորա ձեռքը ընկաւ մի յաջողակ դէպք առ այդ կարիտէնում, ուր Հուգօ դը. Բրիէրը, այդ կալուածքի բարօնը, առաջարկեց Ռօքէրին տեսնել հին, ամայի մը. նացած ամրոցը, երկու մղոն հեռու ճանապարհից դուրս: Ասպետներից մեծագոյն մասը ցանկացան մասնակցել այդ

բանին, իսկ Վիլլարդուինը, գլխացաւը պատճառ բռնելով, մնաց Կարիտէնում: Շատ կարելի է որ նա նկատեց և հասկացաւ Պետրալիֆասի ցանկութիւնը և կամեցաւ աւելի շուտով միջոց տալ նորան իւր հետ խօսելու: Թէ այսպէս և թէ այնպէս՝ Պետրալիֆասը ձեռքից չփախցրեց այդ յաջողակ դէպքը: Նա ներողութիւն խնդրեց թէ ծերութեան և նուազութեան պատճառով չէ կարող գնալ ամրոցը տեսնելու, և ուրիշների գնալուց յետոյ հազիւ բառորդ ժամանաքած գնաց Վիլլարդուինի մօտ:

— Ուղի՞ղ է որ ձերդ բարձրութիւնը հիւանդ է, ասաց նա: Այդ լուրը սաստիկ վրդովեց ինձ, բայց յայտուիմ որ՝ իզուր էր վրդովմունքս:

— Ոչ, այդ կատարեալ ճշմարտութիւն է, ձերդ պայծառափայլութիւն, պատասխանեց Վիլլարդուինը այնպիսի ձայնով, որ կարծես թէ ձանձրացել էր կեանքից: Այս ծեր մարմինս լուծւում է, սա ոչ այլ ինչ է, եթէ ոչ իբրեւ մի փշրած աթոռ: Ես մի բանի օր ճանապարհորդեցի ձիով և բոլոր արիւնս զարկեց գլխիս, և կարծես թէ գլուխս կամենում է ծաքել: Ինձ հարկաւոր է հանգստութիւն. ո՛չ, իմ ձեռքըս շատ թոյլ է գայիսոն բռնելու: Դուք հիմնաւորապէս էիք ենթադրում, վսեմափայլ տէր, թէ՛ աւելի թարմ և ուժեղ ձեռքը — Ռօբերի ձեռքը պէտք է բռնէր այն:

— Ես հիմնաւորապէս էի ենթադրում, գոչեց Պետրալիֆասը, ցնցուած. երբ և իցէ իմ գլխումս ծագե՞լ է այդպիսի միտք: Թոյլ տուէք ինձ ասել, որ զայրոյթը պատում է ինձ. լսելով այդպիսի միտք ձեր բերանից, ես յայտնում եմ որ դա — սրբապղծութիւն է:

— Զարմանալի է, ասաց Վիլլարդուինը մեծ պարզմտութեամբ, հապա ո՞րտեղից եմ մտածել ես որ դուք ունէիք յատկապէս այդպիսի միտք:

— Զեղ հետ պատահել է այն, պատասխանեց Պետրալիֆասը, ինչ որ երբէք ձեզ հետ չէ պատահում — դուք սխալուել էք: Իմ մշտական մտածմունքս էր, ընդհակառակն, այն որ Պելրպոնէսին պէտք է իշխէ նա, ով նուաճել է Պելրպոնէսին: Այն երկրին, ուր իշխանաւորները, բախտի այդ պատահական սիրելիները, միշտ պատրաստ են

դիմել իւրեանց սրի օգնութեան, յուսալով բախտի վերայ, որ բաւարարութիւն տան իւրեանց փառասէր մտադրութիւններին և խել իշխանութիւնը նորա ձեռքից, ով առաջինը ձեռք էր բերել նորան. այն երկրին, ուր հպատակները կատաղութեամբ կրծում են իւրեանց շղթան և խոնարհում են վիզները սպասելով միայն յաջող դէպքիս ոտի կանգնել և թոթափել շղթաները, այդպիսի երկրին հարկաւոր է փորձուած խելքով, բազմամեայ հմտութեամբ և փորձառութեամբ մարդ, որի ազդեցութիւնը հիմնուած լինէր վարժութեան և սովորութեան վերայ իշխել պատերազմական փառքով, նուաճած ժողովրդի սիրով և յարգանքով։ Իսկ եթէ, յանբախտութիւն այդպիսի երկրի, կառավարութեան ղեկը անցնէր ուրիշի ձեռքը, իսկոյն կբարձրանային ապստամբութեան փոթորիկներ ամեն կողմից, իսկ երիտասարդ իշխանի դիւրաբորբութիւնը և անխոհմ շտապողութիւնը փոխանակ փոթորիկները խաղաղացնելու աւելի ևս կսաստկացնէր նոցա, և ապստամբութիւնը անպատճառ յաղթող կհանդիսանար։ Ո՛չ, ձերդ բարձրութիւն, հաւատացէք ինձ, մնալով Պելոպոնէսի մէջ, դուք կատարեցիք մի սրբազան պարտք, իսկ հեռանալով Պելոպոնէսից, դուք կատարած կլինէիք մի մեծ յանցանք։ Ահա՛ իմ միտքս։

— Ընդհակալ եմ որ յայտնեցիք ինձ ձեր միտքը։ Այն խորիմաստ տեսութիւնը, որ դուք ունիք իմ իշխանութեան գործերի մասին, երաշխաւորում է ինձ ձեր հայեացքի ուղղութիւնը իմ վարմունքի մասին։ Այն, ինչ որ դուք ինձ ասացիք, փարատում է իմ խղճիս վերջին անհանգստութիւնները։ Ես միշտ զղջում էի որ չհետեւեցի սրտիս թելադրութեան և չվերադարձայ սիրելի հայրենիքս մշակել պապերիս դաշտերը։

— Ձեր դաշտը, պատասխանեց Պետրալիֆասը, այս ընդարձակ պետութիւնն է, և դուք կմշակէք նորան, ցտնելով նորա մէջ փառքի և բարօրութեան սերմեր։ Իսկ ինչ վերաբերում է ինձ, — բախտաւոր դէպքը բերեց ինձ այստեղ այս խորհրդաւոր ժամին, որ փառաւոր է ձեր բարձրութեան համար, և երիցս օրհնեալ Պելոպոնէսի համար, — և ես յանչափս բախտաւոր ինձ կհամարէի, եթէ ինձ թոյլատրուէր աջակցել գէթ որչափ կարող էի, ձերդ բարձրու-

թեան փառքին և հզօրութեան և աւելի ևս ամրացնել ձեզ վերայ այն, ինչ որ վաստակուած է ձեր ձեռքով:

— Ինչպէս, գոչեց Վիլլարդուինը, տւրախութեան կերպարանք տալով իւր երեսին, այդ առաջարկութիւնը անգնահատելի է ինձ համար. չգիտեմ անգամ ի՞նչպէս յայտնեմ ձեզ իմ շնորհակալիքս: Անհամբարութեամբ ցանկանում եմ լսել ձեր բացատրութիւնը: Ասացէք ուրիմն, որպիսի օգնութիւն կամ աջակցութիւն կարող եմ սպասել ձեզանից:

— Ձեր իշխանութիւնը շատ հաստատ է և ամուր սյուտեղ, պատասխանեց Պետրալիֆասը, նա հիմնուած է բարօնների յարգանքի և ժողովրդի սիրոյ վերայ: Բայց դորանից չէ հետևում որ ձեր իշխանութիւնը չէր կարող աւելի ևս հզօրանալ: Ասպետների մէջ, որք բաժանեցին իւրեանց մէջ Ալեքսիանոս կայսեր ժառանգութիւնը, կան ոչ սակաւ անձինք, որք վայելում են իշխանութիւն, գրեթէ հաւասար ձերին: Իսկ այնպիսի ժամանակներում, որպէս մերն է, երբ ոչինչ չկայ ամուր և հաստատ, աւելի լաւ կլինէր, որպէս ինձ թւում է, աւելի հզօր լինել հարևաններից, քան թէ հաւասար նոցա: Կայ միջոց հասնել այդպիսի նպատակին, և այդ միջոցն է — միաբանութիւն: Ձեք կարծում արդեօք, ձերդ բարձրութիւն, որ եթէ ձեր բազուկը հզօր է այժմ, միացած Ելլադայի իշխանի բազկի հետ — կլինի անյաղթ:

— Ո՛հ, ի հարկէ, պատասխանեց Մօրէի նոր իշխանը: Եթէ դուք ինձ առաջարկում էք դաշնակցութիւն ձեր փեսայ Թէոդորի հետ, — ընդունում եմ այդ հոգեկան ուրախութեամբ և համարում եմ այդ ինձ համար ամենամեծ բախտաւորութիւն:

— Բայց, յարակցեց Պետրալիֆասը, ամենաբաղդը ձայնով և տալով իւր աչքերին ամենաթափանցող հայեացք, — դաշնակցութիւնները, որպէս և ամենայն շինուածք մարդկային ձեռքով կատարած, յաճախ լինում են շատ անհաստատ: Իսկ մեր դաշնակցութիւնը, եթէ դուք կամենում էք, կարող ենք շողկապել ադամանդեայ կապերով, կամ աւելի լաւ ասել կապերով, թէպէտ ծաղկահիւս, բայց ոչ նուազ ամուր: Եւ երբէք չեմ ծածկել իմ յարգանքը դէպի բաջ Գօտֆրիդը — ձեր որդին: Ելլադայի իշխանը չէ կարող ցանկալ աւելի յարմար փեսացու իւր աղջկայ համար: Եթէ ձերդ

բարձրութեան հաճելի լինէր համաձայնուիլ, ձեր զաւակ-
ների ամուսնական կապը կդառնար հիմն անսասանելի դաշ-
նակցութեան ծնողների մէջ:

— Ինչպէս, դուք առաջարկում էք Աննայի ամուսնու-
թիւնը իմ որդի Գորգորդի հետ:

— Այո: Մի՞թէ իմ առաջարկութիւնը ձեզ հաճելի չէ:

— Բոլորովին ընդհակառակն, դա հաճելի է ինձ մին-
չև վերին աստիճան. բայց դա միւսնոյն ժամանակ ինձ զար-
մացնում է:

— Զարմացնում է՞ ձերդ բարձրութիւնը: Չեմ հաս-
կանում:...

— Որովհետեւ, պատասխանեց Վիլլարդուինը, չէ՞ որ
եսքը կար Աննայի ամուսնութեան մասին Ռօբէրի հետ:

— Ռօբէրի հետ, փնթփնթաց բթի տակ Պետրալիֆա-
սը և ցնցուեցաւ:

— Ի հարկէ Ռօբէրի հետ, պատասխանեց Վիլլարդուի-
նը: Ա՛խ, այժմ հասկացայ թէ ինչո՞ւ ես կարծում էի
որ դուք ցանկանում էիք իմ հեռանալը Պելոպոնէսից և
Ռօբէրի իշխելը: 2է՞ որ դուք Նօնին ուղարկեցիք Փրան-
սիա որ շտապեցնէ Ռօբէրին գալ այստեղ և կամենում էիք
առաջարկել նորան Աննայի ձեռքը:

— Նօնին, փսփսաց Պետրալիֆասը ապշած և աչքերը
աջ ու ձախ մօլորեցնելով:

— Այո, ի հարկէ: Մի՞թէ դուք մոռացե՞լ էք որ աս-
պետական մեղաւարտութեան օրը Նօնը եկաւ Լակեդեմոն,
Վլաքի հովուի շորերով կերպարանափոխուած, հաղորդեց ձեզ
որ Ռօբերը համաձայն է ձեր առաջարկութեան:

Մահագոյն գեղնութիւնը ծածկեց ծերունու երեսը,
բայց նա շուտով սթափուեցաւ և, կարծես թէ վայրկենա-
կան արագութեամբ մի բան վճռելով, մօտեցաւ Վիլլարդուինին:

— Այժմ ես տեսնում եմ, ասաց Պետրալիֆասը, որ
մաքառել ձեզ հետ մտածել անգամ անօգուտ է: Մեր ոյ-
ժերը հաւասար չեն, ես հասկանում եմ այդ: Դիտաւորու-
թիւն չունիմ հարց ու փորձ անելու թէ ինչպէս ձերդ բարձ-
րութիւնը կարողացել է թափանցել իմ մտքի ամենածա-
ծուկ ծալքերը: Ես յայտնում եմ ինձ յաղթուած և չեմ
կամենում այլ ևս կեղծել. դիմակը աւելորդ է, և նորանով

ես միայն ծիծաղելի եմ: Այո՛, ուղիղ է, ես ուղարկեցի Նոննին Ֆրանսիա և առաջարկեցի Աննայի ձեռքը Ռօբերին: Չեմ սկսի արդարացնել իմ նախկին վարմունքը: Չերդ բարձրութիւնը գիտէ ուրիշներից աւելի լաւ, որ թագաւորների յարգանքը դէպի մի որոշեալ դրութիւնը շատ անգամ ստիպում է լսել սրտի ձայնին: Բայց ես պատրաստ եմ ներկայացնել ձեզ երաշխաւորութիւն ապագայի համար և ես կաշխատեմ կատարել այդ:

Եւ փոքր ինչ կանգ առնելուց յետոյ Պետրալիֆասը շարունակեց.

— Բայց առաջ խօսենք անցեալի վերայ: Ես դեսպան ուղարկեցի Ռօբերի մօտ և բանագնացութիւններ բացի նորա հետ ընտանեկան կապերի մասին. — այդ նշանակում է որ մինչդեռ հայրական զգացմունքը թելադրում էր ինձ յօգուտ Գօտֆրիդի, պետական մարդու խոհմտութիւնը բարձրում էր ինձ դէպի Ռօբերը: Այժմ այդ երկու զգացմունքն էլ կենդրոնանում են, բարեբախտաբար, միևնոյն առարկայի վերայ: Հետեաբար, իմ եռանդս կրկնապատկուել է: Փոխադարձ օգուտ — միթէ կա՞յ որեւիցէ բան այսպիսի երաշխաւորութիւնից աւելի հաստատ բան:

— Իսկ եթէ և կայ, պատասխանեց Վիլլարդուինը ժպտալով, այնու ամենայնիւ փոխադարձ օգուտների երաշխաւորութիւնը — ամենահաստատներից մէկն է: Նորա մէջ կայ միայն մի պակասութիւն — նա քակում է երբ չունի իւր տակ հաստատ հիմք:

— Այդ ճշմարիտ է, ասաց Պետրալիֆասը, բայց ձեր դատողութիւնը յարմար չէ ներկայ հանգամանքներին: Բարձրագոյն իշխանութիւնը այժմ ամբողջապէս պատկանում է ձեզ և ձեր ժառանգներին: Ուրեմն օգուտը նոյնպէս հաստատ է և յարատեւ, ինչպէս և նորանից հետևող երաշխաւորութիւնը:

— Կարելի է, պատասխանեց Վիլլարդուինը: Բայց ձեր գլխամափայլութիւնը բոլորովին իրաւամբ ասաց այս լուրջիս թէ — իշխանութեանս սպառնում են մրրիկներ, որք կարող են ամեն լուրջ բարձրանալ չորս կողմից: Գիտէ՞ք դուք արդեօք, օրինակ, որ մի քանի օր առաջ ես գտել եմ ապստամբութեան մի հետք, բայց դեռևս չեմ յաջողել յայտ ածել

նորան: Եթէ այդ ապստամբութիւնը կամրանայ և կունենայ քէթ թեթեւ յաջողութիւն, օգուտը կարող է ստանալ այլ ուղղութիւն:

Ասելով այդ խօսքերը՝ Վիլլարդուինը նայում էր Պետրալիֆասի երեսին զննական աչքով. բայց նորա շրթունքից չէր հեռանում ժպիտը և մեղմացնում էր նորա հայեացքը:

Մի քանի րոպէ ծերունին չէր խօսում ոչ մի խօսք, կարծես թէ ընկզմել էր ծանր մտածմունքների մէջ: Վերջապէս, գլուխը թափ տալով ասաց.

— Փորձել հասկանալ ձեր մտքերը, երբ դուք չէք կամենում յայտնել նոցա, անմտութիւն կլինէր իմ կողմից: Եւ որովհետեւ ձեզ, թուի թէ, մէկ երաշխաւորութիւնը բաւական չէ, ես կարող եմ առաջարկել և երկրորդը: Այդ երաշխաւորութիւնը կարող է ապահովացնել ձեզ ապագայում և քաւել անցեալը, որպիսի և լինէր նա, կամ որպիսի և համարէիք դուք նորան:

— Դուք կարող էք առաջարկել ինձ ռուրիշ երաշխաւորութիւն: Ո՞րպիսի, հետաքրքրութեամբ հարցրեց Վիլլարդուինը:

— Ահա՛ որպիսին, պատասխանեց Պետրալիֆասը, հանելով ծոցից մի թուղթ և յանձնելով այն իւր խօսակցին: Դուք ասում էք թէ՛ գտել էք մի հետք յոյների ապստամբութեան, բայց դեռ ևս ոչինչ չէք յայտ ածել: Այժմ բոլոր ապստամբութիւնը ձեր ձեռքին է: Դա ապստամբողների անունների ցուցակն է:

— Ապստամբողների, գոչեց իշխանը, և կայծակ փայլեց նորա աչքերին:

Նա շտապով բացեց թուղթը և աչքերով վազելով կարդաց ցուցակը: Առաջ նշմարւում էր նորա վերայ մի ծանր տպաւորութիւն: Յետոյ, շարունակելով կարդալը, ասաց:

— Վուտսարո՞ս: Դժոխքից է դուրս եկել, ի՞նչ է, ինձ հետ պատերազմելու համար... Եւ այդ բոլորը իմ թշնամիներն են եղել: Վարժում էի թէ հնազանդեցրել էի նոցա: Ուրեմն, պէտք էր փշրել նոցա: Բայց, — յարակցեց Վիլլարդուինը փոքր ինչ մտածելուց յետոյ, — ո՞վ կարող է հաստատել, որ այս ցուցակը ճիշտ է:

—Ապացուցութիւնը ձեր ձեռքին է: Հէնց որ դուք երեք գիշեր շարունակ խարոյկներ կվառէք Օլէնի սարի գլխին, Անդրավիգից բարձր, երրորդ գիշերը դուք կարող էք գտնել այդ ցուցակի մէջ յիշածներին միասին ժողոված:

—Ա՛խ, ասաց Վիլլարդուինը, աւելորդ չէ ինձ իմանալ այդ: Հնորհակալ եմ ձեզանից այդպիսի թանկագին տեղեկութեան համար. ես կլինէի ամենաանշնորհակալ և ապերախտ մարդկանցից մէկը, եթէ չճանաչէի, որ դուք ներկայացրիք ինձ ապացոյց ամենաանկեղծ մտերմութեան:

—Եւ ուրեմն այդ մտերմութիւնը կարող է ամրապնդողութեւ մեր զաւակների ամուսնութեամբ:

—Ոչ միայն կարող է, այլ պէտք է ամրապնդուի, պատասխանեց իշխանը: —Դուք այս րոպէիս խօսում էիք օգտի մասին. պարզ է, որ այդ բանը շատ օգտակար է ինձ համար: Ինձ հաւասար և իմ բոլոր հարեալների մէջ ո՞րին կարող եմ գտնել աւելի հզօր և հռչակաւոր բան թէ Ելլադայի իշխանը: Եւ իմ որդիս կարող է միթէ գտնել աւելի գեղեցիկ կին, քան թէ Թէոդորի չքնաղ դուստրը: Անդրավիգ հասնելուն պէս ես իսկոյն կխօսեմ Գօդֆրիդի հետ: Ես չեմ կարող ստիպել նորան ամուսնանալ հակառակ իւր կամքին, բայց երբ խօսքը Աննայի մասին է, նորա գեղեցկութիւնը կներգործէ ինքն ըստ ինքեան ամեն ստիպողութիւնից աւելի սաստիկ:

—Բախտաւոր կլինի փեսայիս համար այն օրը, երբ նա կգրկէ Գօդֆրիդին իբրեւ իւր որդի, ասաց Պետրալիֆասը:

—Ես վաղուց նայում եմ Աննայի վերայ իբրեւ իմ ամենասիրելի աղջկաս վերայ, պատասխանեց Վիլլարդուինը:

—Այդ ամուսնութեան շնորհիւ, շարունակեց Պետրալիֆասը, դուք երկուսդ էլ կլինիք ահարկու Կ. Պօլսի թագաւորութեան համար:

—Աւելի լաւ է ասէք կլինինք նորա համար ամենահաստատ պատնէշ, ժպտալով պատասխանեց իշխանը:

Այդ իսկ րոպէին փողերի ձայնը յայտնեց Ռօքերի և իւր ուղեկիցների վերադարձի: Պետրալիֆասը շտապեց հեռանալ:

Հազիւ թէ Պետրալիֆասը դուրս գնաց սենեակից,

Վիլլարդուինը արագութեամբ պատուեց ծերունուց ստացած
թղթի վերին մասը, յետոյ ծալեց այն և պահեց ծոցի մէջ:

19.

Ն Ո Ր Հ Ի Ի Ր:

Ճանապարհորդութիւնը շարունակու՞մ էր էլի երեք
օր: Երբ երրորդ օրը, ճաշից յետոյ, մտան Անդրավիդ, այդ
բաղաքի մէջ կար մեծ շարժողութիւն, մի տեսակ տօնական
տեսարան, անսովոր ոգևորութիւն: Հազիւ մի քանի հարիւր
քայլ առաջ գնացած, բաղաքագլուխը ներկայացաւ դիմաւոր
ելու իշխանին և նորա ուղեկիցներին:

Առաջին պաշտօնական ողջոյններից յետոյ, Վիլլար-
դուինը ասաց բաղաքապետին:

— Դուք ինձ չբացատրեցիք թէ ինչո՞ւ ձեր բաղաքում
մի տեսակ ուրախութիւն է կատարու՞մ: Ես չգիտէի, որ
այս միջոցին տօնավաճառ է լինու՞մ այստեղ:

— Տօնավաճառ չունինք այստեղ, պատասխանեց բաղա-
քապետը: — Երևելի տիկնոջ գալը ոտի շարժեց ամբողջ բա-
ղաքը:

— Երևելի տիկնոջ, ասաց Վիլլարդուինը զարմացած:
Ի՞նչ երևելի տիկին է եկել:

— Իշխանուհին Կ. Պօլսից:

— Այստեղ է եկել իշխանուհին Կ. Պօլսից: Հապա ին-
չո՞ւ տեղեկութիւն չհաղորդեցիք ինձ, պարոն:

Բաղաքապետը նայեց Վիլլարդուինի աչքերին, յետոյ
պատասխանեց.

— Ներեցէ՛ք ինձ, ձերդ բարձրութիւն, ես տեղեկու-
թիւն ուղարկեցի ձեզ իսկոյն, բայց իմ սուրհանդակը, որ
պէտք է գնար ուղղակի Սպարտա, երեւի չկարողացաւ հաս-
նել ձեզ իւր ժամանակին:

— Ո՞վ է այդ իշխանուհին Կ. Պօլսից:

— Իշխանուհի Ագնէս դը-Վուրտենէ:

— Ագնէս դը-Վուրտենէ, ասաց Վիլլարդուինը, մի քան

մտաբերելով. յետոյ աւելացրեց, կարծես թէ ինքն իրան խօսելով.

—Ագնէս... այո՛, դա երևի կայսեր քրոջ աղջիկն է, գուցէ նորա Յօւանդա քրոջ աղջիկը:

—Ճիշտ այդպէս է, ձերդ բարձրութիւն.

—Բայց, ի՞նչպէս է նա եկել այստեղ, ինչո՞ւ, ո՞ւմ հետ:

—Նա եկել է կայսերական նաւատորմի իր երեք նաւով:

—Այժմ՝ ես հասկանում եմ, ասաց Վիլլարդուինը, դառնալով դէպի Ռօբէրը: Ահա՛ այդ իսկ երեք նաւի մասին տեղեկութիւն տուին ինձ, երբ ես Բլիզիբուսին էի: Ես կարծեցի թէ դուք էք գալիս նոցա վերայ, և այդ պատճառով գնացի Կալամատ:

Յետոյ, դառնալով դէպի բազաբայետը, իշխանը հարցրեց:

—Ո՞վքեր են իշխանուհու ուղեկիցները:

—Մի եպիսկոպոս, պատասխանեց բազաբայետը, և երկու ալեզարդ վարդապետներ տաճարականների ուխտից, երևելի մարդիկ կայսերական պալատի մէջ, և բազմաթիւ ասպետներ:

—Բայց, ի՞նչ է նշանակում այդ ճանապարհորդութիւնը: Ո՞ւր է գնում իշխանուհին: Պարոն, արդեօք դուք չգիտէ՞ք:

—Այդ բանը գաղտնիք չէ ոչ ոքի համար: Նորին բարձրութիւնը գնում է Սպանիա պսակուելու նորին մեծութեան՝ Արրագոնիայի թագաւորի հետ: Բայց հակառակ բաժինները և նաւերի փաստուիլը, ստիպել են նորան ափը դուրս գալ Պօնտիկոյում:

—Տարօրինակ բաներ էք պատմում, պարոն բազաբայետ: Բայց ասացէք, ցուցած են նորան այստեղ բոլոր արժանաւայել պատիւները ըստ նորա բարձր ծագման և դրութեան: Իմ որդիս, Գօդֆրիդը, պէտք է գնար Բլիզիբի և Անդրավիդ զանազան գործերով. ա՛յստեղ է նա և կատարե՞ց արդեօք հիւրասիրութեան բոլոր պարտաւորութիւնները իշխանուհու վերաբերմամբ:

—Նորին վսեմափայլութիւնը եկաւ այստեղ երեք օր առաջ, որ գնար այստեղից Բլիզիբի: Բայց, իմանալով իշխանուհու գալը, մնաց այստեղ և գտնուում է միշտ նորա մօտ:

— Բախտաւոր դասաւորութիւն հանգամանքների, բացկանչեց Վիլարդուինը: Բացի սորանից՝ ես հրաւիրեցի իմ կին Ջապէլին գալ Անդրապիդ, որովհետեւ մտադիր եմ մնալ այստեղ մի քանի ամիս: Եթէ նա գար շուտով, ես կարող էի աւելի լաւ ցոյց տալ թէ՛ որպէս եմ գնահատում այն բարձր պատիւը, որը ուղարկել են մեզ բամին և բախտի բերմունքը:

— Պելուպոնէսի վսեմաշուք իշխանուհին շնորհ բերեց մեզ մօտ այսօր առաւօտը, պատասխանեց քաղաքապետը:

— Եկա՛ւ, ուրախ ուրախ գոչեց Վիլարդուինը: Դէ՛, փա՛ռք Աստուծոյ: Ուրեմն մենք կարող ենք ընդունել մեր թանկագին հիւրին — իշխանուհուն ինչպէս հարկն է, և դուք կօգնէք մեզ ձեր կողմից, պարոն քաղաքապետ:

— Բարեբախտ նշան, ասաց կամացուկ Պետրալիֆասը Վիլարդուինի ականջին: Բախտը ուղարկում է ամենաներքի վկաներ մեր զաւակների ամուսնական միաւորութեան համար:

Վիլարդուինը, լռիկ, մտերմաբար սեղմեց նորա ձեռքը:

Երբ հասան քաղաքի ւանդերին, Վիլարդուինը դարձաւ դէպի քաղաքապետը.

— Ա՛խ, ես մոռացայ հարցնել ձեզանից — Օլէնի եպիսկոպոսը Անդրապիդո՞ւմն է արդեօք:

— Այո՛, պատասխանեց նա, էլի միանգամ զննակա՛ն աչքով նայելով նորա վերայ. — նա այստեղ է:

— Ուրեմն, մի մարդ ուղարկեցէք յայտնելու նորան, որ ես եկել եմ և ցանկանում եմ տեսնել նորան: Աշխատեցէք պատրաստել ամեն բան Անդրապիդում որքան կարելի է շքեղ և փառաւոր կերպով: Ես յոյս ունիմ վաղը ընդունել այստեղ կայսեր քրոջ աղջկան:

Յետոյ Վիլարդուինը մտաւ իւր պալատը մի քանինչանաւոր մարդոց հետ: Ներկայացնելով նոցա Ջապէլին, որը ընդունեց Աննային անկեղծ ուրախութեամբ և մայրական բնքշութեամբ, Վիլարդուինը թողեց Ռօբէրին նորա համար առանձին պատրաստած սենեակների մէջ: Պետրալիֆասը իւր թոռնուհու հետ գնացին իւրեանց սեփական տունը, որ լաւ հանգստանան:

— Սիրելիներս, ասաց Ռօբէրը Նօնին և Դը. Մօնսին, երբ փակուեցաւ իւր սենեակի մէջ, ուրեմն ես գնում եմ

ինչով որ եկայ: Իմ փառասիրական ցնորքները, բարձր դար-
սողութիւնները, ցրուեցան ինչպէս խարուսիկ ստուեր:

Յետոյ նա շարունակեց. — Ասպետը իւր հետ ունի
իւր փառքը. նորա ապագայ յաջողութիւնը իւր նիզակի
սուր ծայրի վերայ է: Մինչև որ կան աշխարհիս երեսին
քրիստոնէութեան թշնամիներ, քաջերը դեռ շատ դէպք կու-
նենան փոքր ստանալ: Ինձ վախեցնում է միայն ծաղրան-
քի թունաւոր լեզուներ: Փրանսիայում դա ամենասարսափելի
զէնքն է: Եկայ ինչպէս իշխան և թագաւոր, գնում եմ
ինչպէս ծեծ կերած աշակերտ դպրոցի — ժրպիսի հարուստ
նիւթ կլինեմ ես օձ պալատականների ծաղրանքին: Կանայ-
քը կ'սօսեն իմ վերայ արհամարհական ժպիտով, և գուցէ
իմ անունս կ'ընկնի աշուղների երգերի մէջ:

— Մի՛ երեւակայէք ձեզ այդպիսի մռայլ կերպարանքով
ձեր դրութիւնը, ասաց Գը-Մօնսը: Դուք եկաք Պելուպոնէս
հնազանդելով ձեր երևելի հօրեղբոր կալքին, դուք արիք
բոլորը, ինչ որ պահանջում էր խոհեմութիւնը և պարտքը:
Հանգամանքները, անկախ ձեր կամքից, ուշացնում էին ձեզ
ճանապարհին: Եւ այնու ամենայնիւ դուք մինչև վերջը հնա-
զանդում էիք կոմսի, ձեր հօրեղբոր, օրէնքին, և պա-
տուի զգացմունքից շարժուած՝ դուք վեհանձնութեամբ և
անարտունջ տարաք գահի կորուստը, որ ձեզ էր նշանա-
կած: Ոչ թէ ծաղրանքով այլ գովասանքով պէտք է ամենքը
խօսին ձեր վարմունքի մասին:

— Դուք մոխրութարում էք ինձ իմ տրամութեան մէջ,
պատասխանեց Ռօքերը, — դուք կ'ամենում էք ոգի տալ ինձ,
իմ թանկագին Մատիօ: Այո, պէտք է խոստովանել, որ
անյաջող հանգամանքները ուղեկցում էին ինձ բոլոր ճանա-
պարհիս ընթացքում:

— Արդարեւ, ասաց Նօննը, ըստ երևութիւն բաւական
կորցրած լինելով իւր նախկին անհամբերութիւնը և հոգե-
կան վատ դրութիւնը, — արդարեւ, կարծես թէ մի չար աչք
կ'ախարդել էր մեզ: Բնութիւնը և բախտը միշտ հակառակ
էին մեր ձեռնարկութիւններին, մինչդեռ մարդիկը բարեմիտ
էին լինում դէպի մեզ և պատրաստ ամեն կերպ օգնել մեզ:
Ձէ կարելի ուրանալ որ Վենետիկի Դոժն անգամ այնպիսի
ուշադրութիւն ցոյց տուեց մեզ, որպիսին ցոյց է տալիս շատ

քիչ թագաւորներին: Կօրֆուի փոխարքան վնասեց մեզ իւր աւելորդ եռանդով, իսկ Վիլլարդուինը սար ու ձոր էր չափում, աշխատելով հանդիպել ձեզ նշանակած ժամանակից առաջ: Բայց, իրևի թէ կեանքի դպրութեան մէջ գրած էր, որ այդ տեսութիւնը ուշանար: Իսկ երբ այդ պատահեցաւ, Վիլլարդուինը չէր կարող ի հարկէ, առանց քանդելու հնազանդութեան պարտքը, հրաժարուիլ այնտեղից, որ նշանակել էր նորա համար նորա միապետը: Տարօրինակ և տարաբախտ դասաւորութիւն հանգամանքների:

— Բայց, ասաց դը-Մոնսը, աչքով անելով Ռօբէրին, — եթէ մէկ ձեռնարկութիւնը չյաջողեցաւ, մնում է միւսը, անկախ առաջինից: Եւ այդ ձեռնարկը կարող է ի զուր չհաննել ձեր Պելրպոնէս գալը:

— Իմ սիրելիս, պատասխանեց Ռօբէրը, գլուխը շարժելով, հանգամանքների դասաւորութիւնը, ինչպէս կոչում է նօնը, կամ որպիսի անուն և տաք նոցա, — տուին ինձ իւրեանց օգուտը: Ես սովորեցի աւելի հեռատես լինել: Ես արդէն ասացի ձեզ, որ վախում եմ ծաղրելի դառնալ, էլ ինչու կենթարկեմ ինձ վտանգին աւելի ևս ծաղրելի լինելու համար: Եթէ Պելրպոնէսը չկամեցաւ ընդունել ինձ իւր իշխան, Աննան էլ չի կամենայ ի հարկէ լինել իմ կինը: Իշխանութիւնը ընտրեց իւր համար իշխան, գուցէ և Աննան ընտրել է իւր համար փեսացու: Լաւ է ամենքին թողնել հանգիստ: Ջանազանութիւնը միայն այն կլինի, որ դուք այլ ևս չէք ուղեկցի ինձ:

— Ինչպէս, դուք չէք կամենում թոյլ տալ մեզ, որ ուղեկցենք ձեզ, գոչեց դը-Մոնսը:

— Ո՛չ, իմ բարեկամներս, ձեր ապագայ յաջողութեան ճանապարհը պիտի բացուի այստեղ, և ոչինչ պատճառ չըկայ արգելք լինելու այդ բանին: Ես չունիմ ոչ մի փոքրիկ անկիւն արեգակի տակ, որ կարողանայի առաջարկել ձեզ: Դուք երկուսդ էլ պէտք է մնաք այստեղ, — դուք նօնն, Պետրալիֆասի հետ, իսկ դուք, դը Մոնս, Վիլլարդուինի հետ: Ես ձեզ երկուսիդ համար էլ կմիջնորդեմ նոցա: Եթէ օգտակար կարող եմ լինել ձեզ, ստորութիւն չեմ համարի ինձ խնդրել նոցանից ձեզ համար:

Դը. Մօնսը բռնեց Ռօբերի ձեռքը, գրեթէ մօտեցաւ նորան շրթունքով և ասաց ամենաանկեղծ ձայնով.

— Թէպէտ իշխանական թագը չընկաւ ձեր ձեռքը, բայց դուք այնուամենայնիւ ունիք իշխանական սիրտ, և այդ ոչ ոք չէ կարող, ի հարկէ, խլել ձեզանից:

Մինչդեռ Ռօբերի սենեակում կատարուեւմ էր այս խօսակցութիւնը, Օլէնի սրբազան եպիսկոպոսը եկաւ Մօրէի իշխանի մօտ:

— Դէ, սիրելի Բենուա, ասաց Վիլլարդուինը, — դուք, ի հարկէ, գիտէք արդէն բոլորը, ինչ որ մեզ է վերաբերու... .

— Ինչ ոչինչ հարկաւոր չէր իմանալ, ասաց երիտասարդ եպիսկոպոսը, — ես բոլորը նախատեսել էի:

— Ասացէք ուրեմն, ի՞նչպէս են գնում այժմ մեր գործերը: Կա՞յ արդեօք գէթ որպիսի և լցէ նշոյլ յուսոյ:

— Նշո՞յլ, ի՞նչ էք ասում, կայ ամբողջ արեգակ, ասաց Բենուան յաղթական դէմքով: — Այդ իմ խորհուրդն էր և ես ունէի առ այդ հնարողի բոլոր սէրը:

— Բայց ասաց Վիլլարդուինը, յոյս ունի՞ք արդեօք, որ կայսրը չի զայրանայ, և թէ երիտասարդ օրիորդի հայրը, որ ամենամերձաւոր անձն է գահին և երևի թէ նորա ժառանգ, վրէժխնդիր չի՞ լինի մեզանից դորա համար:

— Կայսրը, պատասխանեց Օլէնի եպիսկոպոսը, շատ լաւ գիտէ, որ այն, ինչ որ կատարուել է, այլ ևս չէ կարող փոխուել, և թէ նորան աւելի օգտաւէտ է որ Մօրէի իշխանը լինի նորա բարեկամ, քան թէ թշնամի: Նա աղմուկ կբարձրացնէ, կսպառնայ, — այդ աներկբայելի է, բայց հէնց որ կանցնի բարկութեան առաջին բորբոքմունքը, անխուսափելի հարկաւորութիւնը կպաղեցնէ նորան: Կայսրը կհասկանայ այն ժամանակ, որ սխալ քաղաքականութիւնը ստիպել է նորան սխալ քայլ անել, և թէ ճակատագիրը աւելի խոհեմ է, քան թէ նորա խորհրդատուները: Իո՞կ եւ թէ կայսրը, Աստուած երկար կեանք պարգևէ նորան, կմեռնի, Ռօբէր դը. Վուրտենէն երևի թէ ընտրուած կլինի նորա ժառանգ: Այն ժամանակ նոր կայսրը փոխանակ անօգուտ բարկութեան, կբանայ իւր գիրկը և հայրաբար կգրկէ իւր աղջկան և փեսային: Յամենայն դէպս, Աստուծոց մեզ տուած է միայն ներկան, իսկ ապագան — նորա

ձեռին է: Անենք ինչ որ պէտք է, կամ, գոնեա, ինչ որ կարող ենք անել: Մնացածը Աստուծոյ կամքիցն է կախուած:

—Աստուծոյ պաշտօնեայ, ասաց Վիլլարդուինը, դուք ինձ համոզեցիք: Չեմ ծածկում սակայն, որ իմ ցանկութիւնս համոզուիլ ներգործեց այնքան, որքան և ձեր ճարտասանութիւնը: Բայց դուք ինձ չասացիք թէ՛ ինչի՞ վերայ էք հիմնում ձեր յոյսերը. գուցէ այդ միայն միտքը հնարողի ինքնասիրութիւնն է:

—Ո՛չ, ձերդ բարձրութիւն, ես ունիմ շատ հիմունքներ: Նախ և առաջ՝ Ագնէսը ունի կանացի սովորութիւն գրաւել մարդիկ—մի գեղեցիկ պակասութիւն. թակարդներ դնելով, որսորդը շատ անգամ ինքն է ընկնում նոցա մէջ: Երկրորդ՝ նորա ատելութիւնը դէպի իւր առաջիկայ ամուսնութիւնը: Երրորդ՝ Գօգֆրիդի պրական գեղեցկութիւնը, նորա շարժուածքների ազնւութիւնը և բաղաբաղարութիւնը, և նորա բորբոքուած պերճախօսութիւնը: Չորրորդ՝ իմ հին բարեկամութիւնը Ռեդէտի եպիսկոպոսի հետ, որ ուղեկցում է իշխանուհուն, նա բոլոր սրտով սիրում է Ագնէսին և շատ վշտացած է, որ նա զոհ է բերուած կայսեր բաղաբաղանութեան: Վերջապէս՝ ձերդ բարձրութեան բսակը կոյայ մեզ էլի շատ բաներ, որ մեզ պակաս է:

—Շատ լաւ. ես տեսնում եմ, որ ձեր յոյսը յիրաւի անհիմն չէ: Այսօր ես շատ յոգնած եմ. բայց վաղը առաւօտեան մենք կերթանք Պօնտիկո: Դուք էլ կգա՞ք ինձ հետ արլեօք, իմ սիրելի սրբազան:

—Ես բոլորովին պատրաստ եմ ձերդ բարձրութեան ձեռքին ամեն բանի համար: Ցանկամ ձեզ բարի գիշեր, և յաջողութիւն վաղը:

—Տէրը թո՛ղ լսէ ձեզ, հայր:

Բենուան գնաց:

Առաւօտեան, արեգակը բարձրանալուն պէս, Վիլլարդուինը, ուղեկցութեամբ Ռօբէրի, իւր որդի Գօգֆրիդի և բազմաթիւ բարօնների, գնաց Պօնտիկո: Երկու ժամից յետոյ նա հասաւ այնտեղ, նստեց նաւակը և բոլոր՝ ուղեկիցներով մօտեցաւ կայսերական նաւերին:

Ագնէսը, որի ազնիւ և վեհ գեղեցկութիւնը ազդում էր իսկոյն սէր և յարգանք, մեծ բաղաբաղարութեամբ, մինչ

չև անգամ մի տեսակ որդիական յարգանքով, ընդունեց Վիլլարդուինին: Երկար խօսակցութիւն բացուեցաւ նոցա մէջ Պելրպոնէսի և Բիւզանդիայի մասին, նորա հօր մասին, որին Վիլլարդուինը ճանաչում էր իբրեւ ամենաբաջ ասպետներից մէկը խաչակրաց զօրքերի մէջ, և նորա մայր Հօլանդայի մասին, որին համարում էր նա իբրեւ ամենախելօք կին կայսերական ընտանիքի մէջ: Յետոյ իշխանը հրաւիրեց իշխանուհուն անցնել ցամաքը և պոյգելիլ նորա պալատին, առաջարկելով նորան մնալ իւր կնոջ մօտ բոլոր ժամանակ, որքան որ նաւերը կմնան Պօնտրկոյում:

— Շնորհակալ եմ ձերդ բարձրութիւնից այդպիսի բարեհաճ առաջարկութեան համար, ասաց Ագնէսը: Ես շատ կցանկայի տեսնել Անդրավիդը և ինձ աւելի անորոշելի է ճանապարհորդել ցամաքով քան թէ ծովի ալիքների վերայ: Ես նոյնպէս շատ փափաքում եմ ծանօթանալ վսեմաշուք իշխանուհի Զապէլի հետ: Մայրս խօսում էր նորա վերայ միշտ մեծ գովասանքով: Բայց տարաբախտաբար, ես վախճում եմ, որ գուցէ այս գիշեր իսկ ճանապարհ ընկնենք այս տեղից:

Ասելով այդ, Ագնէսը ծանր հառաչեց:

— Շատ ցաւալի է այդ ինձ համար, պատասխանեց Վիլլարդուինը: Զապէլը նոյնպէս շատ կվշտանայ եթէ դուք կերթաք այդպէս շուտով և նա միջոց չի ունենայ տեսնուիլ ձեզ հետ: Մի՞թէ ձեզ անկարելի է նուիրել մեզ գէթ մի օր: Եղանակը արդեօք յիրաւի այդպէս բարեյաջող է ձեր ճանապարհորդութեան համար:

— Եթէ մեր նաւերի իւրապետները կը համարեն եղանակը ոչ բարեյաջող, ես շատ բախտաւոր կլինէի, ասաց իշխանուհին:

— Ահա՛ այստեղ է այն ասպետը, որ կարծեմ այս րոպէիս խօսում էր նոցա հետ, պատասխանեց Վիլլարդուինը: — Գուցէ նա մի տեղեկութիւն կտայ մեզ նոցա կարծիքի մասին:

Ասելով այդ՝ Վիլլարդուինը նշան արեց դը-Մօնսին, որ կանգնած էր ոչ հեռու:

— Ես տեսայ, որ դուք նոր խօսում էիք նաւապետների հետ, բարձն, ասացէք խնդրեմ, ի՞նչ են կարծում

նորա եղանակի մասին: Ե՛րբէն մտադիր ճանապարհ ընկնելու:

— Զերդ մարծրութիւն, վստահութեամբ պատասխանեց դը-Մօնսը: — Ես նոցա հետ չէի խօսում այդ բանի մասին: Եթէ կհրամայէք, իսկոյն կերթամ կհարցնեմ նոցանից:

— Կանչեցէք նոցա այստեղ, ասաց իշխանը:

Եւ դառնալով դէպի Ագնէսը, յարակցեց ժպտալով:

— Եթէ ես չփախենայի ձեր բարկութիւնից, ինձ ոչինչ բան չէր կարող արգիլել փակելու ձեր բոլոր նաւապետներին Պօնտիկօ ամրոցիս մէջ: Այնտեղ նոցա կսովորեցնէին ցոյց տալ յաջողակ բաժի և շտապեցնել ձեզ գնալ այս տեղից:

— Եթէ դուք ինձ ևս փակէիք ամրոցի մէջ, նոյնպէս հանարով պատասխանեց Ագնէսը, կարծեմ, ես այնտեղ անհամեմատ աւելի բախտաւոր կլինէի, քան թէ այստեղ, այս շարժական բանտի մէջ, որ տանում են ինձ Աստուած գիտէ ուր:

Երբ ներկայացան նաւապետները, Վիլարդուինը հարցրեց նոցա կարծիքը եղանակի մասին:

Նորա լուռ և մունջ շարժեցին գլուխները:

— Ի՛նչ կասէք, ուրեմն, պարոններ, կրկնեց Վիլարդուինը:

— Իշխանուհի, ասաց նաւապետներից մէկը, մի բարկանաք մեր վերայ այն բանի համար, ինչ որ մեզանից չէ կախուած: Այսօր առաւօտ երկինքը պարզ էր, ծովը բոլորովին խաղաղ, մենք կարծում էինք թէ՛ կփչէ բամբուկա՛մաքի կողմից և թէ երեկոյեան դէմ մեզ հարկաւոր կլինի բանալ առաքատները: Բայց այժմ, տեսնո՞ւմ էք հորիզոնի վերայ, ահա՛ այնտեղ, հեռու, այն փոքրիկ ամպը, որ նման է սպիտակ գծին:

— Ո՛չ, չեմ տեսնում, պատասխանեց Ագնէսը, նայելով ցոյց տուած կողմը:

— Այդ զարմանալի չէ ամենեւին, ասաց միւս նաւապետը, ծովապետի հմուտ աչք է պէտք այդպիսի նուրբ նշանները նկատելու համար:

— Այն փոքր ամպը, իշխանուհի, ասաց երրորդը, նշան է սաստիկ հարաւային քամու, և մենք կարծում ենք, որ վշտանգաւոր է ճանապարհ ընկնել:

— Մտաւա՛նդ որ, աւելացրեց առաջին նաւապետը, ես

այժմ միայն նոր նկատեցի, որ ձերդ բարձրութեան նաւի ներքնայարկը հարկաւորութիւն ունի փոքր ինչ կարկատանքի. ապա թէ ոչ ձերդ բարձրութիւնը կարող է վըտանդի ենթարկուիլ:

— Ուրեմն, կարկատեցէք նաւերը, ուրախ ասաց Ագնէսը, ես ընդդէմ չեմ դորան և ամենւին չեմ բարկանում: Հոգացէք ապահովութեան մասին, և ոչ թէ ճանապարհի երկարատե կամ կարճատե լինելու մասին:

— Իսկ ես կուղարկեմ ձեզ մշակներ և վարպետներ, այլ և հարկաւոր նիւթեր, եթէ հարկաւոր է, ասաց Վիլլարդուինը: Այժմ նորին բարձրութիւնը կանցնի փիւր և կլերադառնայ նաւը միայն այն ժամանակ, երբ ամեն բան պատրաստ կլինի ճանապարհ ընկնելու համար: Չեզ, պարոններ, նոյնպէս հրաւիրում եմ հետեւի մեզ Անդրավիդ:

Վիլլարդուինը բռնեց Ագնէսի ձեռքը և տարաւ նաւակի մէջ նստացրեց: Երբ ելան ցամաքը, երիտասարդ Գոգֆորիդը օգնեց իշխանուհուն նստելու գեղեցիկ ձիու վերայ, ոսկեհուռ թամբով զարդարած, և ճանապարհորդները դիմեցին դէպի Անդրաւիդ: Ճանապարհին Ագնէսը, իւրեան յատուկ կենդանութեամբ և ուրախութեամբ, խօսում էր Վիլլարդուինի որդու հետ: ԴըՄօնսը մօտեցաւ Պելրուպնէսի իշխանին և ցոյց տալով նորան փոքրիկ սպիտակ կէտը, որ հազիւ նշմարւում էր հեռու երկնքի վերայ, ասաց.

— Գիտէ՞ք, ձերդ բարձրութիւն, ո՞րքան արժէ այն փոքրիկ մասը:

— Ո՞րքան, ժպտալով հարցրեց Վիլլարդուինը:

— Հազար ոսկի:

— Կարծեմ, պատասխանեց իշխանը, այդ շատ թանկ չէ:

20.

Ա Գ Ն Է Ս Դ Ը . Կ Ո Ւ Ր Տ Ե Ն Է

Քաղաքապետը բարեխղճաբար և ճշտութեամբ կատարեց իշխանի հրամանը: Անդրաւիդը, որ կայսերական նաւերի նաւահանգիստը մտնելու օրից մի առանձին կենդանու-

Թիւն էր ստացել, այժմ զարգարած էր իբրև նորահարս և ուրախանում էր: Բոլոր տները զարգարած էին դրսից թանկագին կապերտներով և կտորներով, ծաղկի պսակները և փունջերը կախած էին դռների և պատուհանների վերայ. փողոցների վերայ սփռած էր ծաղիկներ. ամեն խաչաձև փողոցի վերայ կանգնած էր յաղթական կամար, և ամեն մէկի մօտ նուագում էր մի խումբ երաժիշտների և երգիչների, որք թնդացնում էին օդը իւրեանց ձայներով: Այդպիսի ընդունելութիւնը մեծ հրճուանք էր պատճառում Ագնէսի սրտին, աչքին և ականջին: Պէտք է սակայն խոստովանել, որ բոլոր ծաղիկներից և կապերտներից աւելի զմայլեցնում էր իշխանուհուն Գօտֆրիդի այրական գեղեցկութիւնը, որ միշտ գնում էր նորա հետ միասին. երիտասարդ ասպետի ձայնը, որ շէջում էր նորան բաղքը խօսքեր, աւելի ախորժելի էին նորան, քան թէ բոլոր երգերը և նուագները: Բոլոր արքայավայել պատիւները, որ տրւում էին Ագնէսին, աւելի սակաւ էին փաղաքշում նորա ինքնասիրութիւնը, քան թէ իւր գեղեցիկ ուղեկցի քնքոյշ և անոյշ զրոյցները:

Պալատի մէջ Ագնէսին ընդունեց Չապելը, գրկեց նորան, և Աննային ու Պետրայիֆասին ներկայացրեց նորան: Ամբողջ օրը անցաւ խնջոյքների և ուրախութեան մէջ. Վիլլարդուինը ցոյց էր տալիս իշխանուհուն ամեն տեսակ յարգանք և ուշադրութիւն, իսկ երբ գործերը պահանջում էին նորա ներկայութիւնը մի ուրիշ տեղ, նա իւր որդու՝ էր յանձնում զբաղեցնել իշխանուհուն:

Գիշերը պարահանդէս էր, բաղաժը փայլում էր գոյնգոյն ճրագներով, և բոլորը վերջացաւ հոյակապ ընթրիքով, որի շքեղութիւնը գնահատեցին և գովեցին ոչ միայն Ագնէսին ուղեկցող ասպետները և բարօնները, այլ և Տաճարականների ուխտի վանականները և ինքն Ռէդէտի եպիսկոպոսը:

Ագնէսը գիշերը անցրեց Չապելի հետ, դէպի որը նա իսկոյն զգաց դատարկան սէր և յարգանք: Թէպէտ իշխանուհին եկել էր Կ. Պօլսից, իսկ յայտնի է, որ աշխարհիս ոչ մի տեղը չէ կարող հաւասարուիլ իւր գեղեցկութեամբ այդ բաղաժի տեղադրութեան, թէպէտ շատ յոգնած էր,

բայց նա չէր կշտանում նայելով Պելոպոնէսի հրաշալի երկրների վրայ, և առանձին բաւականութեամբ ներս էր շքնում գարնանային անուշահոտ օդը: Եւ երբ որ վերջապէս քունը ծածկեց իւր քօղը անկատելի կերպով նորա յոգնած աչքերի վերայ, իշխանուհու երեւակայութիւնը դեռ ևս արթուն էր և ներկայացնում էր նորա առաջև երկրաւոր դրախտը, լուսաւորուած աստղերով, որ կախուած էին հիանալի ծառերի ոստերից. ինքն Ագնէսը զբօսնում էր այդ կախարհական պարտիզի ճեմելիներում, ադամանդեայ ծաղիկների մէջ: Ահա՛ մօտենում է նորան մի խորհրդաւոր ասպետ, նա ունի լուսափայլ զրահ, ճաճանչափառ սաղաւարտ—դա հրեշտակ է, որ գեղգեղում է զմայլելի, սոխակի ձայնով: Բայց ահա՛ նա բարձրացրեց իւր երեսածածկը, և Ագնէսը ճանաչեց Գօտֆրիդի դէմքը...

Բայց շուտով այդ տեսիլը անհետացաւ... իշխանուհին շարժական բանտի մէջ է, դրսից լսում են բամու աղաղակ, վալերնի գաղանների գոռում և փնգստոց: Անծանօթ, նորան թշնամի մարդիկ յափշտակում են նորան բանտից, հագնւում են նորա ոտներին շղթաներ և հանդիսաւոր կերպով տանում են նորան յայտնի չէ թէ ուր...

Իշխանուհին սարսափած զարթեցաւ. նորա աչքերը թաց էին: Յանկարծ դուռը բացուեցաւ և ներս մտաւ Զապէլը. Ագնէսը ուրախ ժպտաց:

Փոքր ժամանակից յետոյ իշխանուհին նստած էր Աիլլարդուինի ընտանիքի հետ նախաճաշի, որ պատրաստած էր խաղողենու տերւներով պատած հովանոցի մէջ: Յանկարծ ներս մտաւ Ռէդէտի եպիսկոպոսը իւր երկու ուղեկից վարդապետների և Օլէնի եպիսկոպոսի հետ:

— Ահա, իշխանուհի, ասաց Ռէդէտի եպիսկոպոսը, ներկայացնելով Ագնէսին Օլէնի եպիսկոպոսը, իմ պատուական և յարգելի բարեկամը, սա շատ ժամանակ չէ, որ Կ. Պօլսումն էր, ուր պատիւ ունեցաւ տեսնել ձերդ կայսերական բարձրութիւնը:

— Ինչպէս չէ, քաղցրութեամբ ասաց Ագնէսը, — հարկաւոր չէ ներկայացնել ինձ նորին սրբազնութիւնը, մենք հին ծանօթներ ենք: Դորանից ես առաջին անգամ բացի Պելոպոնէսի մասին, երբ դա այնպիսի ճարտասանութեամբ

նկարագրում էր մօրս առաջև այստեղի բնութեան գեղեցկութիւնը և բնակիչների բարք ու վարքը:

— Զերդ բարձրութիւն, պատասխանեց Բենուան, այնքան ներողամիտ էիք ինձ խում էիք ինձ և յորդորում էիք պատմել: Բայց, ինչ թագցնեմ, ես յիրաւի նախապաշարուած եմ յօգոստ Պելոպոնէսին և նոցրա բնակիչներին, այսինքն՝ բնակիչներից մի քանիսին:

— Եթէ ես ասպստ լինէի, ասաց Ագնէսը, ձեր գովասանքները Պելոպոնէսի մասին կարող էին նախնանք չարժել իմ մէջ:

— Մի այդպիսի իմ գոնեա ինձ հետ պտտահեցաւ Սարագոսսում, ասաց եպիսկոպոսը: Գոռոզ սպանիացիները ողջ ողջ կայրէին ինձ իբրև հերետիկոս, եթէ ես չգաղարէի գովաբանել մեր թագաւորներին:

— Ինչպէս, Սարագոսսում, ուրեմն ձերդ սրբազնութիւնը եղե՞լ է Սարագոսսում:

— Նորին սրբազնութիւնը այնտեղ էր անցեալ տարի, ասաց Վիլարդուինը, և Պօլիս գնալուց մի քանի ամիս առաջ:

— Մի՞թէ. հարցրեց Ագնէսը, ուրախ կերպարանք առնելով, երևի կամենում էր աւելի լաւ թագցնել իւր ներքին մտքերը, որոնք ընդհակառակն շատ ուրախ չէին: Զէք կարող արդեօք հաղորդել մեզ թէ ի՞նչ են մտածում Արրագոնցիք և Պօլիսի իշխանահայերի մասին. երևի թէ այդ տեսակ գաղաններ երբէք չեն եղել նոցա երկրում:

— Ներեցէք ինձ ձերդ կայսերական բարձրութիւն, ասաց Բենուան. նորին մեծութեան՝ դօն (թագաւոր) Յակոբի, ձեր ապագայ ամուսնու մամը նոյնպէս և Պօլիսի իշխանահայեր: Նորա վիճակը արդարև զարմանալի էր:

— Ա՛խ, պատմեցէք ինձ, գոչեց Ագնէսը, — ես շատ ցանկանում եմ իմանալ այդ պատմութիւնը:

— Իմանուէ՛լ Կոմեն կայսեր աղջիկը և Ալէքսիանոս կայսեր բոլորը Եւփրատի, առաջարկութիւն ստացաւ Դօն Ալֆոնսից, Արրագոնիայի թագաւորից, որ նորին մեծութեան՝ Դօն Յակոբի պապն էր: Կայսրը առաջ չէր համաձայնում արձակել իւր աղջիկը անծանօթ երկիր, մի ժողովրդի՝ մօտ, որ օտար էր լեզուով և բարքով, ուր հայրը չէր կարող միս-

Թարեւ նորան վշտացած ժամանակ, օգնել եթէ նեղութիւն կտային նորան: Բայց...

— Քաղաքական նպատակները, ընդմիջեց Ագնէսը, յաղթեցին և... Եւդոքսիան զո՛հ բերուեցաւ այդ նպատակներին:

— Եւ Եւդոքսիան զո՛հ բերուեցաւ նոցա, շարունակեց Բենուան: Նորան ուղարկեցին փառաւոր ուղեկիցներով— եպիսկոպոսներով և բարձններով, կայսերական նաւերով: Ամեն տեղ, ուր որ նոքա անցնում էին, ժողովուրդը խումբ խումբ վազում էր ողջունել Արրագոնիայի ապագայ թագուհուն: Ցարաբախտաբար պատահեցաւ այն, ինչ որ յաճախ պատահում է երկարատեւ և վտանգաւոր նաւորդուութեան ժամանակ— Եւդոքսիան չհասաւ Արրագոնիա այն օրը, որ օրը սպասում էին նորան: Իսկ երբ նա վերջապէս հասաւ տեղը, ի՞նչ էր կարծում ի՞նչ էր պատահել... Նորա փեսացուն կամենալով ցոյց տալ, որ Արրագոնիայի թագաւորները չեն սիրում սպասել, պսակւում է ուրիշի հետ— Պաստիլիայի թագաւորի աղջկայ հետ:

— Հապա Եւդոքսիա՛ն, հարցրեց Ագնէսը, և նորա ձայնի մէջ լսւում էին արտասուքներ, — Եւդոքսիան չմեռա՞ւ ամութից և բարկութիւնից:

— Ո՛չ, չմեռաւ, պատասխանեց եպիսկոպոսը, — բայց հնարք գտաւ հանել վրէժը: Սարագոսսի արքունիքում բոլոր պալատականների մէջ ամենից աւելի աչքի էր ընկնում Վիլհելմ դը Մօնպէլիէ. երիտասարդ, գեղեցիկ, բաջ, — նա ունէր բոլոր յատկութիւնները, որոնք կարող էին գրաւել ամեն մի օրիորդին. բայց նա չէր արքայական զարմից: — Ես թագ կտամ նորան, ասաց Եւդոքսիան, և ականջ չդնելով իւր ուղեկիցների և խորհրդատուների բոլոր խրատներին և ընդդիմութեան, ամուսնացաւ Վիլհելմի հետ:

— Շատ լա՛ւ, բացագանչեց Ագնէսը:

— Բայց նորա վարմունքը անմիտ էր, նկատեց իշխանուհուն ուղեկցող վարդապետներից մէկը:

— Նա ունէր սրտի խելք, որ աւելի հեռատես է քան թէ սովորական խելքը, ասաց Ռեգերի եպիսկոպոսը:

— Այդ ճշմարտութիւնը հաստատուեցաւ և նոյն դէպքում, աւելացրեց Օլէնի եպիսկոպոսը. — Վիլհելմը դարձաւ երևելի և ամենից յարգուած մարդ. յետոյ նորա Մարիամ

աղջիկը ամուսնացաւ Դօն Ալֆօնսի որդու— Դօն Պէդրօի (Պետրոսի) հետ, որ հօրից յետոյ ժառանգեց Արտագոնիայի գահը. և այդ ամուսնութիւնից ծնաւ նորին մեծութիւն Դօն Յակոբը:

— Դուք տեսա՞ք արքայական ընտանիքի բոլոր անդամներին, հարցրեց Ագնէսը, կարմրելով:

— Ես ամեն օր գնում էի Սարագոսսի պալատը, պատասխանեց եպիսկոպոսը. — և նորին մեծութիւն Դօն Յակոբը արժանացնում էր ինձ առանձին ուշադրութեան:

— Եւ... այդ զգացմունքը շարժուած էր նորա մէջ բարեպաշտութեան պատճառով: Գուցէ բարեպաշտութիւնը նորա առաքինութիւններից մի՞ն է, հարցրեց իշխանուհին, աչքերը խոնարհեցնելով:

— Գուցէ մասամբ և բարեպաշտութիւնն էր պատճառ նորա բարեհաճութեան առ իս, պատասխանեց Բենուան. բայց գլխաւորապէս առ այդ մեծ ազդեցութիւն ունէր մի այլ հանգամանք: Ես դիտմամբ գնեցի Խտալիայում և տարայ ընծայ տուի Դօն Յակոբին մի փոքր փայտի ձի զսպանակով: Նորին մեծութիւնը այնպէս ուրախացաւ այդ ընծայի համար, որ ամեն օր նստում էր նորա վերայ և վազվզում էր պալատի բոլոր սենեակներում: Այնուհետեւ, ամեն անգամ, երբ ես պալատ էի գնում, թագաւորը մեծ քնքշութեամբ փարւում էր վզովս իւր օգոստափառ փոքրիկ ձեռքերով և պինդ համքուրում էր ինձ:

— Ինչպէս, սրբազան հայր, ուրեմն դուք ե՞րբ էիք Սարագոսսում, հարցրեց Ագնէսը դողդոջուն ձայնով:

— Մի տարի սորանից առաջ, ինչպէս որ պատիւ ունեցայ ասել ձերդ բարձրութեան:

— Քանի՞ տարեկան է, ուրեմն, Դօն Յակոբը:

— Նա միայն սակաւ ինչ փոքր է ձերդ բարձրութիւնից, շտապեց պատասխանել տաճարականներից մէկը. — բայց...

— Այո՛, ի հարկէ փոքր է, ընդմիջեց Օլէնի եպիսկոպոսը. երբ ես Սարագոսսումն էի նա դեռ չկար եօթը տարեկան, ուրեմն այժմ նա պէտք է լինի մօտաւորապէս ութը տարեկան:

Ագնէսը ոտի կանգնեցաւ, դեղին ինչպէս բաթան:

— Շնորհակալ եմ ձեզանից, սրբազան հայր, ասաց նա. ձեր պատմութիւնները մեծ բաւականութիւն տոճին մեզ:

Յետոյ իշխանուհին գլխով նշան տուեց եպիսկոպոսներին և տաճարական վարդապետներին. նորա գլուխ տոճին և դուրս գնացին:

Ագնէսը գնաց պարտիզի ստուերախիտ ճեմելիքները: Ոչ որ չհեղեց նորան: Նորա բացակայութիւնը տեւեց մի քառորդ ժամից աւելի: Գօղթրիդը, անհանգիստ այդ բանից, նոյնպէս դուրս գնաց մի բարեպատեհ առիթով: Ման գալով ճեմելիքներում, նա գտաւ Ագնէսին, նոտած ծառի տակ: Նա լաց էր լինում: Տեսնելով Գօղթրիդին, նա գոչեց և շտապով սրբեց արտասուքները:

— Ո՛հ, մի թագցնէք ինձանից ձեր արտասուքները, բընբշուծեամբ ասաց Գօղթրիդը: — Թող թափուին նորա ձեզ անձնուէր և հաւատարիմ կուրծքի վերայ. և եթէ մարդուս կարելի է ցամաքացնել հրեշտակի արտասուքները, ես կը զոհէի դորա համար երկրաւոր կեանքս և հանդերձեալ կեանքիս երանութիւնը:

— Ինձ ուղարկում են իբրեւ զոհ իւրեանց ինքնաձորութեան սեղանի վերայ, գոչեց չքնաղ օրիորդը, չկարողանալով զսպել նոր արտասուքների հոսանքը:

— Ուրեմն թոյլ տուէք ինձ հրատարակել իմ անձաձեր պաշտպան Աստուծոյ և մարդոց առջև: Իսկ երբ ես կ'իջրկեմ ձեզ վտանգից, դուք ազատ կ'լինիք, եթէ կ'կամենաք:

— Շնորհակալ եմ ձեզանից, պատասխանեց Ագնէսը, որ միթարեցիք ինձ մտերմական կարեկցութեամբ և դորանով բուժեցիք, գէթ սակաւ ինչ, սրտիս վերքը: Այդքանը բաւական է. ես չեմ կամենում, որ ձեր սրտի ազնիւ եռանդը աւելի հեռու տանէ ձեզ: Վեհանձնութիւնը ստիպում է ձեզ սխալուիլ ձեր զգացմունքի յատկութիւնների մասին: Թող ես կրեմ վիճակս, որ ինքն Աստուծո՞ւ է նախառահմանել ինձ:

— Ուրեմն դուք մերժո՞ւմ էք առաջարկութիւնս արհամարհանքով, գուցէ բարկութեամբ իմ վստահութեան համար, ասաց Գօղթրիդը արտասուախառն ձայնով, և հեղութեամբ խոնարհելով գլուխը: Պատասխանեցէք, պատասխանեցէք, աղաչեմ. վճռեցէք — ապրե՞մ թէ մեռնեմ...

— Նախ քան վճիռ կպահանջէք ինձանից, կշռեցէք առաջ մի լաւ ձեր սեփական զգացմունքները: Թող ձեր սիրտը առաջ փոքր ինչ պաղի, պատասխանեց իշխանուհին:

— Իմ սիրտը կպաղի միայն գերեզմանում: Ես վեր կկենամ այս տեղից միայն այն ժամանակ, երբ կլսեմ իմ դատավճիռս:

— Անմիտ, ելէք, ասաց դողալով Ագնէսը. մարդ է գալի, միմէ չէ՞ք լսում:

Լաւ, ասաց Գօգֆրիդը, ես կնորոգեմ այս խօսակցութիւնը երբ ոչինչ չի արգելի ձեզ պատասխան տալ ինձ:

Եւ նա հեռացաւ պարտիզի միայն կողմը:

Եկաւ Զապէլը և տեսնելով Ագնէսի այտերի վերայ արտասուքի նշաններ, գրկեց նորան պինդ և համբուրեց քնքշութեամբ, բայց ոչինչ չհարցրեց նորա տրտմութեան և արտասուքի պատճառի մասին: Յետոյ իշխանուհին բռնեց օրիորդի ձեռքը և տարաւ պալատը, որտեղից ամենքը պէտք է գնային տօնախմբութեան, որ քաղաքապետը պատրաստել էր ի պատիւ հիւր իշխանուհուն: Երբ, կէս ժամից յետոյ, Ագնէսը մտաւ դահլիճը, նա տեսաւ այնտեղ բազմութիւն փայլուն հասարակութիւն, որ ընդունեց նորան մեծ պատուով, արժանավայել իւր բարձր կոչման: Այնտեղ էին և Պետրալիֆասը ու Աննան. նորան իշխանուհին քաղցրութեամբ համբուրեց և նստեցաւ նորա մօտ:

Սպասում էին Մօրէի իշխանին. նա սովորութիւն ունէր զուարճութիւններից առաջ աւարտել պետական անյետաձգելի գործերը: Վերջապէս Վիլլարդուինը մտաւ դահլիճը իւր որդու հետ, սեղմեց Ագնէսի ձեռքը և իսկոյն մօտեցաւ Պետրալիֆասին: Նա աւելի քաղաքավարի էր ծերունու հետ քան երբ և իցէ, գուցէ այն պատճառով, որ կամենում էր միտնարել, որովհետեւ իշխանուհու ներկայութիւնը նսեմացրել էր նորա նշանակութիւնը:

— Ձերդ պայծառափայլութիւնը գուցէ կցանկար շուտով գնալ տօնախմբութեան, ասաց Վիլլարդուինը. շատ ցաւում եմ, որ հարկաւոր կլինի փոքր ինչ էլ սպասել: Քաղաքապետը կգայ և կտանէ մեզ:

— Ձերդ բարձրութեան կշտին ես երբէք չեմ լինում

անհամբեր, պատասխանեց Պետրալիֆասը, բացի մի հանգամանքից...

— Ի՞նչ:

— Ես անհամբեր սպասում եմ այն դիտաւորութեան իրագործման, որ մենք որոշեցինք Պարտիսո՛ւմ: Անշուշտ, այդ չափ բազմաթիւ և ծանր պարապմունքների մէջ ձերդ բարձրութիւնը ժամանակ չէ ունեցել խօսել Պօփօրիդի հետ: Վիլլարդուինը ժպտաց:

— Դուք տեսաք որ ես այս լուպէիս առանձին էի որդուս հետ սենեակումս: Մեր խօսակցութեան առարկան իսկ և իսկ այն էր, որի մասին դուք ակնարկում էք:

— Ա՛յն, բացականչեց Պետրալիֆասը, և նորա աչքերը փայլեցին: Ի՞նչ ասաց, ուրեմն, Պօփօրիդը:

— Պօփօրիդը, պատասխանեց իշխանը, առհասարակ շատ տարօրինակ մարդ է: Նա այն մարդերիցն է, որը լըսում են և ոչինչ չեն պատասխանում: 2գիտեմ որտեղից է զարգացել նորա մէջ այդպիսի բնաւորութիւն:

— Իսկ ես շատ լաւ գիտեմ, ժպտալով պատասխանեց Պետրալիֆասը:

— Ես ասացի նորան, շարունակեց Վիլլարդուինը, որ ես ցանկանում եմ, և մեր շահերը պահանջում են այդ, որ հարսնացու ընտրէ իւր համար: Ի հարկէ ես հասկացրի նորան, որ ազատ է իւր ընտրութեան մէջ, բայց ակնարկեցի, որ իմ կարծիքով ընտրութիւն անելու համար շատ հեռու գնալ հարկաւոր չէ: — Դու կարող ես, ասացի ես, ման գալ ամբողջ աշխարհ, Արևելքից Արևմուտ, բայց ոչ մի տեղ չես գտնի այնպիսի ազնիւ և գեղեցիկ օրիորդ, որպիսին այժմ պատիւ է բերում Պելուպոնէսին իւր ներկայութեամբ. ուրեմն մնում է բեզ միայն ստանալ նորա համաձայնութիւնը: Պօփօրիդը լսեց բոլորը ուշադրութեամբ, ասաց թէ շատ շնորհակալ է ինձանից սիրոյ և խելացի խորհուրդների համար, բայց խնդրեմ մի բանի ժամ մտածելու և խոստացաւ յետոյ յայտնել ինձ իւր որոշմունքը: Պօփօրիդը սիրում է միշտ ցոյց տալ թէ գործում է իւր սեփական խելքով և խորհրդով, և ոչ թէ ուրիշի խրատներով և խորհուրդներով, չբացառելով մինչև անգամ և ինձ: Եւ ահա՛ այդ իսկ պատճառով պահանջեց նա մի բանի ժամ մտածելու:

— Ուրեմն վաղը, ասաց Պետրալիֆասը. բախտը, կարծես թէ դիտմամբ, ուղարկել է այստեղ կայսերական նաւատորմի, որ վկայ լինի այդպիսի երեւելի անցքին:

Այդ միջոցին Օլէնի եպիսկոպոսը մօտեցաւ Վիլլարդուփին, և Պետրալիֆասը գնաց Գօգֆրիդի մօտ: Նա ընդունեց ծերունուն ուրախ և զուարթ կերպով և խօսում էր բոլոր ժամանակ նորա հետ մինչև հանդիսին գնալը: Ծերունին լաւնշան էր նկատում նորա այդպիսի վարմունքի մէջ:

Վերջապէս մտաւ քաղաքագետը և առաջնորդելով տարաւ իշխանին և բոլոր հիւրերին:

Յունաստանում շատ վաղուց չէր եղել այնպիսի տօնախմբութիւն, որպիսին պատրաստել էր Անդրավիդի քաղաքագետը: Ասպետների զինախաղութիւններ, գիւղացիների պարեր, խնջոյքներ ձեռաց պատրաստած հովանոցների մէջ — ամեն բան կատարեալ էր: Պետրալիֆասը ուշադրութեամբ դիտելով Գօգֆրիդի բոլոր շարժումները՝ զգում էր որ իւր յոյսը աւելի և աւելի մեծանում էր, այնպիսի ուշադրութեամբ և քաղցրութեամբ վարւում էր երիտասարդ իշխանը Աննայի հետ: Ճշմարիտ է, Գօգֆրիդը միւսոյն ժամանակ առանձին ուշադրութեամբ էր վարւում և Ագնէսի հետ, բայց նորա քաղաքավարութեան պարտքն էր, իբրև տանտէր, զբաղեցնել նա իշխանուհուն, և այդ բանը ամենեւին չէր գրգռում ծերունու նախանձը:

Տօնը վերջացաւ երեկոյին: Վերադարձին Վիլլարդուփինը դարձաւ դէպի իւր ուղեկից բարօնները և ասպետները և ասաց.

— Նորին կայսերական բարձրութիւնը համաձայնեցաւ մասնակցել վաղը որսորդութեան և իրաւունք տուեց ինձ հրաւիրել ձեզ, պարոններ: Խնդրեմ, ժողովուրդէք վաղը ինձ մօտ, արեգակը ծագելուց յետոյ:

— Ուրեմն մինչև վաղը, ասաց Պետրալիֆասը, ազդու կերպով սղովով Վիլլարդուփինի ձեռքը:

— Մինչև վաղը, սառնասրտութեամբ պատասխանեց իշխանը:

ԴԱՒԱՃԱՆՈՒԹԻՒՆ

Գիշերային մթութիւնը իջել էր արդէն Օլէնի սարերի վերայ, երբ Պետրալիֆասը վերադարձաւ տուն: Նա միջոց ազւեց իւր թոռնուհուն հանգստանալ. յետոյ ինքը գնաց նորա սենեակը և մտադիր էր ծանր կերպով խօսել նորա հետ: Ծերունին մտածում էր և կշռում այն բոլորը, ինչ որ մտադիր էր ասել: Պատշգամբով անցնելիս նա մի տեղից լսեց սառտիկ սուլոց. Պետրալիֆասը կանգ առաւ և սկսեց լսել: Նոյն ձայնը կրկնուեցաւ և յետոյ լսուեցաւ երրորդ անգամ: Ծերունին փոխեց ճանապարհը և գնաց մեզ արդէն յայտնի օձապտոյտ սանդուղքով, և բաց անելով փոքրիկ դռնակը ներս թողեց Առիւծ Խամարէթին, այս անգամ դարձեալ կերպարանափոխուած արեղայական շորերով: Պետրալիֆասը տարաւ նրան հեռաւոր սենեակներից մէկը:

— Հատ ուրախ եմ ձեզ տեսնելուս, որդեակս. ինձ շատ հարկաւոր էր խօսել ձեզ հետ և ես պատրաստուում էի դալ ձեզ մօտ Կ. Պօլսի իշխանուհու գնալուց յետոյ: Բայց, ի՞նչ է պատահել. դուք շփոթուած էք և վրդովուած: Ի՞նչ նոր լուրեր կան:

— Ամենից առաջ, ասաց Խամարէթը, բացատրեցէք ինձ թէ ի՞նչ են նշանակում տուած նշանները:

— Նշաններ, պատասխանեց զարմացմամբ Պետրալիֆասը: — Ի՞նչ նշաններ:

— Ի՛նչպէս, միթէ դուք չգիտէ՞ք:

Եւ տանելով Պետրալիֆասին պատուհանի մօտ՝ Խամարէթը շարունակեց:

— Ահա՛, նայեցէք: Սարերի բոլոր գլուխների վերայ կրակներ են վառուում, կարծես թէ նոքա լուսաւորուած են, ինչպէս տօներին ճրագալոյց է լինում: Երեկ ես տեսայ խաւրոյկ Օլէնի ամենաբարձր գագաթի վերայ, յետոյ երկրորդը և ապա երրորդը: Ես առաջ կարծում էի թէ՛ հովիւներն են վառել նոցա, բայց յետոյ տեսայ մեծ քանակութիւն խաւրոյկների: Ես կարծում էի թէ դա մի պատահական բան է, բայց այսօր դարձեալ տեսնելով կրակներ, եկայ ձեզ մօտ բացատրութիւն խնդրելու:

— Բացատրութիւն խնդրելու ինձանից, ասաց Պետրա-
լիֆասը. և եթէ նոցա լապտերի լոյսը աւելի մեծ լինէր, Խա-
մարէթը կտեսնէր թէ ինչպէս դեղնեց ծերունին: — Բայց
ինձ թւում է, որ այդ չէ կարող ուրիշ բան լինել, եթէ
ոչ հովիւների խարոյկներ: . . . Վամ թէ ո՛չ, սպասեցէք,
այժմ ես հասկանում եմ: Վիլլարդուինը մեծ որսորդու-
թիւն է պատրաստում իշխանուհու համար. ուրեմն այդ
խարոյկները վառնել են երևի նորա համար, որ որսը բշեն
սարերից ձորը:

— Տարօրինակ բան է, ասաց Խամարէթը, — և մեզ հա-
մար շատ վտանգաւոր. ես վախենում եմ, որ մեր ընկեր-
ները պայմանաւորեալ նշան չհամարեն այդ կրակները:

— Այդ դէպքում ի՞նչ, պատասխանեց Պետրալիֆասը
անհաստատ ձայնով, նոցա կրած փեսքը կլինի այն միայն,
որ ի զուր տեղը կկատարեն այդ ճանապարհորդութիւնը:
Վաղը երեկոյեան, որսորդութիւնից յետոյ, այդ կրակները
անշուշտ այլ ևս չեն երևայ, և ուրեմն, չտեսնելով երրորդ
նշանը, ոչ ոք չի գնայ քարանձաւը:

— Ուղիղ է, ասաց Խամարէթը, այդ նկատողութիւնը
հանգստացնում է ինձ: Ես վախենում էի թէ՛ չլինի դուք
էք մտածել ժողովել մեր ընկերներին, կարծելով թէ հասել
է ժամանակը գործելու: Այդ բանը կարող էր մեծ վտանգի
ենթարկել մեր ձեռնարկութիւնը:

— Ի զուր դուք ինձ վերայ էք տարել ձեր կարծիքը
այդ բանի մասին. երբէք ես չէի կարող մտածել անգամ բաց
անել առագաստները մրրկի դէմ և մոռանալ ղեկավարին:
Բայց, ասացէք խնդրեմ, ինչ դրութեան մէջ է այժմ գործը:
Խամարէթը մի քանի րոպէ լուռ մնաց և յետոյ պա-
տասխանեց.

— Մինչև այժմ ես մի աքսորեալ էի, առանց հայրե-
նիքի, առանց յարկի, առանց պատսպարանքի: Ես չէի հա-
մարձակում նայել արեգակին. չէի համարձակում ուղիղ
նայել ազատ մարդու երեսին, վախենալով տեսնել նորա աչ-
քերի մէջ կարեկցութիւն, շրթունքի վերայ արհամարհանքի
ժպիտ: Այժմ ես ազատ եմ, ես պարագլուխ եմ ազատ
մարդկանց. ես չեմ վախենում, որ ձեռքիս շօշափմունքը
կպղծէ ինձ մեկնած ձեռքը: Եւ եթէ ձեռքերիս շղթաները

դեռևս խորտակուած չեն, բայց այդ ձեռքերը բռնած ունին արդէն սուր, և այդ սուրը կփշրէ շղթաները: Այժմ ես չեմ տարակուսում մեկնելով ձեզ ձեռքս և առաջագոյն խնդրում եմ ձեզանից պարգևս այն բոլոր վտանգների փոխարէն, որոց ենթարկում եմ իմ անձս... Ես խնդրում եմ ձեզանից Աննայի ձեռքը...

—Աննայի ձեռքը... կակազելով կրկնեց Պետրալիֆասը:

—Այո՛, պատասխանեց Խամարէթը, թող շատ յանդուգն և անխորժ չթուի ձեզ այդ բանը: Հղօր պետութիւնները, որոց վիճակուած է վերականգնել կայսերական դաճը, — Ելլադան և Պելոպոնէսը պէտք է միանան անբախտելի կապերով. հարկաւոր է, որ ապստամբութեան կրակը միշտ բորբոքի Արտայից մինչև Մալը, որ բոլոր յոյները ունենան մի սիրտ, մի հոգի՛, մի նպատակ և մի թշնամի: Հարկաւոր է նոյնպէս, որ այդ միութիւնը լինի յայտնի և հրապարակական. հարկաւոր է ամեն ցանկացողին պաշտպանել հայրենիքը — ցոյց տալ այդ միութեան վերայ իբրև առհասարակ և գրաւական յաջողութեան, այդ բանը կսրտապնդէ թոյլերին և բաջալերէ անվստահներին: Թող իմ շուրջը հաւաքուածները տեսնեն ամենքը, որ ես գնում եմ առաջ ոչ միայնակ և չեմ տանում նոցա անհաւասար կռուի դէմ: Երբ իմ պելոպոնէսցիները կիմանան, որ նոցա պարագլուխն է Ելլադայի իշխանուհին, նոքա կմտածեն, որ յաղթութեան հրեշտակը իջել է երկնքից մեզ մօտ, և կըրկին անգամ անյաղթելի կլինին: Վերջապէս ինձ համար իսկ, նախ քան ես կմտնեմ այդ կռուի մէջ, հարկաւոր է ընդունել յուսոյ մկրտութիւն, պնդացնել հոգիս բախտաւորութեան ակնկալութեամբ և վարժել ինձ հաւատալ անձիս և ապագային: Մի ժամանակ ես նշմարում էի, որ Աննայի սիրտը երջանկութիւն էր պատրաստում ուրիշի համար, և ես ընդունակ չէի որևիցէ սխրագործութեան յուսահատութիւնից: Դուք համոզեցիք ինձ դորա հակառակը, հայր իմ: Ասացէ՛ք, ուրեմն, կարճը եմ յուսաւ այդ բախտաւորութեան, և այդ յոյսը անյաղթելի կգարձնէ ինձ:

—Բայց, Արիւծ, պատասխանեց Պետրալիֆասը, խոյս տալով վճռողական պատասխանից, — նախ քան կպատաս-

խանեմ՝ ձեզ այդպիսի առաջարկութեան, ես պէտք է իմանամ ի՞նչ դրութեան մէջ է այժմ գործը:

— Ի՞նչ դրութեան մէջ է գործը, ասաց Խամարեթը: — Ես այժմ ձեռքիս ունիմ բռնած ամբողջ Պելոպոնէսը. իմ մէկ խօսքից ամենքը, ում սրտի մէջ դեռես բարախում է մարդկային սիրտը, Պելոպոնէսի բոլոր գաւառները կ'միանան: Բաւական է որ ձեռքս բարձրացնեմ — և ահա՛ քառասուն հազար սուր կ'բարձրանան իսկոյն միասին. բոլոր ապստամբակիցները անհամբեր սպասում են պայմանաւորեալ նշանին: Ամենքը մի նշանաբան ունին — ազատութիւն Պելոպոնէսի...

— Բայց, որդեակս, հեղութեամբ ասաց Պետրալիֆասը, միթէ դուք չէ՞ք կարծում, որ հանգամանքները փոխուել են:

— Փոխուել են, պատասխանեց Առիւծը. ի՞նչպէս են փոխուել: Միթէ մեր հայրենիքը ազատուած է սրդէն օտարական գիշատիչների ձեռքից: Միթէ մեր ազգը, որ մի ժամանակ ամենափառաւոր ազգն էր, թոթափել է իւր վրայից անարգ ստրկութիւնը: Միթէ Ա. Պօլսի կայսերական սրբազան գահը խլած է արդէն արեւմտեան բարբարոսների պիղծ ձեռքերից: Ո՛չ, հայր իմ, ոչինչ չէ փոխուել — ոչ հանգամանքները, և ոչ մեր պարտաւորութիւնը ազատել հայրենիքը, եթէ կարող ենք: Յամենայն դէպս, մեր վերայ սրբազան պարտաւորութիւն կայ փրկել մեր հայրենիքի մեծ պատիւը, յիշատակ թողնել նորան ապագայում արինաշաղախ ապստամբութեան մասին նորա ազատութեան համար: Թող Յունաստանի բռնակալները յարգեն նորան մինչև անգամ նորա մահից յետոյ: Իւր եթէ երբ և իցէ նորան վիճակուած է դուրս գալ գերեզմանից, թող կանգնի նա հպարտութեամբ գլուխը բարձր բռնած, և վտահոլութեամբ, ուղղակի նայի ամբողջ աշխարհի աչքին:

— Որդեակս, ասաց Պետրալիֆասը. ձեր խօսքերը լի են անվեհերութեամբ. բայց անվեհերութիւնը, որ ականջ չէ դնում խոհեմութեան, տանում է դէպի կործանում — փառաւոր, գեղեցիկ, սակայն այնուամենայնիւ կործանում: Չմոլորուենք մեր ոյժերի մասին: Մեր ազգը, մանաւանդ Պելոպոնէսի ժողովուրդը, մաշուած է ստրկութեամբ, ուշաթափ է եղած լուծ կրելու սովորութեամբ: Իշխանաւորները երեւում են ժողովրդին իբրև բարձրագոյն էակներ. միայն

տեսքը ասպետների, ծածկած պողպատի զրահներով, ըստ երևութի՝ անյաղթելի, անվիրաւորելի, — կարող է փախուստ դարձնել մեր վախկոտ հօտը: Մեր ցանկութիւնն այն էր, որ օտարականները ջնջէին միմեանց. մենք կամենում էինք, որ լինէր ընդդիմահարումն նոցա ղոժերի, իսկ մենք պէտք է բաղէինք նոցա երկպառակութեան պտուղները: Այն ժամանակ մեր զինուորները կարող էին կռուել առանց վտանգի, պաշտպանուած պողպատի կենդանի պարիսպներով, որով պատած պէտք է լինէր Ռօբերը. և երկու հակառակ կողմերից մէկի անկումն յաղթութիւն կլինէր մեզ համար: Բայց այժմ, երբ Ռօբերը ամօթալի կերպով թողեց իւր իրաւունքները Վիլլարդուինի ձեռքին, բարեպատեհ դէպքը գնաց մեր ձեռքից: Հարկաւոր է սպասել այլ յաջող դէպքին, եթէ չենք կամենում, որ մեր ղոժերը փշրուին Վիլլարդուինի ղոժերի վերայ, ինչպէս ծովի ալիքները փշրւում են ծովի ժայռերի վերայ:

— Բայց, պատասխանեց Խամարէթը, — ծովի ալիքները շատ անգամ մաշում են ամենապինդ ժայռի տակը: Մեր հովիտների հովիտները կարող են կործանել դռուղ Գողիաթին, ինչպէս Դաւիթը, եթէ աղգասիրական ոգին կոգւորէ նոցա: Այժմ ամենքը ոտի են կանգնել. — խաչակիր պատերազմ խաչակրաց ոչէմ — ահա նոցա նշանաբանը: Նորա զինուորուել են, որ պատերազմեն Վիլլարդուինի դէմ Ռօբերի հետ. իսկ այժմ կպատերազմեն Վիլլարդուինի դէմ առանց Ռօբերի:

— Չափաւորեցէք նոցա եռանդը, իմ թանկագին Առիւծ, ասաց Պետրալիֆասը. — յորգորեցէք նոցա շնետուիլ գլխապատառ անդունդի մէջ:

— Արդէն ուշ է, պատասխանեց Խամարէթը. ամբարտակը պատռուել է. հեղեղը քանդել էր բոլոր արգելքները, նորա ալիքները կարող են կործանել ամեն բան. իսկ կանգնեցնել հեղեղի հոսանքը անկարելի է:

— Փորձեցէք, պատասխանեց ծերունին: Չեր ձայնը բարձրացրեց մրրիկ, ձեր ձայնը կարող է և դադարեցնել նորան:

— Ես կարող եմ ղեկավարել մրրիկը, բայց հանդարտեցնել նորան իմ կարողութիւնից վեր է: Եթէ, սակայն, կարողանայի անգամ հանդարտեցնել նորան, այնուամենայ-

նիւ ես չէի անի այդ: Հունձը հասել է. հնձողները արդէն բռնել են ձեռքին սուր մանգաղներ. ես չեմ կանգնի միջնորմ նախախնամութեան կամքի և նոցա մէջ: Ես չեմ թողնի ուրիշներին մեծ փառքը, որ մեզ է պատկանում. ես չեմ կարող պաղարիւնութեամբ նայել իմ հայրենիքի հեծեծանքին և հառաչանքին, երբ կարող եմ օգնել նորան:

— Հաւատացէք ինձ, սոսաց Պետրալիֆասը, գլուխը օրօրելով, — հայրենիքին դուք չէք օգնի, այլ միայն բոլորովին կկործանէք նորան: Վիլլարդուինը հզօր է, և ամեն խոհանարարը պէտք է այժմ խոնարհեցնէ նորա առջև իւր գլուխը, ինչպէս եղէգը բամու առջև: Խոհանարարը պէտք է այժմ միանայ Վիլլարդուինի հետ, այսինքն՝ ես կամենում եմ ասել — այնպէս ձեռացնել թէ միանում է, և սպասել յաջող դէպքին:

— Ոչ, վեհութեամբ սոսաց Առիւծը, ես չեմ կարող հաշտուիլ այդպիսի նենգաւոր և ստոր քաղաքականութեան հետ: Ես ունիմ նոյնպիսի զօրութիւն, որպիսին և Վիլլարդուինը, և միայն Աստուածն, որ դատաւոր է բոլոր ազգերի վերայ, կվճռէ մեր դատը նորա հետ: Հիւսիսեց հարաւ, արեւելքից արեւմուտք, Պելոպոնէսը ոտի է կանգնել և զինուորուել. նա միայն սպասում է, որ ես բարձրացնեմ ձեռքս: Իսկ եթէ ես չեմ բարձրացնի ձեռքս, կկառավարուին և առանց ինձ: Ահա թէ ինչու ես վստահութիւն ունեցայ խնդրել Աննայի ձեռքը, և ասում եմ ձեզ հաւաստիաբար — տուէք ինձ այդ ձեռքը, իբրեւ պարգև սուրբ գործի համար, տուէք ինձ իբրեւ գրաւական միութեան, իբրեւ աւետիք յաղթութեան:

— Եթէ ձեզ համար բաւական չինէր միայն իմ պատասխանս, սոսաց Պետրալիֆասը, դուք գիտէք թէ որպիսի կլինէր դա իմ կողմից. ես միշտ համարում էի ձեզ իբրեւ իմ սիրելի որդի: Իմ փեսայ Թէոֆորը և նորա հանգուցեալ եղբայր Միքայէլը միշտ ցոյց էին տալիս ձեզ սէր և յարգանք: Ես բոլորովին հաւատացած եմ, որ Աննան ևս նոյն զգացմունքներն ունի: Բայց գուցէ ձեզ բաւական չէ միայն իմ խօսքը և դուք կկամենայիք իմանալ թէ ինչ կասէ առ այդ ինքն Աննան: Ես կկորհրդակցեմ նորա հետ և կյայտնեմ նորան իմ կարծիքը:

-- Ձեզ եմ յանձնում իմ բախտս, ասաց Խամարէթը: Խօսեցէք և յայտնեցէք ինձ -- կարո՞ղ եմ արդեօք գնալ պատերազմ անջրիս առջև ունենալով միշտ երկու պատկեր -- ազատութեան պատկեր և բախտաւորութեան պատկեր, թէ պիտի նետուիմ կռուի մէջ իբրև կոյր գործիք կործանման, յուսահատութեամբ սրտիս մէջ, իսկ կործանումից յետոյ մահ սրտնեւ:

— Ուրեմն, ձեր վճիռը հաստատ է և անփոփոխե՞լի, հարցրեց Պետրալիֆասը: Մի՞թէ դուք չէ՞ք ընդունի ոչինչ խորհուրդ: Մի՞թէ դուք խո՞ւլ կմնաք և դէպի խոհեմութեան ձայնը:

— Ես լուում եմ միայն բազմաշարժար հայրենիքիս ձայնը, պատասխանեց Խամարէթը, վերկենալով: Այժմ, երբ ես արդէն ամեն բան նախապատրաստել եմ, ես դաւաճան կլինէի եթէ հաւատարիմ չմնայի ընդունուած որոշումներին: Ես սպասում եմ միայն պայմանաւորեալ նշանին գործը սկսելու համար, և ահա՛ այժմ Վիլլարդուինը, կամ լաւ ասել՝ ինքն երկինքը տալիս է այդ նշանը: Այն կրակները, որ փայլում են ահա՛ երկու գիշեր է, ժողովեցին ապստամբութեան բոլոր պարագլուխներին, որք թափառում են և թափնում են շրջականերում: Եթէ վաղը դարձեալ կը վառուին կրակները, բոլոր ապստամբողները կհաւաքուին նշանակած տեղում:

— Եւ յետոյ ի՞նչ:

— Ի՛նչ. Վիլլարդուինը վառում էր երկու գիշեր խաւովները իւր որսորդութեան համար, իսկ վաղը ես ինքս կվառեմ նոցա իմ որսորդութեան համար:

Եւ Խամարէթը դնաց դէպի դուռը:

— Ո՛չ, ադ կողմը չէ, ասաց Պետրալիֆասը. այդ կողմում դուք կարող էք այժմ պատահել ծառաներին: Եկէք իմ ետեւից:

Պետրալիֆասը վերցրեց կանթեղը և առաջ ընկաւ: Նա տարաւ Խամարէթին մի ինչ որ նեղ անցքով մինչև փոքր սանդուղքը, որով նոքա իջան ցած, անցան մի ուրիշ նեղ անցք, յետոյ երրորդը և հասան մի մութը սանդուղքին, նորանով նոքա դարձեալ իջան աւելի ցած և այդ սանդուղքը շատ երկար թուեցաւ Առիւծին: Վերջապէս անցնելով

էլի մի երկար և խաւար անցք, հասան մի դրան, որ բացուեցաւ ժանդոտուած օղակների ճոնջմունքով:

— Մենք պէտք է այստեղով գնանք, հարցրեց խամարէթը:

— Այո՛, պատասխանեց Պետրալիֆասը:

— Ա՛խ, որպէս զի չմոռանամ, ասաց խամարէթը, կանգնելով, — նամակ գրեցէք անպատճառ Սուրբոս և Արգոս բաղաքները, նոյնպէս և Վորնթոսի ամրոցապետին, կամ եթէ կամենում էք, հաւատարիմ մարդիկ ուղարկեցէք: Այդպիսի ապացոյցը մեր բարեկամութեան Ելլադայի իշխանի հետ կբաջալերէ մեր զինուորներին:

— Ես անպատճառ կկատարեմ ամեն բան, ինչ որ հարկաւոր է: Բայց գնանք առաջ:

— Երբ վերջապէս մտան մի խաւար սենեակ, Պետրալիֆասը, կարծես թէ յանկարծ մի բան միտը բերելով, գռչեց.

— Ա՛խ, ես մոռացայ ամենագլխաւոր բանը: Սպասեցէք ինձ փոքր ինչ:

Ծերրունին դուրս գնաց և փակեց դուռը:

Խամարէթը մնաց մթութեան մէջ և նորան այնպէս լսուեցաւ, որ դուռը փակեցին կարծես թէ բանալիով:

Մի բանի ըոպէ խամարէթը մնում էր մտածմունքի մէջ. նորա վիճակը պէտք է նոյնպէս բոլորովին փոխուէր: Մի կողմից նորան ցոյց էր տալիս երևակայութիւնը թէ՛ փառքը իջնում էր երկնքից նորա վերայ և նստում էր նորա ճակատի վերայ իւր անմահ դափնի տերեւներով, միւս կողմից՝ սէրը վերցնում էր նորա գլխից փշի պսակը, որ կըրում էր մինչև այդ օրը, և դնում էր նորա վերայ վարդաշիւս պսակ:

Բայց Առիւծը նկատեց, որ վաղուց արդէն մենակ է մնացել, և սկսեց անհանգստանալ:

Վերջապէս նա կարծեց թէ՛ Պետրալիֆասը թողեց նորան այնտեղ մենակ, որովհետև այլ ևս հարկաւոր չէր ճանապարհ ցոյց տալ նորան, թէ դրան ետեւը փողոցն է և թէ ինքը կարող է ճանապարհը գտնել:

Խամարէթն սկսեց ձեռքերի շօշափմունքով պտռել դուրս գնալու ճանապարհը, բայց չէր գտնում ոչ մի դուռ, բացի նորանից, որով ներս մտաւ: Երեք անգամ նա պը-

տըտեց այն տեղը, ուր գտնւում էր, բայց ամեն տեղ պատահում էր միայն քարաշէն պատերին և մի հատ երկաթի դրան:

Կորցնելով բոլոր յոյսը և ոչինչ չհասկանալով այդ անցքից, նա վերադարձաւ դէպի երկաթի դուռը, կամենալով նորից գնալ Պետրալիֆասի բնակարանը և դուրս գնալ միւս դռներով: Բայց երբ Խամարէթը կամենում էր բաց անել այն դուռը, տեսաւ որ նա պինդ փակուած էր բանալիով: Զարմացած, յուսահատութեան մէջ, նա սկսեց աղաղակել, և սարսափով նկատեց որ նորա ձայնի արձագանքը ցրւում էր ցած կամարների մօտ: Նա սկսեց թակել դուռը բռնունքներով և թափ տալ նորան, բայց հաստ պատերը խլացնում էին նորա զարնուածքների ձայնը: Առիւծի բոլոր ջանքերը ի զուր էին: Միայն նոր յիշեց նա թէ՛ քանի սանդուղներ և նեղ անցքեր անցան մինչև որ հասաւ այդ ստորերկրեայ տեղը և թէ ո՛րչափ հեռու պէտք է լինի Պետրալիֆասի բնակարանից, և նորան տիրեց մի տեսակ խելացնորութիւն: Խեղճ Խամարէթը կարծում էր թէ՛ այդ բոլորը երազի մէջ է տեսնում, նա գուռում էր, անիծում էր, յետոյ լռում էր, գլուխ էր ճաքացնում աշխատելով լուծել իւր տարօրինակ դրութեան հանելուկը, ապա սկսում էր շօշափել պատերը, Բայց, բոլորը ի զուր:

Խամարէթը գլուխը վեր բարձրացրեց և տեսաւ միայն մի փոքր ծակ, որով նորա ստորերկրեայ բնակարանի մէջ մտնում էր օդ և լոյս, երբ դուրսը լոյս էր: Այդ ծակը շատ նեղ էր և գետնից շատ բարձր. իսկ երկաթի պինդ վանդակը ոչինչ հնարք չէր թողնում անցնել այդ նեղ ծակով:

Նեղ պատուհանի միջից Խամարէթը կարողանում էր տեսնել երկինքը և հեռու փայլող կրակների լոյսը, որոնք երևի խարոյկներն էին, վառած սարերի գապածների վերայ: Այդպիսի տեսարանը չէր կարող մխիթարել նորան և չափաւորել նորա անհամբերութիւնը:

Յանկարծ նա զարնուեցաւ ինչ որ մի բանին, մեկնեց ձեռքը և տեսաւ որ դա մահճակալ էր, իսկ նորա վերայ խոտ փռած: Յոգնած, բարկութիւնից խեղդուելով, Առիւծը

ընկաւ այդ կոշտ անկողնի վերայ, երկու ձեռքով բռնելով
իւր գլուխը, կարծես թէ աշխատում էր բռնել հեռու
փախչող խելքը: Նորա աչքի առաջ երևում էր վանդա-
կապատ ծակը, հեռու դեռ ևս փայլում էին աղօտ լու-
սով կրակները և կարծես թէ կանչում էին իւրեանց մօտ
բանտարկուածին, ազատութիւն խոստանալով նորան: Գորա-
նից աւելի սարսափելի և անտանելի էր դառնում նորա հա-
մար բանտարկութիւնը:

Խամարէթի մտքերը բոլորովին խառնաշփոթուեցան:
Նա անում էր ամեն տեսակ եզրակացութիւններ իւր բան-
տարկութեան պատճառների մասին. նորան ցանկալի էր այդ
բոլորը վերագրել Պետրալիֆասի մոռացկոտութեան և ան-
յիշողութեան: Վերջապէս, երկար և անտանելի ժամերից
յետոյ, բունը իջաւ նորա ձանձրացած աչքերի վերայ և
սարսափելի երազների փոխեց նորա խառնափնթոր և խը-
ճըճուած մտքերը:

22.

Ն Ո Ր Փ Ե Ս Ա Ց Ո Ւ

Պետրալիֆասը, փակելով ստորերկրեայ բանտի դուռը
նոյն ճանապարհով վերադարձաւ իւր բնակարանը: Նա գը-
նաց ուղղակի իւր թոռնուհու սենեակը: Աննան դեռ չէր
քնած, կար էր անում:

— Աննա՛, ասաց նորան պապը, դու ի զուր այդպէս
ուշ քնած չես: Վաղուան օրը բաւական կ'յոգնեցնէ մեզ:
Բայց, որովհետեւ դու դեռ ևս չես պառկել, բարի գիշեր
ասելուց առաջ ես կկամենայի փոքր ինչ խօսել քեզ հետ...
Ո՞վ գիտէ ինչ կարող է պատահել վաղը:

— Ես պատրաստ եմ լսել ձեզ, պապա:

— Այն ժամանակից ի վեր, երբ ես նկատեցի, որ դու
չես համակրում Ռօբէրին, թէև ուղիղն ասած՝ բոլորովին
անհիմն կերպով, դու գիտես, որ այնուհետեւ ես նորա ա-
նունն անգամ այլ ևս չեմ յիշել քո առաջ: Ես գիտեմ,
որ այդ տեսակ հակակրութիւնը լինում է երբեմն ակամայ,
ուստի, թէպէտ և համոզուած եմ, որ շատ օգտակար կլի-
նէր քո ամուսնութիւնը նորա հետ, իմ հայրական սիրտս

չթող տուեց ստիպել քեզ: Բայց որովհետեւ այդ դէպքում ես քեզ զիջողութիւն արի, արդարացի եմ համարում պահանջել, որ և դու մի բանով զիջողութիւն անես ինձ: Ես հնազանդուեցայ քո օրիորդական կամակորուժեան, հնազանդուիր և դու այժմ իմ բազմամեայ փորձառութեան:

— Ի՞նչ էք կամենում, ուրեմն, դուք ինձանից, ասաց Աննան:

Այդ երկար յառաջաբանութիւնը ոչինչ լաւ բան չէր գուշակում նորան:

— Ես կամենում եմ, քաղցրութեամբ պատասխանեց Պետրալիֆասը, կապել քո կեանքը մի մարդու հետ, որ ամենահամակրելին և ամենափառաւորն է բոլոր ասպետներից, ամենահզօրն է կայսրից յետոյ, մի մարդու հետ, որին սպասում է իշխանական և գուցէ նաեւ արքայական թագը: Ես հաւատացած եմ, որ նա շատ կբախտաւորացնէ քեզ և վայելել կտայ քեզ աշխարհիս բոլոր պատիւները: Ես ցանկանում եմ, որ դու ամուսնանաս Գօդֆրիդ Վիլլարդուինի հետ...

Պապս, իմ բարի պապս, միթէ դուք կամենում էք անպատճառ սպանել ինձ: Միթէ ես չեմ կարող ընտրել կեանքի մի համեստճանապարհ, և գնալ նորանով խաղաղ և հանգիստ: Ինչո՞ւ փշեր ցանեմ ճանապարհիս վերայ: Արձակեցէք ինձ — ես կենդանի կթաղեմ ինձ մի որևիցէ հեռաւոր, անյայտ վանքի մէջ, և եթէ ձեզ այդ բիչ է, միջոց տուէք ինձ գտնել յաւիտենական հանգստութիւն: Իսկ մինչև այդ ժամանակը մի հալածէք ինձ:

— Ի՞նչ են նշանակում յուսահատութեան այդ խօսքերը, խստութեամբ ասաց ծերունին. — միթէ և այս առաջարկութիւնը չես հաւանում դու: Կամ գուցէ քո երեւակայութիւնը նկարում է աչքիդ առջև մի աւելի փառաւոր ապագայ: Եթէ այդպէս է, յայտնիր ինձ քո ցանկութիւնը: Չլինի՞ թէ յափշտակուել ես Խամարէթի ազգասիրական ոգեւորուած խօսքերով: Այդ ամիս ցնորաբանը համարձակուում է ձգել իւր հայեացքը բախտի և փառքի բարձրագոյն ծայրերի վերայ, իսկ իւր ոտների տակ բացուող անդունդը նա չէ տեսնում: Այդ խելացնոր գիշերային թեթեռնիկը երկնային բոց է համարում կրակը, որ կայրէ նորան: Գի-

տես թէ ի՞նչ էի ստիպուած անել: Խնայելով նորան՝ ես ստիպուեցայ փակել նորան ինչպէս մի անմիտ մանուկ, ինչպէս մի խելագար, որ փրկեմ նորան կորուստից: Ես հարկադրուեցայ առ ժամանակ ղրկել նորան ազատութիւնից, որ ազատեմ նորան մշտական շղթաներից և անարգ դատավճռից: Մի՞թէ դու համակրում ես նորա անմիտ և կառաղի դիտաւորութիւններին: Բայց չէ՞ որ նոցա կարելի է պատասխանել միայն ժպիտով, և այն՝ արհամարհական ժպիտով: Աշխատիր հեռու մղել քեզանից այդպիսի մտքերը, ապա թէ ոչ դու սաստիկ կվշտացնես հօրդ:

— Բայց, ո՞վ ասաց ձեզ, գոչեց Աննան, համբերութիւնից դուրս եկած, — ո՞վ ասաց ձեզ, որ գլխիս մէջ կարող էր երբ ևիցէ ծնուիլ այդպիսի միտք: Առիւծի զգացմունքները ազնիւ են, արժանի կատարեալ համակրութեան և զարմանքին: Մեր բոլոր հայրենակիցների մէջ նա միայն բարձրացնում է դեռ ևս իւր հպարտ գլուխը: Եթէ նորան բաւական է իմ լիակատար համակրութիւնը, — ա՛յո՛, իմ բոլոր համակրութիւնը, բոլոր սրտով ցանկանում եմ, որ նա յաջողութիւն ունենայ: Բայց ես ինձ պահում էի նորա հետ այնպէս, որ չէի կարող անգամ տեղի տալ նորան ենթադրելու իմ մէջ այդ տեսակ զգացմունքներ:

— Մի բարկանար, Աննա, ասաց Պետրալիֆաուը, ես միշտ հաւատացած էի բոլորովին, որ քո սրտի մէջ չէր կարող ծագել ոչինչ ստոր, ոչինչ այնպիսի, որ անարժան լինէր քեզ և քո հօր պատուին: Ես գիտեմ, որ դու ամենից աւելի հաւանում ես Աթէնքի իշխանի առաջարկութեանը:

— Ի՞նչ դատարկ բան, պապս... կակազելով ասաց Աննան, և սաստիկ կարմրեցաւ:

— Այո՛, պնդում էր Պետրալիֆաուը, — ես տեսնում եմ, որ դու մի առանձին բարեհաճութեամբ ընդունում ես նորա դեսպանին: Ի հարկէ, Օտոնը հզօր իշխան է և Գիւլին կլինի նորա ժառանգը: Բայց առաջին որ, սիրելի զաւակս, մենք ամենւին չենք ծանաչում նորան, իսկ ես այնպէս հրսկում եմ քո բախտաւորութեան վերայ, որ երբէք չեմ համաձայնուի յանձնել քո վիճակը մի մարդու, որի բնաւորութիւնը և արժանաւորութիւնները ես չեմ ուսումնասիրել: Երկրորդ՝ եթէ Աթէնքի իշխանուհու դրութիւնը քեզ

շատ հաճելի և փառաւոր է թւում, Պելոպոնէսի իշխանուհու հոգիւթիւնը աւելի փառաւոր կլինի Դը. Լա Ռօշը անարժան չէ բեզ, բայց երիտասարդ Վիլլարդուինը ամենից արժանաւորն է: Գուցէ հօրդ համար աւելի էլ օգտակար է ազգականութիւն ունենալ հօր հարեանի հետ, որ իշխում է Աթէնքում և Թէբայում, բայց եթէ նա ազգականութիւն կկապէ Պելոպոնէսի իշխանի հետ, Օտօնը ամենւին վտանգաւոր չի լինի նորա համար, բաւական չէ այդ նա կլինի հօրդ ձեռքին իբրեւ մի գերի: Իսկ այդ վերջին առաւելութիւնը աւելի մեծ նշանակութիւն ունի: Մանաւանդ, որ եթէ այդ ամուսնութիւնը շահաւէտ է մեզ համար, շահաւէտ է նոյնպէս և Վիլլարդուինի համար: Ոչ մի ուրիշ կապ չէ կարող այդչափ համապատասխան լինել մեր երկու կողմի ընդհանուր ցանկութիւններին: Ուստի, այս բոլոր հանգամանքների պատճառով, ես, աղջիկս, կամենում էի զգուշացնել քեզ, որ շուտով, գուցէ վաղը, Գօլֆրիդը կխնդրէ քո ձեռքը:

— Իսկ ես կբացասեմ նորան, հաստատամտութեամբ պատասխանեց Աննան:

— Դէ, հոգիս, դա մի մանկական կամակորութիւն է, ասաց Պետրալիֆասը, յօնքերը կիտելով: Ես զիջանում էի մինչև որ թոյլ էին տալի օգուտը և խոհեմութիւնը. իսկ այժմ, ըստ որում ունիմ հայրական իրաւունք, ես օգուտ կբաղեմ սորանից ամենայն խստութեամբ: Ես եկայ այստեղ յայտնելու քեզ հօրդ և իմ վճիռը, և ոչ թէ վիճելու քեզ հետ:

Ասելով այս խօսքերը կոշտ ձայնով՝ ծերունին դուրս գնաց սենեկից:

Աննան երկար ժամանակ նայում էր դրան վերայ ինչպէս ծանր քարի տակ սեղմուած, և կարծես թէ կորցրեց և՛ զգացմունքը և՛ շարժողութիւնը: Բոլոր արիւնը յորդուածեամբ հոսեց դէպի սիրտը, որ և սկսեց այնպէս սաստիկ բաբախել, որ նորա զարկի ձայնը կարելի էր լսել հեռուից: Վերջապէս առատ և ջերմ արտասուքները թափեցին աչքերից, նա վեր թռաւ տեղից և սկսեց արագութեամբ քայլել սենեկի մէջ:

Ամեն տեսակ վճիռները մէկը միւսից աւելի անիրա-

գործելի, թափառում էին նորա քորքոքուած գլխի մէջ. մերթ նա մտածում էր թոյնի վերայ, մերթ կամենում էր վազել Գօտիէի մօտ կամ տեղեկութիւն տալ նորան, որ կարօտ է նորա օգնութեան. և այլն: Յետոյ դարձեալ թափառում էին արտասուքներ:

Վերջապէս, երբ փոքր ինչ հանգստացաւ Աննան և մտքերը ժողովեց, նա որոշեց, որ միւս օրը, որսորդութեան ժամանակ տեսնուի Գօտիէի հետ և յանձնէ իւր վիճակը նորա պաշտպանութեան:

23.

ՄԷԿԻ ՏԵՂ ԵՐԿՈՒ ՆՇԱՆԱԴՐՈՒԹԻՒՆ:

Վանուխ տաւաօտից Մօրէի իշխանի պալատում սկսուեցաւ աղմուկ և շարժողութիւն. ասպետները մեծ քանակութեամբ հաւաքուեցան նշանակած ժամից առաջ: Զապէլը, որ նոյնպէս ցանկացաւ մասնակցել որսորդութեան, հագեւ էր համապատշաճ շորեր և ընդունում էր հիւրերին:

Մօր կողքին կանգնած էր փոքրիկ Վիլհելմ Վալամատցին. մանուկի ուսի վերայ կախած էր արծաթի աղեղն, իսկ աջ ձեռքի վերայ նստած ունէր մի բաղէ: Մանուկը թըռչկոտում էր ուրախութիւնից, որ գնում էր որս անելու:

Հուտով երևեցաւ և Ռօքերը: Համոզուելով որ անհրաժեշտ է փոխել հանգամանքները, նա փոխանակ անօգուտ կերպով տրտնջալու ճակատագրի վերայ և բարկանալու մարդոց վերայ, իւրեան յատուկ բարեսրտութեամբ ընդունում էր Վիլարդուինի բարեկամական ցոյցերը և յօժարութեամբ յետաձգեց իւր գնալը, որ մասնակցէ որսորդութեան:

Յետոյ ներս մտաւ Գօգֆրիդը մի խումբ երիտասարդ բարձնների հետ. նորա ետևից Պետրալիֆասը իւր թոռնուհու հետ: Աննան շատ զեղնած էր:

Վերջապէս երեաց Ագնէսը կռթնելով Վիլարդուինի թևի վերայ իւր բոլոր ուղեկիցների հետ:

Վիլարդուինը նստեցաւ և հրաւիրեց նստել բոլոր հասարակութիւնը: Ծառաները մատուցին զանազան բաղդերեղէններ և ըմպելիքներ, մեծարելով նախ կանանց և ապա ասպետներին:

Մօտ էր արդէն ձի նստելու ժամանակը, և ահա՛ յանկարծ գուռը բացուեցաւ և ներս մտաւ Ռէդէտի եպիսկոպոսը Ա. Պօլսի նաւերի նաւապետների հետ: Եպիսկոպոսը մօտեցաւ Ագնէսին, որ փոքր ինչ շփոթուեցաւ նորա գալուց, ու գլուխ տալով, ասաց:

— Իշխանուհի, ահա՛, նաւապետները եկել են յայտնելու ձեզ որ քամին փոխուել է, և եթէ դուք չէք կամենում կորցնել յաջող ընթացք, ժամանակ է առաքատները բանալու:

— Ինչպէս, գոչեց Վիլլարդուինը, բանա՞լ առաքատները, երբ պատրաստուած է որսորդութիւնը: Ա՛յ, այդ անկարելի՛ է: Վա՛ղը:

— Իշխանուհի՛, ասաց նաւապետներից մէկը, խորը գլուխ տալով, — այս քամին չէ կարող երկար տևել: Երբ մենք կհեռանանք Մօրէից մի քանի մղոն, այնուհետև մենք այլ ևս երկիւղ չենք ունենայ քամու փոփոխութիւնից: Բայց եթէ օգուտ չենք քաղի ներկայ յաջող ընթացք, շատ հաւանական է, որ ստիպուած կլինենք սպասել էլի մի քանի օր:

— Իշխանուհի, ասաց Տաճարականներից մէկը, մենք պէտք է գնանք: Մինչև այժմ՝ ձերդ բարձրութեան ճանապարհորդութիւնը ուշացաւ չափից դուրս. մեզ անհնարին կլինի արդարանալ կայսեր առաջ եթէ մենք դարձեալ կը յետաձգենք գնալը առանց ծանր պատճառների, երբ քամին յաջողակ է մեզ:

— Հայր Տաճարական, պատասխանեց Ագնէսը, խոստովանում եմ — ես չունիմ ձեր անհամբերութիւնը: Ի՞նչու էք կամենում պոկել, հեռացնել ինձ այդպէս շուտով այս տեղից, ուր ես այնպէս բախտւոր եմ:

Եւ իշխանուհին սեղմեց Զապէլի ձեռքը:

— Բայց, ձերդ կայսերական բարձրութիւն, պատասխանեց Տաճարականը, — դուք բարեհաճեցաք լսել, որ մի օրուայ յետաձգութիւնը կպատճառէ մեծ կորուստ ժամանակի:

— Մի՛ լսէք դորան, ասաց Վիլլարդուինը, — դա հաւատարիմ է իւր պարտաւորութեան և անգութ առ ձեզ: Մի՛ եթէ դուք կկամենաք ուրախութեան օրը փոխել տրտմութեան և վշտի: Բոլոր, այստեղ հաւաքուած, ասպետների

հետ և նոցա կողմից ես աղաչում եմ ձեզ մնալ մեզ մօտ էլի մի օր:

Այդ ըոպէին երիտասարդ Գօդֆրիդը մօտեցաւ Ագնէսին և ծռնւր իջնելով ասաց նորան.

— Ձերդ բարձրութիւն, միւշդեռ կամենում են ձեզ պոկել հեռացնել հայրենակիցների միջից և ուղարկել ձեզ օտար և անծանօթ մարդոց մօտ, երբ կամենում են զոհ բերել ձեզ Թագաւոր—մանուկին, որ գուցէ դեռ դայեակի խնամքի տակն է,— Թոյլ տուէք ինձ ընկնել ձեր ոտների առաջ և աղաչել չհնազանդուիլ, չզիջանել սարսափելի բռնադատութեան: Մնացէ՛ք, մնացէ՛ք մեզ մօտ: Մեր նիզակներից, սրերից, ձեռքերից և սրտերից ամբողջ կկազմենք և կպաշտպանենք ձեզ ամենքից և ամեն բանից: Գուցէ սիրտըս կուրացնում է խելքս. գուցէ ինձ մեղադրեն անվայել համաձայնութեան մէջ, յանցաւոր յանդգնութեան մէջ, ինձ, որ ծնուել եմ և մեծացել արքայական գահից հեռու, և վստահանում եմ աչք բռնել Թագի ամենաթանկագին զարդի վերայ: Այնու ամենայնիւ, առաջի Աստուծոյ, ի ներկայութեան բոլոր բարօնների և ասպետների, որ հաւաքուած են այստեղ, առաջի իմ օգոստոսափառ ծնողների, որ չեն մերժի իմ խօսքերը,— ես առաջարկում եմ ձեզ իմ ձեռքս, անընկճելի հաւատարմութիւն, և յաւիտենական սէր: Ե՛ս չեմ վեր կենայ ծռնկիցս մինչև որ ձերդ բարձրութեան ձեռքը ոտի չկանգնացնէ ինձ, կամ չտայ մահաջու հարուած:

Լսելով այդ տարօրինակ ճառը, բոլոր հասարակութիւնը մնաց ապշած և մի խուլ քրթմնջումն լսուեց ամեն կողմից:

Ագնէսը մեկնեց ձեռքը:

— Վեր կացէ՛ք, ասպետ, ասաց նա:

Յետոյ ինքն էլ ոտի կանգնելով, Ագնէսը շարունակեց:

— Եւ ես նոյնպէս առաջի Աստուծոյ, բոլոր բարօնների և ասպետների, և Մօրէի իշխանի և նորա ամուսնու, որոց համարում եմ այժմ իբրեւ իմ ծնողների տեղը բըռնողների, յայտնում եմ, որ ընդունում եմ այն ձեռքը, որ ինձ առաջարկուած է այնպէս վեհանձնաբար, և ճանաչում եմ իբրեւ իմ ամուսինն և տէր Գօդֆրիդ Վիլարդուինին:

— Ի՞նչպէս, գոչեց ծերունի Տաճարականը, ի՞նչ ասացիր: Մտածեցի՞ր դուք արդեօք, ձերդ բարձրութիւն, թէ ինչ ասացիր այս ըոպէիս: Երևի դա մի հանաք էր, բայց թող տուէր ինձ նկատել մի անվայել և անտեղի հանաք:

— Սա հանաք չէ, խստութեամբ ասաց Ագնէսը, — այլ իմ անդառնալի վճիռն է:

— Բայց ես երբէք չեմ կարող համաձայնուիլ այդ բանին, ասաց Տաճարականը. — բնաւ ներկայ չեմ լինի այդ պսակին, մտածե՛լ էք դուք թէ որպէս մեծ կլինի ձեր մօր վիշտը, որպէս սաստիկ — կայսեր բարկութիւնը:

— Ես չեմ էլ խնդրում ձեր համաձայնութիւնը, պատասխանեց Ագնէսը. ես ներում եմ ձեզ ձեր խօսքերի անվայելչութիւնը, իմանալով որ նոքա բլխում են ձեր հաւատարմութիւնից առ կայսրը: Ես նոյնպէս չեմ խընդրում մնալ այստեղ ո՛չ ձեզանից և ո՛չ Ռէդէտի յարգելի եպիսկոպոսից, որ նոյնպէս, ինչպէս և դուք, չէ համակրում կամ չէ համարձակում համակրել իմ վճռին: Աերադարձէք Վ. Պօլիս, ասացէ՛ք իմ սիրելի մօրը՝ որ նուրան խաբել էին, որ ինձ ուղարկել էին իբրև զոհ նենգամիտ բաղաբանութեան, և մայրս կօրհնէ ձեզ որ դուք ազատեցիք ինձ: Ասացէ՛ք կայսեր, որ փոխանակ մի երեխայի, որին կաթով են կերակրում ովկիանոսի ափում, նուրան փեսայ կլինի ամենաբաշտ ասպետը բոլոր բրիտանաց աշխարհի մէջ, ժառանգ երկրիս ամենագեղեցիկ իշխանութեան, ժառանգ մի երկրի, որ կանգնած է նորա գահի պատուանդանի մօտ: Եւ ես հաւատացած եմ, որ կայսրը, երբ նորա բարկութիւնը կհանդարտուի, նոյնպէս շնորհակալ կլինի ձեզանից: Գնացէ՛ք:

Թնդացին աղմկալից, ոգևորուած գոչումներ, և Գոդֆրիդը տարփանքով համբուրեց իւր հարսնացուի ձեռքը: Իսկ ինքն Ագնէսը ընկաւ Վիլլարդուինի և Ջապէլի գիրկը: Դահլիճի մէջ կային երկու անձն, որոց վերայ այդ անցքը գործեց խիստ մեծ, բայց ոչ նման, ազդեցութիւն:

Աննան, որ եկել էր այդ հանդիսին ներկայ լինելու իբրև գերի, շղթաներով կապուած, իբրև մի զոհ, որ տաւ նուա՛ր էին զոհելու, Աննան, հէնց որ տեսաւ Գոդֆրիդի շարժումները և հասկացաւ նորա միտքը առաջին խօսքերից

յետոյ, զգաց որ՝ նորա սրտից վայր ընկաւ մի ծանր բար. ուրախ ժպիտը խաղաց նորա շրթունքի վերայ: Մինչև այդ ժամանակ նա լուռ էր իբրև մի անբան էակ, իսկ այժմ սկսեց ուրախ խօսել Պօտիէի հետ, որ պատահամբ կանգնած էր նորա մօտ:

Պետրալիֆասը, ընդհակառակն, մնացել էր պաղած իբրև արձան. նորա մազերը և մօրուքը բարձրացել էին ցից ցից: Այդ ծերացած երեսի տպաւորութիւնը նոյն ընկալէին մի հետաքրքիր պատկեր կներկայացնէր նկարչին: Զըշային գրգռմունքը տիրեց ծերունուն, նա օրօրում էր իւր աթոռի վերայ և շրթունքների ջղախն շարժմունքներով փնթփնթում էր կամացուկ:

— Վատակերգութիւն, դատարկ կատակերգութիւն, առաջուց պատրաստած կատակերգութիւն:

Վիլլարդուինը համբուրելով իւր ապագայ հարսին, սառնասրտութեամբ մօտեցաւ Պետրալիֆասին և բռնելով նորա ձեռքը ասաց բարձր ձայնով.

— Վսեմաիմյալ տէր, շնորհաւորեցէք իմ որդուն:

Յետոյ աւելացրեց ականջին:

— Շատ տարօրինակ բնաւորութիւն ունի իմ Պօդֆրիդը. երբ երեկ իմ առջև լուում էր, միթէ կարող էի գուշակել թէ ինչ էր նորա միտքը:

Պետրալիֆասը չպատասխանելով այդ նկատողութեանը, ասաց.

— Ի բոլոր սրտէ շնորհաւորում եմ օգոստափառ զուգակիցներին և յոյս ունիմ, որ յարմար դէպք կունենանք երբ և իցէ, ես և իմ փեսաս, ապացուցանել նոցա մեր անկեղծ զգացմունքները: Իսկ այժմ, ես էլ իմ կողմից խնդրում եմ ձեր գարծրութիւնից շնորհաւորել իմ թոռնուհուս:

Եւ ծերունին բռնեց Աննայի ձեռքը, որ չէր հասկանում թէ էլի ինչ նոր բան է մտածել իւր պապը:

— Օգուտ եմ քաղում ներկայ բարեբախտ դէպքից, ասաց Պետրալիֆասը, և յայտնում եմ այստեղ հաւաքուած բոլոր բարօններին և ասպետներին, որ ես նշանագրում եմ իմ թոռնուհուս, Ելլադայի իշխանի աղջիկ Աննային, Վիլհելմի հետ, որ նորին բարձրութեան Աթէնքի իշխանի եղբորդին է և ժառանգ: Խնդրում եմ ամենքից շնորհաւոր-

րել մեզ: Ասպետ Գօտիէ, տարէք Վիլհելմին այս վատանին, նա ձեզ ուղարկել էր մեզ մօտ խնդրել սորան:

Գօտիէն ընդունեց մատանին և նստեց Աննայի մօտ: Պապի խօսելու ժամանակ, խեղճ օրիորդը ապշեցաւ և մնաց նստած անշարժ, դեղնած, ինչպէս մարմարիոնի արձան: Նա անկարող էր մի խօսք անգամ արտասանել: Գօտիէն ասաց նորաւ.

— Այս մատանին — անդին գանձ է: Գուր կարող էք հասկանալ, որ ով ստացաւ սորան չէ կարող բաժանուիլ սորանից: Օտօն գը Լա Ռօշը, որ ուղարկեց ինձ այստեղ խնդրել ձեր ձեռքը, և նորա եղբորորդին Վիլհելմը հզօր իշխաններ են. նոքա տիրում են Աթենքին իւր ընդարձակ ձիթենի պարտէզներով, հերոսների մարմարեայ պալատներով և փիլիսոփաների դպրոցներով. նոքա տիրում են Թէբային իւր բարեբեր դաշտերով, ծաղկազարդ լեռներով, ուր բոլորու և մեղրածանձերի անհամար երամբեր. նոքա սնդուկներին մէջ շատ ոսկի կ'այ, նոքա զինարանների մէջ շատ զենքեր և նիզակներ: Եթէ կ'հրամայէք, ես կ'տանեմ այս մատանին Վիլհելմին: Բայց ես ճանաչում եմ մի ուրիշ ասպետ, որ չունի ոչ պալատներ, ոչ ամրոցներ, ոչ գանձ. նա ունի միայն մէկ նիզակ, իւր սեփական նիզակ: Բայց այդ ասպետը ունի այն, ինչ որ հազիւ թէ ունենայ նորա իշխանը — ունի սիրտ վառ, լի սիրով և անձնուիրութեամբ: Այդ ասպետը դնում է իւր սիրտը ձեր ոտի տակ և թոյլտուութիւն է խնդրում թողնել իւր մօտ սոյն մատանին:

— Պարոն Գօտիէ, ասաց Պետրալիֆասը փոքր ինչ անպատուող շեշտով, և յօնքի տակից նայելով Գօդֆրիդի վերայ, այդ կատակերգութիւնը գուցէ զուարճալի է և սրամիտ, բայց, թոյլ տուէք ասեմ, և անտեղի:

— Անտեղի կատակերգութիւն, ասաց Գօտիէն, ներեցէք ինձ: Ես պատասխան եմ սպասում միայն նորանից, որը միայն իրաւունք ունի վճռելու, թէ՛ ում պէտք է տամ սոյն մատանին — հզօր իշխանին, թէ հաւատարիմ ասպետին:

Այդ միջոցին Աննան արդէն ոգի առաւ և իսկոյն հասկացաւ, որ գուցէ այդ բոլորից է կախուած իւր ապագայ վիճակը:

— Պարոն ասպետ, ասաց նա, — այդ մատանին չէր նշա-

նակուած ձեռքից ձեռք անցնելու համար: Եթէ Վիլհելմ դը-Լա Ռօշը ցանկանում էր ստանալ այդ մատանին, նա պէտք է ինքը գար այստեղ և աշխատէր ստանալ դորան: Ձեր ձեռքի մէջ է այժմ մատանին, և ուրիշ ոչ ոք իրաւունք չունի պահանջել դորան:

Գօտիէն իսկոյն իւր ձկոյթի վերայ հագցրեց մատանին, և ընկնելով Աննայի ոտի տակ, հագցրեց նորա մատին մի ադամանդեայ մատանի, որ փայլում էր հազարաւոր կոյծերով:

— Ես ընդգիմադրում եմ իմ հայրական իշխանութիւնս, կատաղաբար գոչեց Պետրալիֆօսը. ես երբէք չեմ համաձայնուի այդպիսի խայտառակութեան: Գօտիէ, դուք դաւաճան էք և յափշտակող ձեր իշխանի առջև. դուք յափշտակեցիք իմ թոռնոճհու սիրտը և մոլորեցրիք նորա միտքը: Վիլհելմ դը Լա Ռօշի անունով, Աննայի օրինաւոր փեսացուի անունով, ես խնդրում եմ միջամտութիւն Պետրալիֆօսի վսեմաշուք իշխանից, ես խնդրում եմ պատժել յանցաւորին: Գօտիէն, ոտի կանգնելով, ասաց:

— Մի խօսք, նախ քան դուք կդատապարտէք ինձ: Վիլհելմ դը Լա Ռօշի կողմից շնորհակալութիւն եմ յայտնում ձեզ, ազնիւ տէր. և եթէ դուք բարեհաճութեամբ ընդունել էք Վիլհելմի առաջարկութիւնը, տուէք ինձ համբուրել ձեր ձեռքը: Վիլհելմը... Ես եմ:

Նա բացեց իւր վերարկուն և ցուցեց կուրծքի վերայ ոսկեթելով կարած դը-Լա Ռօշների նշանը...

— Աներէք ինձ արդեօք, ասաց նա, սոյն անմեղ խորամանկութիւնը:

— Վիլհելմ դը Լա Ռօշ, գոչեց Վիլլարդուինը, բռնելով Վիլհելմի ձեռքը: Ամենամեծ բախտաւորութեամբ գըրկում եմ իմ երեւելի բարեկամի եղբորորդուն, ինչպէս և ուրախութեամբ ընդունեցի նորա զեսպանին: Բայց նշուածակուում էիք կեղծ անունի տակ:

— Ես նոր եմ եկել Քրանսիայից, պատասխանեց Վիլհելմը, ժպտալով, — ձեր արքունիքում ես ամենեւին յայտնի չէի, ուստի օգուտ քաղեցի այդ դէպքից որ նուաճեմ Աննայի սիրտը ինձ համար, և ոչ թէ Աթէնքի իշխանութեան ժառանգի համար: Աննան ընդունեց Գօտիէի առաջարկութիւնը, իսկ դուք, հայր իմ, — դարձաւ նա դէպի Պետրա-

լիֆասը, — կընդունէ՞ք ինձ արդեօք ձեր գրկի մէջ ինչպէս որդի իշխան դը-Լա Ռօշի:

Պետրալիֆասը գրկեց Վիլհելմին:

— Որդեա՛կս, ասաց ծերունին, ընդունում եմ ձեզ Աննայի հօր անունով: Դուք կարող էք պարծենալ ձեր ճարպիկութեամբ, դուք խաբեցիք նոցա, որոնք խաբում են ուրիշներին:

Վիլլարդուինը ամենևին նշան չցոյց տուեց թէ հասկացաւ այդ ակնարկութիւնը:

— Պարոններ, ասաց նա, — այսօրուայ որսորդութիւնը պատրաստւում է ի պատիւ երկու նշանադրութեան Վիլհելմ դը-Լա Ռօշի՝ Աննա Վոմեննի հետ, և իմ որդի Գօտֆրիդի՝ Ագնէս դը-Վուրտինէի հետ: Գնա՛նք ուրեմն: Պատրաստ է, մեզ են սպասում:

Այդ նշանից յետոյ բոլոր ներկայ եղողները, որ մինչև այդ ժամանակ պահպանում էին քաղաքավարութեան և պատուապահութեան լուրթիւնը, ուրախութեամբ գոչեցին և զուարթ աղմուկով դուրս գնացին դաշլիճից: Պալատում պատահած անցքերի լուրը կսլծակի արագութեամբ տարածուեցաւ բոլոր քաղաքի մէջ, և բոլոր ճանապարհների վերայ անթիւ և ոգևորուած ժողովուրդը կեցցէներով, շնորհաւորութիւններով և բարեմաղթութիւններով էր ընդունում նոր նշան դրուածներին:

24.

Բ Ա Ն Տ Ա Ր Կ ՈՒ Ա Ծ Ը

Մինչդեռ ուրախ հասարակութիւնը գնում է ձիերով սարերը, ուր սպասում է ասպետներին որսորդութեան քաղցրը զբօսանքը, յիշենք որ՝ Խամարէթը նստած է իւր մըռայլ բանտի մէջ: Առիւծը այն եռանդուն, դիւրագրգիռ անձերիցն էր, որոց մարմինը աւելի շուտ է յոգնում, քան թէ հոգեկան ոյժերը: Մենք տեսանք թէ ինչպէս շրջապատող խաւարից, ազատուելու, դուրս պրծնելու, անօգուտ ջանքերով սաստիկ յոգնած ենթարկուեց նա վերջապէս բնի ազդեցութեան:

Բայց Առիւծի հոգին արթուն էր:

Հերոսի ազատ հոգին թափանցեց անցաւ բանտի հաստ պատերը, և յիշողութեան և յոյսի ապակու միջից աղօտ իմն կերպով ներկայացնում էր բանտարկուածին մերթ լուսավառ լեռները, մերթ քարանձաւներից և խիտ անտառներից դուրս եկող յոյներ, որոնք գնում էին դէպի Կ. Պօլիս սաղմոսներ երգելով, արմաւենու ոստերը ձեռքին բռնած: Երբեմն նորան երևում էր պատերագմի դաշտ, աղմուկներով թնրած, արիւնով ծածկած, ամեն կողմից արհաւիրք, հեծեծանք, աղաղակ, շփոթութիւն. այնտեղ, հեռու, լըսւում էին հին յունական երգեր: Ինքը Խամարէթը անշարժ պառկած էր գետնի վերայ: Պետրալիֆասը ծռնկով սղմում էր նորա կուրծքը և ծիծաղում էր չարախնդացութեամբ: Պառկած զինուորի գլխի վերայ ճախրում էր Աննան, ինչպէս հին չափուածուհին յաղթութեան: Նա տարածում էր իւր ոսկեհոն թւերը և ցոյց էր տալիս նորան երկինքը:

Այդ երևակայական ցնորքների և երազների մէջ զարթեցաւ Խամարէթը: Արշալուսի նուազ նշոյլները դժուարութեամբ մտնում էին ներս ստորերկրեայ բանտի վանդակապատ փոքր պատուհանով: Ամենից առաջ բանտարկուածը զննեց իւր բանտարկութեան տեղը: Աւաղ. մի արագ հայեացքը հաստատեց նորան այն, ինչ որ նախընթաց գիշերը ենթադրում էր նա: Նա գտնւում էր մի ստորերկրեայ սենեակի մէջ հաստ կամարներով ծածկուած: Մի երկաթի դուռը, պինդ փակած, և մի փոքր, նեղ, վանդակապատ պատուհան, գրեթէ կամարի տակ.— ահա, բոլոր ելքը: Այդ պատուհանից երևում էին միայն երկինքը և սարերի գագաթները խարոյկներով, որոց վերջին փայլմունքը մաքառում էր արշալուսի հետ:

Նայելով գետնին՝ Խամարէթը դարմանքով տեսաւ իւր մահճակալի մօտ մի պարկ պարանով կախուած. նորա մէջ դրած էր մի կուժ ջուր և կերակուր: Ինչպէս երևում էր այդ պարկը կախել էին փոքր պատուհանից նորա բնածժամանակ:

Այժմ Խամարէթը սկսեց հասկանալ, որ ինքը դարձել է զոհ ոչ թէ մոռացման, այլ ուխտադրուժ չարամտութեան: Այդ համոզմունքը աւելի ևս սաստկացրեց նորա

շփութութիւնը և բարկութիւնը: Նա պարզ տեսնում էր որ այդ տեղ կար մի դաւաճանութիւն, բայց չէր կարողանում հասկանալ ո՞չ դորա պատճառը և ո՞չ նպատակը: Նորից կատաղած, յարձակուեցաւ Առիւծը դրան վերայ, յուսալով պոկել օղակները կամ կոտրել փակերը, բայց շուտով տեսաւ որ՝ անօգուտ էր իւր ջանքերը: Նա սկսեց աղաղակել իւր բոլոր ուժով, բայց նոյնպէս, ինչպէս և գիշերը, նկատեց որ աղաղակի ձայնը կորչում է կամարների տակ, վերագարձնելով նորան միայն արձագանքը, մերթ խղճող, մերթ ծաղրող:

Յուսահատութեան մէջ, Խամարէթը ինքն էլ չէր իմանում թէ ինչ էր անում. պատռելով կատաղաբար իւր վերարկուն, ձեռքը դիպաւ դաշոյնին: Առիւծը հանեց դաշոյնը պատեանից և կամենում էր ցցել կուրծքի մէջ. բայց երբ սառը պողպատը դիպաւ մարմնին, բանտարկուածը սթափուեցաւ և սկսեց քննել իւր արարմունքը:

— Եթէ ես ինքս ինձ սպանեմ, մտածում էր նա, դա մի մեծ յաջողութիւն կլինի իմ բոլոր թշնամիների համար, որպիսիք և լինին նորա: Եթէ ես կմեռնեմ, կկործանուի ուրեմն այն ձեռքը, որ բռնած ունի Յունաստանի վիճակը, բայց, մինչդեռ, գուցէ, ապագան խոստանում է ինձ ամենամեծ երջանկութիւն: Ո՛չ, այդ կլինէր խելագարութիւն և եղեռնագործութիւն:

Խամարէթը փոքր ինչ հանդարտուեց, ծանր քայլերով մօտեցաւ կերակրին, որ պատրաստուած էր նորա համար, և կերաւ այնքան, որքան միայն հարկաւոր էր ղոժերը կազդուրելու համար, որին այնպէս մեծ պէտք ունէր: Մի անգամ էլ ուշադրութեամբ զննելով դուռը, Առիւծը մօտեցաւ մահճակալին, բարձրացրեց, կոտրեց ռաները, հանեց տախտակները, դրեց պատի մօտ, բարձրացաւ նոցա վերայ մինչև պատուհանը, և մի ձեռքով բռնուեցաւ երկաթի վանդակից:

Նայելով պատուհանից, նա տեսաւ պարտիզի մի մասը, որ շատ հեռու էր բնակարանից: Ոտներով յենլով ճարտարագետական խարսխի վերայ, որ բոլորում էր պատերի շուրջը, նա բոլոր ուժով սկսեց թափ տալ երկաթի վանդակը, բայց շուտով համոզուեցաւ որ անկարելի

էր կոտորել: Խամարէթը վերցրեց իւր դաշոյնը և փորձեց կտրել նորանով երկաթները կամ տեղահան անել վանդակը: Բայց այդ էլ անհնարին եղաւ:

Մնում էր թողնել, ձգել անօգուտ փորձը: Առիւծը նորից թռաւ գետինը, վերցրեց իւր թրի երկաթի պատեանը և սկսեց ծեծել նորանով դաշոյնի բերանը, մինչև որ դարձաւ սղոցի նման:

Աւարտելով այդ գործը, Խամարէթը դարձեալ բարձրացաւ պատուհանի մօտ: Մի ձեռքովնա կախ ընկաւ վանդակից, իսկ միւսով գործ դրեց իւր ինքնահնար սղոցը: Աշխատել կարելի էր ծանր կերպով և պէտք էր մեծ զգուշութիւն, որովհետև ամենափոքր ձայնը կարող էր գրաւել բանտի պահապանների ուշադրութիւնը և ոչնչացնել ազատութիւն հնարքը: Սկզբում գործի յաջողութիւնը շատ չընչին էր. Խամարէթը արդէն սկսում էր յուսահատուիլ, բայց յանկարծ անպատմելի ուրախութեամբ նկատեց որ վանդակից սկսեց թափել երկաթի մանր թեփ: Նա կրկնապատկեց աշխատանքը, մոռանալով բոլոր զգուշութիւնը: Ամբողջ գետնափորի մէջ հնչում էր նորա գործիքի ձայնը, որ մաշում էր կամաց կամաց երկաթի հաստութիւնը:

Վերջապէս սղոցի ձայնը սթափեցրեց Խամարէթին, նա սարսափեց, յիշելով վանդակը, որին ենթարկուում էր, և կանգ առնելով՝ ահաբեկուած սպասում էր թէ ինչ կ'ընին: Ի մեծ զարմանս իւր, բանտարկուածը համոզուեցաւ որ չէ գրաւում ոչ ոքի ուշադրութիւնը. նա խրախուսուեցաւ, և աւելի մեծ եռանդով և զգուշութեամբ շարունակեց իւր գործը: Հեւտով, բրտիքի մէջ լողալով, Խամարէթը աշխատում էր մօտ երեք ժամ, գրեթէ առանց հանգստանալու: Վերջապէս, վանդակը կոտրուեցաւ, բայց չընկաւ բոլորովին: Հարկաւոր էր սղոցել նորան և վերի կողմից, ինչպէս սղոցուած էր արդէն ցածի կողմից: Այդ աշխատանքը խեղճ էր մի քանի ժամ, վերջապէս՝ վանդակը ընկաւ:

Խամարէթը գուրս հանեց նեղ պատուհանից առաջ գլուխը, յետոյ իրանը, և թռաւ պարահզը: Անպատում ուրախութեամբ, նետի պէս վազեց Առիւծը դէպի պարիսպը, մագլցեց պատի վերայ, և թռաւ փողոցը ազատ և ուրախ:

Վէսօրից երկու ժամի չափ անցած էր:

Նորից ստանալով իւր ազատութիւնը, Խամարէթը փոխանակ հեռու փախչելու այնտեղից, որտեղից դուրս պըրծաւ այնպիսի դժուարութեամբ, յետ դարձաւ, մօտեցաւ Պետրալիֆասի տան և սկսեց թակել դուռը: Նորա նպատակն էր նախատել Պետրալիֆասին իւր դաւաճանութեան համար և հաշիւ պահանջել նորանից այդպիսի վարմունքի համար. և գուցէ տեսնուիլ Աննայի հետ և նորանից իմանալ իւր վիճակի վճիռը:

Ծառան, բաց անելով դուռը, յայտնեց Խամարէթին թէ Աննան և Պետրալիֆասը գնացել են իշխանի հետ որսորդութեան:

— Այդ անյաջողութիւնը գրգռեց Խամարէթին: Հազար տեսակ նոր ենթադրութիւններ կուտակուեցան նորա գլխում, անկապ յաջորդելով մէկը միւսին: Նորա առաջին միտքն էր վազել սարերը, վառել խարոյկներ, տալ ապըստամբներին երրորդ նշանը և նոյն գիշերից սկսել մեծ ձեռնարկութիւնը: Բայց ամենից առաջ նորան հարկաւոր էր տեսնել Պետրալիֆասին և Աննային: Առիւծը մտածեց, որ հեշտութեամբ կարող է հանդիպել նոցա սարերում. և գընաց այն կողմը:

Խամարէթը հազիւ կարողացաւ երկու երեք փողոց անցնել Անդրավիդում, և նկատեց մի անսովոր շարժողութիւն ժողովրդի մէջ: Նորան յայտնեցին երկու նշանադրութեան մասին, որ շարժել էին ժողովրդի ուրախութիւնը:

Այդ լուրը կայծակի պէս հարուածեց Խամարէթին: Նա բռնեց այդ լուրը յայտնող առաջին մարդու կուրծքը, սաստիկ թափ տուեց նորան և գոչեց թէ նա լիրբ ստախօս է: Խեղճ մարդը հեռացաւ Խամարէթից, երեսին խաշ հանելով և մտածելով թէ խելագարին էր պատահել:

Յետոյ Առիւծը դիմեց միւսին, երրորդին, բայց մեքենայաբար, — և հասկացաւ, աւելի սրտով, քան թէ ականջով, որ պատասխանը միևնոյն էր:

Երբ տարակուսանքը այլ ևս անկարելի էր, նորա գըլուխը պտտուեցաւ, աչքերը մթնեցան. բայց նա դարձեալ շարունակում էր գնալ փողոցներով: Իսկ երբ խեղճը հասաւ Ս. Սովիայի եկեղեցուն, ծունկերը ծալուեցան, ոտքերը հրաժարուեցան ծառայելուց, և նա ընկաւ եկեղեցու

դրան առջև, բոլորովին ուշաթափ, միայն երբեմն բարբառելով մի խօսք— Աննա:

Երբ Խամարէթը ուշքի եկաւ և վերկացաւ տեղից, նա մուծը կերպով մտաբերում էր թէ՛ աղօթում էր. նա շօշափեց իւր երեսը և տեսաւ, որ թաց էր արտասուքից: Նա աչքերը դէպի երկինքը բարձրացրեց և հասկացաւ, որ երկար է մնացել պառկած, որովհետեւ արեգակը թեքուել էր արդէն դէպի արեւմուտք:

Կեանքի և զգացմունքի հետ արթնացան Առիւծի մէջ և սրտի տոչորմունքը: Յուսահատութեան և բարկութեան մէջ, նա վազեց դէպի ձգնաւորի խրճիթը, որ նորա ծածուկ պատսպարանն էր: Այնտեղ բազմատեսակ մտքեր խոնուեցան նորա գլխում. մերթ նա կամենում էր գնալ պտուել բոլոր փողոցներում իշխանական ընթացքը, սպանել Պետրալիֆասին, սպանել Աննային, սպանել դը Լա Ռօշին և յետոյ սպանել իւրեան նոցա դիակների վերայ. մերթ որոշում էր վառել խարոյկները սարերի գլխին, մահու և կեանքի պատերազմ յայտնել բոլոր Փրանկներին:

Առիւծը հանեց իւր արեղայական շորերը, հագաւ աւելի յարմար շորեր լեռներում թափառելու համար, վերցրեց նոր զէնքեր և արագ քայլերով գնաց դէպի սարերը: Մի ժամից յետոյ նա հասաւ բլրներին: Մայր մտնող արեգակի վերջին ճառագայթներից յետոյ խկոյն հասաւ երեկոյ, որ շատ կարճատեւ է Յունաստանում, և ապա շուտով տիրեց խաւար գիշերը:

Խամարէթը նայեց սարերի գագաթներին, ուր կամենում էր բարձրանալ, և կանգ առաւ զարմացմամբ: Գագաթից բարձրանում էր բոցը ինչպէս հրաբուլխի բերանից. ահագին խարոյկը բորբոքում էր և շրջապատող խաւարի մէջ նման էր մեծ գոհարի, որ փայլում է արքայական թագի վերայ: Մի րոպէից յետոյ լուսաւորուեցաւ միւս սարի գլուխը, յետոյ երրորդը. և վերջապէս բոցավառուեցան բոլոր գագաթները, որ միայն կարող էր տեսնել աչքը հեռու հորիզոնի վերայ:

Խամարէթը կարծում էր թէ երազումն է տեսնում այդ բոլորը, նորան թւում էր թէ իւր խանգարուած երեւակայութեան խաղ էր այդ: Սարսափով նայում էր նա

այդ տարօրինակ երևութի վերայ: Բացատրել այդ Վիլ-լարդուինի որսորդութեամբ անկարելի էր. որսորդութիւնը պէտք է վերջանար երեկոյեան դէմ: Առիւծը սկսում էր մտածել, որ չլինի՞ թէ գերբնական զօրութեան խաղալիկ էր դարձել: Բայց հնազանդուելով միայն ազգասիրութեան ձայնին, Խամարէթը որոշեց նախ և առաջ գտնել այդ գաղտնիքի բացատրութիւնը: Գուցէ որեւիցէ վտանգ էր սպառնում Յունաստանին, պէտք էր դիմադրել նորան: Նա մոռացաւ իւր բոլոր վշտերը, և կամենում էր ապրել մինչև որ իւր գործունէութիւնը կարող էր պիտանի լինել հայրենիքին:

Առիւծը արագութեամբ դիմեց դէպի Գալլի քարանձաւը:

25.

Վ Ե Ր Զ Ա Ի Ո Ր Ո Ւ Թ Ի Ի Ն:

Գիշերը սաստիկ մութն էր: Թանձր ամպերը ծածկում էին աստղերի նուազ փայլմունքը:

Ամբողջ երկու ժամ Խամարէթը գնում էր իւրեան լաւ ծանօթ լեռնային կածաններով: Յանկարծ նա նկատեց, որ խարոյկներից մէկը շարժուեցաւ տեղից, յետոյ երկարեցաւ լեռների լանջերի վերայ ինչպէս մի ահագին բոցեղէն օձ, որ մերթ ժողովում է և մերթ արձակում իւր օղակները:

Որքան աւելի մօտենում էր այդ անօրինակ երևոյթը, այնքան աւելի լաւ նշմարւում էր թէ ինչպէս հեռանում էին միմեանցից օձի լուսափայլ օղակները: Իւր Խամարէթը տեսաւ, որ մարդիկ էին երկար շարքով, ձեռքին փառած կերոններով, որոնք իջնում էին սարերի լանջերով:

Խամարէթի սիրտը զարկեց աւելի սաստիկ, նա հասկացաւ որ նորա առաջ գնում էր իշխանական որսորդութիւնը: Առիւծը չէր իմանում թէ ինչ անէր. սկզբում նա կամենում էր վազել սարերով և ձորերով և հասնել ընթացքին, բայց իսկոյն փոխեց դիտաւորութիւնը և շարունակեց ճանապարհը դէպի այն տեղը, ուր կոչւում էր նորան սրբազան պարտաւորութիւնը: Մինչդեռ նա գնում էր դէպի պայմանաւորեալ քարանձաւը, աչքը չհեռացնելով շարժուն շարք ճրագներից, յանկարծ կարծես թէ գետինը

ձեղքուեցաւ և մարդիկ ու կերոններն անհետացան: Թանձր խաւարը դարձեալ պատեց սարերին:

Խամարէթը սկսեց լաւ նայել, բայց ոչինչ չկարողացաւ նշմարել. նա դիմեց խելքի օգնութեան, բայց ոչինչ չկարողացաւ հասկանալ: Նա լաւ գիտէր որ իւր և այն տեղի մէջ, ուր նա տեսաւ շարժուն ճրագները, չկար ոչինչ բնական արգելք, որ կարողանար ծածկել նոցա իւր աչքից. և եթէ լինէր անգամ այդպիսի արգելք, ճրագների անհետանալը պէտք է կատարուէր ոչ թէ յանկարծ, այլ կամայ կամաց: Ընդհակառակն, ճրագները անհետացան յանկարծ, կարծես մի կտաւադական կերպով:

Այդ նոր, անմեկնելի և խորհրդաւոր երևոյթը աւելի ևս սաստկացրեց Խամարէթի անորոշ երկիւղը: Նա կանգնեցաւ մի թփի ետեւից և սկսեց ուշադրութեամբ նայել: Շուտով նա նկատեց որ մարդկանց բազմաթիւ խումբեր դուրս էին գալի ձորից և մօտենում ճանապարհին, ուր նա ինքն էր կանգնած, և գնում էր դէպի միւս կողմը: Բայց այդ բոլոր մարդիկը առաջ էին գնում այնպիսի թեթեւութեամբ, այնպիսի խորին յուսութեամբ, որ կարծես թէ սահում էին գետնի երեսի վերայ:

Կարելի էր կարծել որ այդ գիշերային ճանապարհորդները պահում էին շնչառութիւնը: Խամարէթի երեւակայութիւնը, արդէն սաստիկ գրգռուած բոլոր նորա հետ պատահած անցքերով, և տրամադրուած սնապաշտութեան, պատրաստ էր համարել այդ անյայտ էակներին իբրև թափառող ոգիներ, գերեզմաններից դուրս եկած:

Բայց Խամարէթը նախապէս համարեց ներկայ դէպքում հաւատ ընծայել աւելի սակաւ խաբող զգացմունքների վիպութեան: Հետեւելով խորհրդաւոր ճանապարհորդների զգուշաւոր քայլուածքի օրինակին, նա, նոյնպէս լռիկ մնալիկ, պճեղների վերայ, մօտեցաւ նոցա և խառնուեցաւ խմբի հետ, ոչոքից չնկատուած:

Մի քանի րոպէից յետոյ նորան թուեցաւ թէ մի կամացուկ փսիսոց, նման գիշերային թեթեւ գեփեռին, լըսւում էր իւրաքանչէր գնացող երկու մարդու բերանից: Դուքս մի տղամարդ և մի կին էին: Նոցա մի քանի խօսքերը զարմացրին Խամարէթի լարուած ուշադրութիւնը: Նորան

Թուեցաւ թէ լսում էր սիրահարական խօսքեր: Խօսողները ձայնը հազիւ էր դիպչում օդին, ինչպէս թիթեռնիկի թռիչքը, բայց փողի ձայնի պէս հնչում էր նա Առիւծի սրտի մէջ: Դորան այնպէս թուեցաւ թէ՛ դա Աննայի և Վիլհելմի դուռնա Թուոյի ձայնն էր... բնագոյնով Խամարեթի դողդոջուն ձեռքը բռնեց իսկոյն դաշոյնը:

Սիրտը չխաբեց նորան: Նորա առաջ գնում էին Աննան և Վիլհելմը: Միւս մարդիկը Պելպոնէսի իշխանի հիւրերն էին և ուղեկիցները:

Վիլարդուինը ինքն էր ղեկավարում որսորդութիւնը, և որովհետեւ նա շատ լաւ ծանաչում էր այդ տեղերը, ուստի նա առաջնորդում էր Օլէնից գէպի արևելք: Աննան և Ագնէսը զմայլում էին երկրի գեղեցիկ տեսարաններով. իսկ ասպետները բաւական գուարճացան յաջողակ որսորդութեամբ:

Ամբողջ այդ օրը Մօրէի իշխանը չափազանց ուրախ էր, և նորա ուրախութիւնը աննկատելի կերպով շարժում էր բոլոր հիւրերի ուրախութիւնը: Երբ նորան նկատեցին թէ գիշերը մօտենում է և որսորդները չեն կարող տուն հասնել լուսով, Վիլարդուինը պատասխանեց ժպտալով.

— Այսպէս ուրախ օրը չէր կարող այդպէս շուտով վերջանալ մեզ համար: Լսեցէք, կարծեմ չները դուրս են հանել եղնիկ կամ նապաստակ: Հօ չէ կարելի այդպէս թողնել որսը և չցոյց տալ նորան այն պատիւը, որ պահանջում է մեզանից:

Այդ ասելով, Վիլարդուինը բշեց իւր ձին: Ամենքը ծիծաղելով հետևեցին նորա օրինակին:

Բայց, պատահեցաւ այն, ինչ որ հեռատես մարդիկ գուշակում էին — երբ որսորդութիւնը վերջացաւ, արեգակը արդէն մայր էր մտնում, և որսորդները իւրեանց ուղեկից կանանց հետ՝ մնացին լեռնուտ, ամայի և անյայտ տեղերում:

Ամենքը, ժպտով, դարձան գէպի Վիլարդուինը, իւր թէ կամենալով ասել.

— Դուք մեզ այստեղ բերիք, դուք էլ պէտք է հանէք մեզ այստեղից:

Իշխանը հասկացաւ այդ լուռ բողբոջ:

—Մի՛ անհանգստանաք, ասաց նա ծիծաղելով: Ես կտանեմ ձեզ ամենակարճ ճանապարհով: Հետևեցէք ինձ:

Նա կանգնեց ընթացքի գլխին: Մի քառորդ ժամից յետոյ, անցկացնելով իւր ուղեկիցներին խորը ձորերի մի ջից, մօտեցրեց նոցա նեղ, անտառախիտ և ամեն կողմից փակած հովտին: Այդտեղ ներկայացաւ որսորդների առաջ անսպասելի և կատարեալ կախարդական տեսարան:

Ամեն մէկ ծառի ճիւղերից կախ տուած էին, պտուղների պէս գոյնզգոյն լապտերներ. ահագին, ստուերաւոր ծառերի տակ պատրաստուած էր շքեղ սեղան, զարդարած ոսկեղէն և արծաթեղէն ամաններով և համադամ կերակուրներով: Տեսնելով յանկարծ այդ բոլորը, ամենքի բերանից դուրս թռաւ զարմացական գոչում, և ամենքը հրաւիրուեցան նստել այդ անսպասելի խնջոյքին:

Սեղանի մի ծայրում նստեց Վիլլարդուինը իւր աջ ու ձախ նստեցնելով Ագնէսին և Աննային, իսկ միւս ծայրում — Զապէլը աջ ու ձախ ունելով Ռօբէրին եւ Պետրալիֆասին:

Խմեցին Ագնէսի եւ Աննայի, Գօդֆրիդի եւ Վիլհելմի կենացները մեծաձայն կեցցէ՛ներով: Ուրախ եւ փառաւոր ընթրիքը շարունակուում էր երկու ժամ. յետոյ սկսուեցաւ երաժշտութիւն և պար: Հանդէսը դեռ չէր վերջացել, երբ Վօրէի իշխանը տեսաւ Մատիօ դը-Մօնտին կանգնած հանդիսատեսների շարքում: Վիլլարդուինը հանդարտ ծանր քայլով մօտեցաւ նորան:

— Ամենքը այնտեղ են, կամացուկ հարցրեց իշխանը, բայց այնպիսի հանգստութեամբ, որ ամենահեռաւոր մարդն անգամ չէր կարող կարծել թէ խօսքը շատ ծանր գործի մասին է:

— Ամենքը, նոյնպէս հանգիստ պատասխանեց դը-Մօնտը:

— Դուք կարգեցի՞ք այնտեղ մեզ հաւատարիմ պահապաններ:

— Այո՛:

— Ի՞նչ հրահանգներ տուիք նոցա:

— Կարող է մտնել ով կամենում է. բայց դուրս գալ չէ կարող ոչ որ:

Վիլլարդուինը դարձաւ յետոյ դէպի հասարակութիւնը:

— Պարոններ, ասաց նա, եթէ կարծում էք, որ ժամանակ է տուն վերադառնալու, մենք կարող ենք գնալ: Բայց եւ խորհուրդ չեմ տալի ձեզ ձիով գնալ այս սարերով և ձորերով այսպիսի մթութեան մէջ: Մենք կազդուրուեցանք, հանգստացանք, ուստի աւելի ապահով կլինի ոտով գնալ, կերոններով լուսաւորուած ճանապարհով, իսկ ձիերը կուղարկենք առաջ սարի միւս կողմը: Ես կանցկացնեմ ձեզ ինձ յայտնի կարճ և լաւ ճանապարհով:

Առաջարկութիւնը ընդունուեցաւ ուրախութեամբ: Ման գալ ոտով, կէս գիշերին, ամառի սարերի մէջ, հազարաւոր կերոնների լուսով, ամենքը համարեցին իբրեւ մի նոր զօսանք, որով արժան էր վերջացնել այնպիսի ուրախ օրը: Վիլլարդուինը դաս դաս բաժանեց որսորդներին և բազմութիւ ուղեցոյցներին մի մի կերոն ձեռքին. ընթացքը շարժուեցաւ գնալով օձապտոյտ կածանով պատած ժառերով:

Երբ իջան սարի գլխից և հասան այն տեղին, ուր ճանապարհը գնաց հովիտով, իշխանը պայմանաւորեալ նշանը տուեց ուղեցոյցներին: Մի վայրկեանում բոլոր կերոնները հանդան: Վիլլարդուինը առաջարկեց հասարակութեան բայլ առ բայլ հետեւել ուղեցոյցներին և պահպանել ամենախորին լուութիւն մինչև որ ինքը թոյլ կտայ խօսել և կբացարէ այդպիսի կարգադրութեան պատճառը:

Ամենքը հնազանդուեցան, թէպէտ և զարմանում էին և չէին կարող պարզել այդպիսի կարգադրութեան խորհուրդը: Ահա այդ իսկ ժամանակ, երբ բոլոր հասարակութիւնը, ինչպէս գիշերային ոգիներ, գնում էր զգուշութեամբ դէպի Գալլի քարանձաւը, Խամարէթը պատահեցաւ նոցա և աննկատելի կերպով խառնուեցաւ նոցա հետ:

Գալլի քարանձաւում մի բանի ժամ առաջ հաւաքուել էին արդէն ապստամբութեան բոլոր պարագլուխները, որոնք գործում էին Խամարէթի հետ միասին և նորա առաջնորդութեամբ: Նոցանից շատերն արդէն վաղուց թագնուում էին Անդրավիդի շրջկաներում, գիւղերում, խորճիթներում, որպէս զի աւելի մօտ լինին ժողովատեղից և պատրաստ լինին գործելու: Տեսնելով առաջին գիշերը վառուած խարոյկները, ապստամբները մօտեցան, որքան կարելի էր ժողովատեղին: Հետեւեալ գիշերը պայմանաւորեալ

նշանը կրկնուեցաւ: Աւերջապէս, երբ խարոյկները բորբոքուեցան երրորդ անգամ, ամենքը վազեցին Գալլի քարանձաւը:

Հատերը հաւաքուել էին կէս գիշերից առաջ: Ոմանք նստեցան քարի նստարանների վերոյ, որ բոլորում էր մէջ տեղում վառած խարոյկի չորս կողմը, ինչպէս որ մենք տեսանք նոցա իւրեանց առաջին ժողովի ժամանակ:

Վերջին մտնողը նայեց բոլոր հաւաքուածների վերայ:

— Փառք Հօր, գոչեց նա:

Դա Վուտսարոսն էր, արդէն ծանօթ մեզ, որ յայտնի էր հայրենակիցներին իւր այդ սիրելի բացագանչութեամբ, որպէս և իւր զարմանալի քաջութեամբ:

— Փառք Հօր, երեւի ծառը հաստացել է և կանչում են ծառ կտրողներին: Առիւծները դուրս կգան իւրեանց որջերից, վայ յափշտակող գալերին: Ժամը հասել է, Փառք Հօր: Փոխանակ անարգանքի և ամօթի բաժակի, մենք կճաշակենք վրէժխնդրութեան բաժակից. սա արդէն լի է — մենք կխմենք կաթիլ կաթիլ: Բայց ի՞նչ է նշանակում այս: Ո՛ւր է մեր առաջնորդողը, մեզ ժողովողը: Ի՞նչպէս չէ եկել նա մինչև այժմ, նա սովորաբար միշտ առաջինն էր գալի: Փառք Հօր, մենք այստեղ շատուոր ենք, մենք ամենքս պատրաստ ենք, ամենքս վճռել ենք զիմել ամեն բանին: Բայց մեր մէջ չէ երևում, ով մեզ ոտի կանգնացրեց. մենք բոլորը չենք այստեղ: Ո՛ւր է մեր առաջնորդը:

— Եթէ դուք կկամենաք ընդունել ինձ, պարոններ, ես պատրաստ եմ դառնալ ձերնախագահ և առաջնորդը, որոտաց մի սոսկալի ձայն քարանձաւի մուտքի մօտ և նոյն վայրկեանում, Մեդուսայի գլխի պէս, ներս մտաւ Վիլլար-դուինը իւր բոլոր ուղեկիցներով:

— Ընդգիմութիւնը անօգուտ է, աւելացրեց Վիլլար-դուինը, դառնալով դէպի Վուտսարոսը և մի քանի այլ պարագլուխները, որոնք կամենում էին պաշտպանուիլ. զգոյշ կացէք:

Իշխանը հանեց իւր գօտու միջից մի սուլիչ և սուլեց: Մի վայրկեանում քարանձաւի դռնից և բոլոր խողովներից դուրս վազեցին զինուորներ և շրջապատեցին ապստամբներին:

— Մի զարմանաք, պարոններ, շարունակեց իշխանը,

ձեր քարանձաւը շրջապատած էր դեռ առաւօտից և արդէն
երկու ժամ է, որ ձեր պահապանները մեր ձեռքին են:
այժմ թոյլ տուէք, որ կատարեմ նախագահի պաշտօնը:

Եւ հանելով գրպանից մի թերթ թուղթ, Վիլլար-
դուիէնը պարզ և բարձր ձայնով սկսեց կարդալ: Ամենքը
կանգնած էին ապշած:

Ամեն մէկ կարգացած անունից յետոյ իշխանը նայում
էր ապստամբի զէնքի վերայ և ինքն ամեն անգամ ասում
էր—այստե՛ն'դ է: Վերջացնելով ստուգութիւնը, նա ասաց.

—Դուք, ճշմարիտ, շատ ճիշտ էք կատարել ձեր պարտ-
քը, ամենքդ ներկայ էք:

—Սո՛ւտ է, գոչեց Խամարէթը, բաժանուելով Վիլլար-
դուիէնի ուղեկիցների խմբից. պակաս է այստեղ նա, որ ո-
տի կանգնացրից, յորդորեց և ժողովեց ուրիշներին: Դոցա
մէջ չկայ միակ պատճառը, նախագահը, ապստամբութեան
պարագլուխը. նա միայն արժանի է ձեր բոլոր բարկութեան
և ձեր բոլոր պատիժներին: Այդ պարագլուխը—ե՛ս եմ...

—Պարծենում էք, Առի՛ւծ, ասաց իշխանը: Ես ձեզ չեմ
ընդունում, ձեր անունը չկայ ցուցակի մէջ:

Եւ Վիլլարդուիէնը ցոյց տուեց ցուցակը:

—Ա՛խ, այս ցուցակը, գոչեց Խամարէթը, սպառնու-
թեամբ նայելով Պետրալիֆասի վերայ: Դուք գնել էք այդ
ցուցակը Նրեստուն դահնկանի, ձերդ բարձրութիւն: Եղ-
բայրասպան Վայէնը, աստուածասպան Յուդան կգտնեն գու-
ցէ ներումն Աստուծոյ անսահման գթութիւնից: Բայց նո-
րան, ով ծախել է ձեզ այդ ցուցակը, չկա՛յ ներումն...
Նայեցէ՛ք, այդ թերթը փոքր ինչ պատռած է վերի կողմից:
Ես չգիտեմ ո՞վ է ունեցել առիս այդպիսի վիրաւորիչ կա-
րեկցութիւն. բայց այդտեղ, ամենի գլխին կանգնած էր իմ
անունը: Հարցրէք այս բոլոր ընկերներին, սոքա կհաստա-
տեն իմ խօսքերս:

—Հաւատո՞ւմ եմ ձեր խօսքին, Առի՛ւծ, պատասխա-
նեց Վիլլարդուիէնը. և եթէ ցանկանում էք, ես կընդու-
նեմ ձեզ ձեր ընկերների շարքում:

Յետոյ դառնալով դէպի միւս ապստամբները, իշխանը
շարունակեց.

—Դուք, մինչև այժմ լսում էիք ինձ իբրև ձեր նա-

խաղաՏին. այժմ, պարոններ, լսեցէք ինձ իբրեւ ձեր դատաւորին: Դուք պատրաստել էք ապստամբութիւն, դուք կամենում էք ոտի կանգնեցնել ձեր իշխանի դէմ. դուք կարողացել էք ապստամբացնել բոլոր երկիրը: Ուրեմն, դուք յանցաւոր էք իբրեւ պետութեան դաւաճաններ և արժանի էք մահու պատժին: Ես կարգած եմ ձեր իշխան. ես պարտաւոր եմ կառավարել Հաստատ և խելացի կերպով այն ժողովուրդը որ դուք կամենում էիք մոլորեցնել: Բայց ամեն մի պետական կառավարութիւն հզօր է ժողովրդական սիրով, իսկ սէրը պահպանում է ողորմածութեամբ: Ուստի... ես ձեզ ներում եմ: Աշխատեցէք երկարատեւ հաւատարմութեամբ քաւել այս դաւաճանութեան ժամը:

— Կեցցէ՛ Մօրէի իշխանը, գոչեց ապստամբներից մեծ մասը, թափելով զէնքը:

— Փառք Հօր, ասաց Վուստարոսը, խոնարհելով գլուխը: Թող լինի նորա սուրբ կամքը: Վաղը ես կմտնեմ վանքը ապաշխարելու:

— Ձերդ բարձրութիւն, գոչեց Խամարէթը. եթէ դուք հրամայէիք ձեր զինուորներին կոտորել մեզ, ես ուրախութեամբ կ'իջնէի գլուխս նոցա կացնի տակ: Ազատ մարդոց արիւնը, թափած հայրենի երկրի վերայ, ոռոգում է այդ երկիրը, և արիւն թափողների յիշատակը չէ մեռնում: Նահատակների արիւնը ջրում է և աճեցնում ազատութեան ծառը: Բայց այն շղթաները, որով դուք կաշկանդում էք մեր ազգը, մեծահոգութեան և երախտագիտութեան շղթաները — անխորտակելի են, նոքա պողպատից աւելի պինդ են և ազամանդից աւելի կարծր: Թող նա, ով կամենում է խոնարհուի Յունաստանի անարգութեան առաջը, յուսալ տակաւին բախտին կեանքի մէջ, թող նա խոնարհեցնէ իւր ճակատը ձեր անյաղթելի Գայիսոնի առաջը: Իսկ ես, որ տեսնում եմ թէ ինչպէս դաւաճանութիւնը սողում է մրտերմութեան դիմակի տակ, ես, որ տեսնում եմ Յունաստանը, ազատութեան այդ սրբազան հայրենիքը, ոռակոխ արած ցեխի մէջ, և արհամարհած ինչպէս մի ստրուկ, — ես այլ ևս չեմ կարող տանել այդ բանը: Ես անկարող եմ ձեզ վերայ իսկ փշրել ձեր ոսկի լուծը, բայց ահա՛ թէ ինչպէս եմ կոտորում նորան իմ անձիս վերայ:

Խամարէթը դուրս հանեց շտապով իւր դաշոյնը և կոյծակի արագութեամբ ցցեց իւր կրծքի մէջ։

— Փառք Հօր։ Թանկագին եղբայր, այդ ի՞նչ արիր, ասաց Վուստարոսը, իւր գրկում բռնելով Խամարէթին։

— Առիւծ, Առիւծ, ի՞նչու արիք դուք այդ բանը, ասաց Վիլլարդուինը անկեղծ ցաւակցութեամբ բռնելով իսկոյն թշուառ Խամարէթի ձեռքը։

Իշխանը անկեղծութեամբ սիրում էր և յարգում էր Առիւծին նորա ազնիւ բնաւորութեան համար։

Ամենքը կանգնած էին անշարժ, զարմացած, վշտացած այդ անցքից։ Աննան, ինքն իւրեան չհասկանալով, ծունկ ընկաւ Խամարէթի առաջ և արտասուքով թացում էր նորա երեսը։

Առիւծը բացեց աչքերը և լուռ նայեց Աննայի վերայ։ Յետոյ ժպտաց և ասաց։

— Աննա, շնորհակալ եմ ձեզանից... Երբ ես կենդանի էի, Աստուծոյ պէս պաշտում էի ձեզ, իբրեւ երկնային բընակիչ... Դուք չէիք էլ ենթադրում... Երբէք, ոչ մի հայեացքով անգամ դուք... չխրախուսեցիք ինձ... Այժմ ես մեռնում եմ, և դուք այդ պարգևեցիք ինձ գոնեա մի վայրկեան երջանկութեան... Ասացէք ձեր պապին որ ես... ներում եմ նորան... և եթէ կարելի է... աղօթում եմ... որ Աստուած և հայրենիքը նոյնպէս ներեն նորան... Յաճախ երազիս մէջ, ձեր կերպարանքով երևում էր ինձ ազատութիւնը։ Ձեր արտասուքը — ծիածան է... որի վրայով իմ ազատ հոգին... թռչում է... երկնային... օթեանը...

Խամարէթի շրթունքները հպուեցան Աննայի ձեռքին և... Առիւծը այլ ևս չկար...

— Ձերդ քարձրութիւն, ասաց Վուստարոսը Վիլլարդուինին, — Փառք Հօր, վերջին Սպարտացին ընկաւ։ Այժմ միայն դուք յիշաւի Մօրէի իշխան էք։

Ջուղայեցւոյ գրոց լեզուն	275
Վարդան ժամահար	276
Դովառանք Դուրջստանայ	280
Աղքատաց կերակրոյն համար	282

Ա Յ Լ Ե Ի Ա Յ Լ Ք

Վեհ. Հայրապետը Թիֆլիսում	287
Քահանայից ապահովութեան գանձարան	288
Մի նոր բարեգործութիւն	291
Մատենադրական նորութիւններ	291
Պետալօցցու տունը Բերլինում Ա. Ս.	292
Հայ մատենադարաններ	297
Երկու համախօսական	298
Սիրոյ միջնորդները Յ. Պարոնեան	299
Ստացուած գրքեր	320
Խմբագրութեան ծանուցումներ	321

Յ Ա Յ Տ Ա Ր Ա Ր Ո Ի Թ Ի Ի Ն Ն Ե Ր

Յ Ա Ի Ե Լ Ո Ի Ա Ժ

Մօրէի իշխան. վերջ. թարգմ. Վ. Ժ. Վ. Բաստամեան 111—222



Լ Ո Ւ Մ Ա Յ

Գ Ր Ա Կ Ա Ն Հ Ա Ն Դ Է Ս

ՁՈՐՐՈՐԴ ՏԱՐԻ

1896 թ. յունուարի 1-ից հրատարակում է Թիֆլիսում տարեկան երկու գիրք, բաղկացած մօտ 1000 երեսից և հետևեալ բաժիններով. — վիպական, տեղագրական, ազգագրական, մանկավարժական, առողջապահական, կենսագրական, պատմական, ժողովրդական, մատենախօսութիւն, այլապէք և յաւելում:

Առաջին գիրքը լոյս է տեսնում յունուար 1-ին, երկրորդը՝ յուլիսի 1-ին:

ՏԱՐԵԿԱՆ ԲԱԺԱՆՈՐԴԱԳԻՆՆ Է 3 ՌՈՒԲԼԻ
ԻՐԱՔԱՆՁԻՐ ԳԻՐՔՆ ԱՌԱՆՁԻՆ 2 ՌՈՒԲԼԻ

Մինչև այժմ տպագրուել է 6 գիրք, որոնք լոյս են տեսել միշտ խոտացած ժամանակներին և երբեմն էլ ամսաչափ առաջ:

Բանալով «ԼՈՒՄԱՅ»-ի 1899 թուի բաժանորդագրութիւնը՝ խմբագրութիւնը յայտնում է ի գիտութիւն ընթերցող հասարակութեան, որ առաջիկայ տարին ևս նոյն ճշտութեամբ պիտի հրատարակուի, ինչպէս և անցեալ տարիները, նոյն ծաւալով և նոյն աշխատակիցների օգնութեամբ:

Հասցէն՝ Тифлис, Редакция „ЛУМА“ կամ
промоіерею Гюмю Аганьянц.